

UBUPÍME BWA

MŪNDU UMPELELÉSYE



Ndaga ugwe, Nkundwe Neville. Ntwa akusaye ugwe.

Ikyene kyo kinunu ukugomokela mu kitembe kangi ulubunju ulu. Ulwaipyana “lubunju lununu,” kwa umwe mwesa. Kangi une ngusubila ukuti ili lisakuyaga lisiku ilikulumba kuli uswe twesa, mu—mu Kuyapo kwa Ntwa gwitu. Kangi lilino une ndinako akamanyisyo u lubunju ulu. Une ngulonda ukufika itolo nukutalula ku kimanyisyo iki, panongwa yakuti ikyene kyo . . . Une ngwinogona ikyene kyo kyakulondigwa fiyo. Kangi ikyene kyo . . . Kangi ukukyunga ikilundilo ukufuma kuya basulumanie fiyo, umwe mumenye, ukufimbilisigwa ukuya apa akabalilo katali, bingi bimilile. Une ngubukaga itolo nukutalula nkimayisyo iki.

² Kangi lilino, ikilo iki, une ngulonda ukuyoba pa kimanyisyo kya *Ndongosi Gwa Bumi Bwangu*. Kangi ngusubila ukuti bingi aba babāgile, ukuya bingi na mūmo abene babāgile ukuya, bisakuyapo akabalilo kala, ku kilo iki. Loli, linga ugwe uli ni kipanga kyako, uswe twe . . . ena, uswe tukulonda umwe ukuya—ku kipanga kyinu. Iyo yo mbombo yinu ukuya kula, kūko ubuyo bwinu bwa mbombo buli, ukwitikisya u lumuli lwinu ukumulika.

³ Lilino, uswe tukukindilila ukusubila ukuti, akabalilo kalikosa bo umwe mukugomokela, uswe twisakuyaga ni fwasi nyingipo ukusyungutila apa. Loli uswe tuli nu ndamio ni kyene, o, kulikosa. Bala ikipambo kya bakyungakyūma naloliloli bakumbile mu kilikyosa. Kangi abene bikutuma ku buyo bumo, abene bikuyaga kanunu ni kyene; polelo bikutuma ikyene kubuyo bumo ubungi, kangi abene batikwitikisya ikyene. Nukutuma ikyene ukukigomosya, kangi abene bikukyitikisya ikyene kubwa *kuno*, nukugomoka. O, ko kabalilo kaki uswe twafuma pakuya nako! Loli, umwe mumenye, Sētāno yo bwila mulwabwite ukulwana na iki kyo kitalusye. Kumbukilaaga itolo, ugwe gwe akabalilo kosa palapala ukusyungutila . . .

⁴ Une naswigaga kūko ugwe gwāli, Anthony. Une ngetile ugwe gwāgēne nu gūso. Kangi une ngetile ukukilania, panja pa kilumdilo. Umwene āyobīle ugwe gwālitugesye kula. Uswe tuhobwike ukuya na ugwe nu guso apa na uswe, Nkundwe Milano ukufuma ku New York. Ngukusubila, ngubuka ukukilania inyanja akabalilo aka, une ngwega pa bufyukilo, ukufuma ku New York, panja kula kubuyobumo, linga u Ntwa ikwitikisya.

⁵ Kangi polelo uswe tuhobwike fiyo panongwa ya aligwesa gwa umwe. Itolo—itolo kinunu kuli umwe ukuya apa.

⁶ Kangi uswe twāli na kabalilo akakulumba nkilo, pamo kubunnini fiyo une nāli. Une nāli ni... [Ikilundilo kikuyoba, “Ameni.”—Nsimbi.] “Kangi Yesaya mu tempeli.” Kangi polelo ugwe...

⁷ Kangi ulubunju ulu, uswe tukulonda ukuyoba pa kimanyisyo, pamo ukumanyisya, tutigi, linga uswe tubagile, “Ukuyenga i Nyumba kyabumi; ukuyenga i—ukuyenga i Nyumba iyabūmi iya bwitugasye bwa Kyala ugwabūmi, u Nnyambala umpelelesye; i Nyumba iyabūmi iya Kyala ugwabūmi, kūko Umwene ikwitiugasya.” Kangi linga...

⁸ Une ngupilikisya ukuti abene bali na kumo mwa uku ukwimba ukununu. Une ngutoligwa ukufika ukuti nkipilike ikyene. Kangi ikilo iki, une nguyapakugela ukufika apa. Unkasi gwāngu āmbulile une isya Nkundwe Ungren, une ngusubila i ngamu yake yāli, ukufuma kūsi ku—ku Tennessee. Lilino, umwene ali apa ikilo kya mmayolo. Une ndikumbona umwene ulubunju ulu, loli une ngusakikisya umwene ali apa pabuyobumo. Kangi une ngulonda ukumpilika umwene ikwimba ikilo iki, linga une mbāgile, lula, pamo *Ukusuluka Ukufuma Ku Lwimiko Lwāke*, pamo *Mūmo Ubukulumba Bwāko Buyilile*. Une ngulonda mbilike ulo. Balinga bikulonda ukupilika Nkundwe Ungren? [Ikilundilo kikuyoba, “Ameni.”—Nsimbi.] O, une—une nkuganile ukwimba ukununu. Kangi Meda āyobile ukuti umwene āli nu luko lumo lwa baritoni. Kangi ikyene kikungumbusya une isya ugwitu u Nkundwe Baxter; umwene yo mwimbi, yōpo, mūmo uswe twesa tumēnye. Kangi *Ukusuluka Ukufuma Ku Lwimiko Lwāke*, pamo *Mūmo Ubukulumba Bwāko Buyilile*. Une ngusubila numbwene apa alipo umwene lilino, kula... Ikyo kiyeye kyosa kinunu, Nkundwe Ungren, ikilo iki, linga ugwe ubagile, linga ugwe kwitugasasyaga kusyalikila? Ugwe kuya pakusyalikila, pamo ukugela ukusyalikila panongwa ya bulumbilili bwa pakilo? Ena, Une—une... Ena, komma... Une ngukubula ugwe, bule iki, linga uswe... Une ndikulonda ukupela yumo aligwesa ukupikanikana. Loli bule, polelo, linga uswe tubagile, akabalilo ka *Ifimyatiko Fihano-na-fibili*, akabalilo kāko uswe tukulumbilila ikyo, linga ugwe ubāgile ukwisa. Une ngulonda ukwegelela pa tepi ikyene, umwe muketile, ukwega ikyene, *Mūmo Ubukulumba Bwāko Buyilile* kangi, yōpe, *Ukusuluka Ukufuma Ku Lwimiko Lwāke*, nkabalilo kala.

⁹ O, ngimba ukwene kukaya kununu ukumbombela u Ntwa? Une ngamanya iki une āngāli ngubomba linga une ngāli Nkristi mma!...?... Ikyene kyo itolo kinunu fiyo ukuya Nkristi. Une itolo ngwipilika ngati itolo nyele—nyele nukukūta, pamwanya pa masyu gangu. Ukuya Nkristi, inogona isya ikyene, ukubikigwa i ngimu mosa ukufisigwa mwa Kristi!

¹⁰ Une mmenye une ngukolela i ngamu ya nnyambala uyu nubusobi akabalilo kosa. Iyene yo pamo S.T. pamo T.S., pamo ikindukimo bo ikyo. Sumners, Nkundwe Sumner. Umwene. . . Une ngulonda ukumpalisya umwene kangu nu nkasi gwake unnini umpala. Une ngwinogona ukuti umwene unkasi átagile ukufwana, ikyene kyabonekaga ngati, ukufwana i myesi mihano-na-gumo, ukutaipa mosa *Ingulilo Sya Fipanga Fihano-Na-Fibili*. Kangu lilino uswe tuli nalyo ilyene kunyuma kula, litaipigwe, litendekeye ukusimikisigwa, kangu likubuka mbubumbe bwa búku, *Ingulilo Sya Fipanga Fihano-Na-Fibili*. Kalumbu Sumner, kulikosa ugwe uliko, naloliloli ugwe kutwitikisyaga uswe tukuhombe ugwe panongwa ya ikyo. Iyo, iyo yo mbombo nywamu fiyo. Fiki, ilyene lipapate bo *lula*. Ikyene kibagile ukwega une lumo imyesi mihano-na-gumo ukubala ukumalisya ilyene, tukuleke kwene ukwega ikyene ukufuma pa tepi, kangu polelo ukusanusya ikyene ukusyungutila kangu ukwega ifyakwandisya panja, nukilipela ilyene ukuya búku. Uswe tukulitendekeyaga ilyene nukutuma ilyene ku bubindikisyo lululu ulu, kabuno uswe tukwinogona ilyene lyo kindu iki abandu bikulondigwa ukukolelela lululu ulu, kangu ugwe ubagile ukufunda ilyene. Kangu Billy annangisyaga itolo une, akabalilo káko une nisaga mula kunyuma kula, amaminiti manini aga gakindilepo, ukuti—ukuti—ukuti ikyene kyáli—ilyene lyálitendekeye ukubuka ku bubindikisyo. Polelo, kalumbu, i kipanga kisakukuhomba ugwe panongwa ya ikyo. Une ndikugúlila ugwe ukubomba kila paitolo. Kangu—kangu pamo lumo uswe. . .Linga uswe tukuya ni búku kangu tukufimbilisigwa ukupela u ntengo pa lyene, pamo ikindukimo, uswe itolo tukubikaga untengo pápo ugwe kukabaga ikindukimo akabalilo kalikosa abene bikulisya ilyene, kilikyosa ikyene kili. Ugwe itolo yoba ku kipambo, i kipambo kya bakyungakyuma, pamo bamo mwa bene kula, kangu abene bisakupakisyaga ikyene kuli ugwe. U Ntwa akusaye ugwe naloli kanunu.

¹¹ Abanini abakangale Nkundwe na Kalumbu Kidd bitugesye apa, ukufwana pasi pa mia yumo, itolo pakayabo kanandi. Kangu une nalyágéne nu mwene akabalilo aka kakindilepo, kangu umwene alinkuti, “Ena, aka lumo kisakuyaga kabalilo kabumalikisyo une ngwisa ukukubona, Nkundwe Billy.” Alinkuti, “Une ngwisa ukuya nkangale fiyo.”

¹² Une ndinkuti, “O, mwe! Une ndikulonda ukukupilika ugwe kuyoba ikyo. Umwe muli bo itolo u máma na táta unkangale panini.” Uswe tunganile Nkundwe na Kalaumbu Kidd. Uswe, aligwesa, lululu. Kangu ikyene itolo. . .

¹³ Ikyene kikubomba i kindukimo kwa une akabalilo káko une ngukéta abene bikwenda ukwingila nkipanga, kangu bobabili abakangale abanini bo ulu. Kangu inogona itolo, abene bálumbililága i Nongwainunu bo une ngáli ngapápígwa.

Kangi une ne nnyambala unkangale. Ena, itolo inogona, abene bālumbililāga bo une ngāli ngapāpīgwa. Kangi apa une ndipo lilino, une ngufikapo ukwinogona une ngwisa ukuya nkangale fiyo. Une itolo ngufwana gwinogona ngufwana nitendekisye ukuleka. Une ngumbona Nkundwe na Kalumbu Kidd bikwingila, “Lwimiko kwa Kyala! Aleluya!” Une nguyoba, “Umma, une ngwipilika kanunu.” Ena, nkulumba. Ukubabona abene, mūmo abene babagīle, mūmo abene naloliloli bikukukāsyā ugwe!

¹⁴ Polelo ugwe kusyagania ukuti, kifuki ubukusi bwangu, kangi, kangi polelo ngāli ngubuka pa ngunda. Bikusuluka ulubunju ulu nukulālūsya ababūku, linga abene bābagīle ukwegā ababūku nu kulisya abene. Bālonde amatepi, ukuti abene bābagīle ukubuka panja, ukukaba imyoyo mukwisila ukukuba amatepi aga, ku kifuki fyinja mia yumo mbukusi. Lilino gali kūgu “amapiko mabili” ginu uswe twāyoba ngapo nkilo? Ena. Une nālyandīle ukwinogona isya, “Gali kūgu agangu?” akabalilo kāko umwene āyobīle ikyo—ikyo mmayolo. Ngimba uli fyinja filinga ugwe, Kalumbu Kidd? [Kalumbu Kidd ikuyoba, “Une ŋdi malongo-lwele-na-kimo.”—Nsimbi.] Malongo lwele-na-kimo. Ngimba uli ni fyinja filinga ugwe, Nkundwe Tom? [Nkundwe Kidd ikuyoba, “Malongo-lwele-na-fibili.”] Ifyinja malongo-lwele-na-kimo kangi malongo-lwele-na-fibili mbukusi, kangi bakāli bikubombela imbombo amapiko gābo, pa kabombo, bakāli bikubūka.

¹⁵ Kalikosa kakutamia mu Ohio, Kalumbu Kidd yula amenye isya kyene, i fōni yikukūta ku kāya. Ilisiku limo, umwene ālimbīle, kangi akāna kanini, akāna kanini akalindwana, une ngusubila, kāpāpīgwe, kangi amāla panja pa akene. [Kalumbu Kidd ikuyoba, “Ilipūtilo kya kayongo.”—Nsimbi.] Ilipūtilo lya kayongo, panja pa kāna. Kangi unganga akāmenye ikyakubomba ukufwana ni kyene, kangi umwene ātilāga ukubomba ubupanje. Uswe twālipūtilē. [“Bāpanjīle, Nkundwe Branham, nukubika ikylene ukubomosya, panongwa yakuti, abene bātīle, ‘Akene kakābagīle ukuya kūmi.’ Kangi abene balinkubika itolo amāla gāke ukugomolēla nkati.”] Balinkubika amāla ukugomokesya mūmo, nu bupanje, kangi binogonaga akēne kakābagīle ukuya kūmi. Kangi akēne naloli kalinkuya kūmi. [“Kisita njila.”] Kisita njila pala ukuti—ukuti i... ukufuma ku musundu, ukuti ifyakulya fikindililege. Kangi Kalumbu Kidd alikwimba kangi. Uswe tulinkwipūta kangi, kangi lilino akēne kali nu njila innunu. Kangi apa umwene yo ali, ukuya nketi; u ngānga yōpe. Muketile? Ikyene kyo buketi ukuti u Ntwa Yeso, u Mpeli unkulumba! Muketile iki Sētāno āgelīle ukubomba? Ukutumula u būmi bwa kāna. Kangi polelo, muketile, polelo une ngusubila u nkikulu ukwisa kwa Ntwa. [“Umwene agomokile kwa Ntwa, palapala ku nyumba yangu.”] Ukugomokela kwa Ntwa. Kalumbu Kidd

ālindongwisye umwene ukugomokela kwa Kristi, ukufuma pa kiswigo ikikulumba iki kibōníke kuli kána káke.

¹⁶ Une nālyambilíle ubukōlélo ukufuma ku California, mmayolo, undumbilili unkundwe unnini panja pala, uyu une nāli nagwe akabalilo káko une akákwánda nābukíle ku California, ifyinja ifi fikindilepo. Ali na mwānundumiana umwisukulu unnini apāpígwe ni—ni fina...ififigo fitatu figālíke mu ndumbula yáke. Kangi une nālimbūlíle umwene isya bulemale bula. Une ndinkuti, “U Kyala uyu ābagíle ukupela iki ikingi nu kuyitendeka iyene kanunu, abāgíle naloliloli ukubumbulusya u mwisukulugo undumiana.” Mbula itolo undumiana gwáko ukuya gwa bukifu bununu.

¹⁷ Kangi u ndumiana āli pa lukomano lula akabalilo káko une nāli mu California akákwánda, ukufwana ifyinja kalongona-lwele ifi fikindíle lilino, ifyinja kalongona-fihano-na-kimo ifi fikindíle, ikyene kyāyága. Kangi une nāli mu California. Kangi umwene āl-...Ulukomano lula lwālinhahíle fiyo u ndumiana yula mpaka...Akabalilo káko abene bākabíle a kána kala, kangi akēne kapāpígwe, kangi abene bākētíle ukuti kyālípó ikindukimo ikisobi, akēne káli bluu, kangi abene bāgélíle ukupopa oksigini mu kēne, na fyosa bo ifyo. Kangi akēne kakabonekaga ngati kayaga pakupona, kangi abagānga polelo balikupima, kangi balinkwaga ukuti ififigo fitatu fyaligalilígwe mu kandumula káke. Nakamo nu bwígúle napanandi, muketile, itolo—itoló ikifigo kimokyene kikapopa. Kangi umwene akōlíle u gwíse, kangi āyobíle, “Bāba, nkōléla u Nkundwe Branham, nakalinga. Mbula umwene ukuti fyosa... ‘Itolo ndalusya Kristi. Umwene isakubomba ikyene.’” Ikyo kyo kyene. O, mwe! Ukuhahigwa kula, iki abene bakibwene, muketile, uswe twāyobilépo, nkilo. Ikindu ikitalusye pa kabalilo akatalusye.

¹⁸ Ena, uswe tukukindilila ukuyoba, nasiku ukwisa mu kamanyisyo kitu, bule uswe? Ikyene kifwene itolo bo lūki kulubunju ukutalale, ulwene itolo lukuya lukafu mūmo ulwene lubagíle ukuya, umwe mumenye, kangi losa ukwibūngānia palikimo. Uswe tuhobwike fiyo ukuya nu bwinitu bo uló. Ena, nkulumba.

¹⁹ Polelo lilino unko uswe twibotesye twibene, lilini, nukusulukila ku kamanyisyo lilino. Ngubuka lumó...Une ngamanya ukuti umwe mubagíle ukukéta kila pamo umma, pa bolodi-nditu. Lumo linga une ngikisanusyo kila mmwanya bo uló, ntubalilo utunandi, fiki, uswe tubagíle, lilino, bamo mwa umwe, uku... [Nkundwe Edgar “Doc” Branham ikuyoba, “Kulonda ubuyo pa kyene?”—Nsimbi.] Fiki kuyoba? [“Ugwe kulonda ubuyo pa kyēne?”] Umma, une ndikwinogona bo uló, papapa apa, Doc. Itolo lumó nkanandi itolo. [“Papapa pa kipālo, une mbāgíle ukubika akababye pa kyēne.”] Ena, uswe twisa—uswe twisakubombaga ikyo akabalilo káko une ngwegwa

ifinandi. . . Bwagile ubuyo apa? Umma ndaga. Unko uswe itolo tusanusye ikylene palapala pa bwene. Ngimba umwe mubagile ukukéta kubutali kunyuma kula? Mubagile umwe? Linga umwe mubagile ukukéta, fyusya ikiboko kyinu, linga umwe mubagile ukuketa ibolodi-nditu yila, bala ikyo pala. Umma. Umma ndaga. Bwāga u buyo. Lilino, akabalilo kākō abene bikutendekesya ikyo. . .

²⁰ Une ngwānda ngābile u lubunju ulu; pamo, umma, umma, ukufwana amaminiti kalongo-na-mahano ukwandana. Kangi popapo, polelo, uswe twisa itolo ukwegwa akabalilo kitu lilino, panongwa yakuti uswe tutikulonda ukubopela. Akabalilo kākō ugwe kubopela, polelo ugwe itolo kōnānga i findu ugwe gwayaga pakuyoba. Lilino, une nāpilikisya i tepo, i lisiku limo, mūmo une nababūlile umwe, kangi une ndikuya ni soni pa nimwene; komma iki une nāyobāga, loli mu nkila une nāyobelāga nakalinga fiyo, kangi ikylene kyo itolo lutende lwapamwanya. Une ngwipilika ngati ngūlile. Ikyene. . .

²¹ Une—une itolo ngetile i lisiku limo kūko abene bāyaga pakuyenga kubukyunga-finyamana ukunywamu, apa pakati pa Louisville. Kangi Tata. Brown, une ngusubila umwene āli, kubwa kula, āfingile amadola elifu-elifu limolyene panongwa ya kubukyungila-finyamana. Ena, linga une nāli nayo iyene, une angali kikfuki mbapele abene yila ukufyābūla ifinyamana fila kubwabuke. Une—une ndikwitika mu kubika mfibaga kalikosa bo ulo. Une itolo. . . Une ngubuka ku bukuyungila-finyamana nukukéta fila ifinyamana ifipelakisa ifyaiyolo, ifindingo, kangi ingalamu, ni findu, fikwenda kunyuma na nkyeni, mminyololo ku būmi, umwe muketile. Kikupela ugwe ukwipilika ububibi. Palema ifi, ifyene fikamandigwe bu bukumu bwa mundu uyu yo nkomupo ukukinda mūmo ifyene fiyīlile. Muketile? Kangi abene bikukamanda ifyene nukufibika ifyene mbutumwa.

²² Kangi une ngwinogona ukufwana: u mōhési ikubomba ikyo. Umwene ikwegwa abandu abapala aba babāgile ukuti babēlege mumabuyo ga Kyala amakulumba, ni migunda, kangi—kani i findu bo ifyo, polelo ukumbika umwene nyumba ya minyololo iya kipanga-kipāgūke kimo, pamo ikimanyisyo kimo, pamo ikindukimo, nukumpinya umwene mosa nkati mula. Kangi kyo kindu kinyali kiki ikylene kili.

²³ Kangi une ngafigana ifikyungila-finyamana. Loli une ngwipilika ikindukimo bo kimo mwa finyamana fila, akabalilo kākō ugwe ubikigwe mu mbako kangi itolo ukuya mwābūke, umwe mumenye, uku—uku sōka panja ukubomba i kindukimo.

²⁴ Lilino, bo uswe tukāli ukusegeléla ku Lisyu, unko uswe tusegeléle u Mwati gwa Lisyu, bo uswe tukwinamisyo i mitu gyitu lilino mu lwīpūto.

²⁵ Gwitu gwaipyana Tāta Gwakumwanya, uswe twibungenie ulubunju ulu kangi mu Ngamu ya Ntwa Yeso, u

Mwanundumiana Gwako umpala. Kyala, mumbili, ālisile pa kīsu, ukutabula kwa mbibi, kangi nukufwa, u Ngolofu; ukuti uswe, ukwisila mu bugolofu Bwāke, ukuya baniongafu, tubagile ukutendekigwa bapelelesye mwa Mwene. Uswe tukulata ukuti uswe tukaya bākufwāna, Ntwa. Kakayapo nakanunu aka uswe. Kangi uswe twesa tuli mu mu nyumba yaminyololo yimoyene. Kali yo nguto nki iyi uswe twimilemo, uswe pópe tuli mmínyololo. Yumo akābagile ukuntula uyungi. Loli, Kyala, mu kisa Kyāke ikisitampaka, alinkusuluka pási, nukwigula ififigo fya kuminyololo, ukutwabula uswe. Uswe tukaya mbukamandigwe kangi mma lilino. Uswe tukaya mbukungilo-finyamana fya kīsu mma, loli lilino uswe twābwike. Uswe tuli panja.

²⁶ O, mūmo uswe tungānile Umwene kangi tukuntufya Umwene! Ngimba uswe tubagile bulebule ukwenda ukukinda mu ngunda unkulumba ugwa lufingo Lwāke, nukukéta isyene sikupeligwa syakuboneka pankyene pa uswe! Kangi ukwisila mmaso gītu gēne, ukunkéta u Kyala unkulumba ugwa Syepwa ikwibālula Mwene pankyeni pa uswe, nukwipela Mwene gwanaloliloli, mūmo Umwene ābombili ku basololi abaiyolo. Ukumanya iki, abene bikutusya nu busisimikisiyi bumu, ukuti ilisiku limo uswe twisakugomokesigwaga kangi, ukufuma pāpo u būmi ubu bumalike, pa busyuke, ukubuka ku Būmi Bwasyépwa ubu butisakusimaga. Imibili gyoutu gitisakukangala. Kangi uswe tutisakufwamo siku. Kangi uswe tutisakuyamo siku ninjala. Kangi uswe tutisakunyonwamo siku. Loli uswe twisakwenda nu Mwene. Uswe tukulonda ukumpilika Umwene ikuyoba, “Ingila mu sanguluko sya Ntwa, isi sitendekesigwe kuli umwe ukufuma ku lwālo lwa kīsu.” Ku nyuma bo ubutulwanonwa bukingila nkati, mūmo Umwene ābombile ubwitendekesye, ngati kuli Adam na Eva, ukuti abene bakisangamo siku ukuya babine pa u lutamio lumu. Kangi lilino Umwene atendekisye ikyene kuli uswe, kangi Umwene āmanyile-ngānila ukuti uswe twisaga. Ubutulwanongwa lwatendike ikipinga ikikulumba, kangi lilino ubutulwanongwa busosisigwépo, ni Lilopa lya Yeso. Lilino, uswe tukubuka ku Kīsu ikifingigwe, ukwisila mu lufingo lwa Kyala, uyu yo Gwasyepwa.

²⁷ Tusayaga uswe lilino, Tāta, akabalilo kāko uswe tukufunda i Lisyu Lyāko. Uswe tukulonda ukumanya lo luko luki lwa bandu uswe tubagile ukuya, ukuti uswe tuyeko Kula. Tutula uswe umwisyugu mu sukulu iyi, ukuti uswe tubagile ukuya nu Mmanyisi Fundi unkulumba na uswe, u Mbepo Mwikemo, uyu abagile ukwisa pasi nukwisetula Mwene kwa uswe, ukwisila mu Lisyu Lyake. Kabuno uswe tukusuma ikyene mu Ngamu Yake kangi ku lwimiko Lwake. Amen.

²⁸ Lilino, ikyakwanda, une ngulonda umwe musanuke na une kwa Peteri Gwakibili, untu gwa 1. Une ngulonda ukubala

akayabo aka Lisimbo ili, Peteri Gwakibili, untu gwa 1. Kangi lilino kwa umwe mwe mulinafyo ifisimbilo namakalatsi . . .

²⁹ Kangi une ngusubila une nābulígwe ulubunju ulu ukuti—ukuti utubalilo tumo, ukusanusya unto gwangu kubwa kula, ikyene kikubotesya i tepi. Une naloliloli ndikulonda ukubomba ikyo. Kangi une ngusubila, utubalilo tumo, linga uswe ngwinogona pa kuyága i—i kyakuyobelapo kya lubūbi, nukukipayika ikyene mu buyeleka apa, kali ugwe kuyaga poki pala, ugwe kuyaga kanunu, ikyene kikuyaga kipelelesye, itolo mosa ukusyungutila, itolo ikyakuyobelapo kimokyene pamwanya pa buyeleke.

³⁰ Kangi lilino, akabalilo kâko une nguyoba; kangi linga ugwe, ukufuma pa bulumbilili, pamo kulonda, bagile uku simba ikyamayengo apa. Polelo une nūne ngukibikaga ikyene kukutaipa panja apa. Une ngwisa ukwega akakupayikila nukukibika ikyene pankyeni apa, linga umwe mukulonda ukubomba ikyene akabalilo kamo. Isaga muno mwanakalinga pa musu, ukuti uswe tubagile ukupilikisya.

³¹ Lilino uswe tukusegeléla ku *Fimyatiko Fihano-na-fibili*. Uswe twamalisya itolo i *Ngulilo Sya Fipanga Fihano-na-fibili*. Kangi iyo yo Ndumi pa kumanyisya, iyi yikumpinya u nnyambala uyu mula, uyu isakutabuligwaga ni Lilopa lwa Ntwa Yeso, kangi isakuyaga mu ngulilo ya Kipanga, yila ingulila ya Kipanga Kyasyepwa ku bumalikisyo kwa Fimyatiko. Lilino uswe tumenye ukuti uswe tulinasyo i Ngangabwite Sihano-na-sibili, Imbunge Sihano-na-sibili, i Ngangabya, na fyosa bo ifyo, ukuti uswe tukwingila ngamo, bo uswe tukukindilila. Loli uswe tukugūlila ifwasi iyakongelelāpo ukuti abandu babagile ukwitugasya.

³² Lilino, kangi une ninogonaga ukuti iki kibagile ukupinya mula itolo kūko une nāgūlilāga. Une ngāgūlilāga ukusimba ikyamayengo iki, loli ilisiku limo une nāli na binangu abapala, Coxes, pási mu Kentucky. Une nāsulwike pási, ninogonaga lumo ukwegamo i lisiku limo ilyakongelelāpo ilya kufwima abālukoti bo akabalilo kāke kakaligéle. Kangi une nāli mmwanya mmatengele nu mwinangu, Charlie, nimile pala, na Rodney, unnuguna gwāke. Une ngālimbwenepo nu lukóti yumo. Une ngwinogona nabatetemisye abene bōsa ukubōpa, akabalilo kâko une nālyandīle ukuywega mmwanya mula mmatangele. Iki kyo iki kisile kwa une, balumiana, kangi—kangi Kalumba Nellie kangi Margie, kangi akabalilo kâko une nābabūlile umwe ukuti une ngubabūlāga umwe pa Ndungu akabalilo kâko une ngukyagaga ikyene. Ikyo kyo iki kisile kwa une, pa ndumi yimo une nāyaga pakuyobapo. Kangi mūmo ikingi ikya ikyene kyāpinyaniaga mulamula mu kyene! Kangi, o, une nkiganile ikyo. Nāli na—na mbepo u gwanaloliloli—gwanaloliloli ugwa kulalata, mmwanya mula mmatengele.

33 Polelo lilino, unko uswe tubale lilino, Peteri Gwakwanda, pamo . . . Peteri Gwakibili, ndigi, untu gwa 1, ikiyabo kya Ilyene.

Simoni Peteri, ugwambombo kangi ntumigwa gwa Yeso Kristi, ku bene bābo bakabile u lwitiko ulupala ulufwanefwane na uswe ukwisila mu bugolofu bwa Kyala na gwitu Mpoki Yeso Kristi:

34 Une nkiganile mūmo ikyo kiyobeligwe palapala pala, panongwa yakuti ikimanyisyo kyangu kyosa ulubunju ulu kyāligwe pa lwitiko. Muketile? Unko une ukubala iki kangi. Pilikisya kifuki bo tukwigala.

Simoni Peteri, ugwambombo kangi ntumigwa gwa Yeso Kristi, ku bene bābo bakabile—bākabile u lwitiko ulupala ulufwanefwane . . . ukwisila mu bugolofu bwa Kyala . . . gwitu Mpoki na Yeso Kristi:

35 Kētesya, umwene ikuyoba, ukuti, “Une ngabile u lwitiko ulu, kangi une ngukiyōbēla iki ku bēne bābo bakabile u lwitiko ulufwanefwane ulupala.” Une ngulonda . . . Ikyene kikaya ku kisu kya pānja. Iki kyo ku Kipanga, muketile, bala aba bali mwa Kristi.

Ilipyana nu lutengano fibālege kwa umwe ukwisila mu bumanyi bwa Kyala, kangi (ukwisila) mwa Yeso Kristi u Ntwa gwitu,

Ukufwana na maka gāke agabunyakyala abombile atupele kwa uswe i findu fyosa . . . amaka gabunyakyala gāke lilino abombile atupele uswe twesa i findu fyosa ifi fikuya ku būmi . . . bunyakyala, ukwisila mu bumanyi bwa umwene uyu abombile atukōlile uswe ku lwimiko na bwifyusi:

Ukwisila-kūko uswe fipīgwe kwa . . . fipīgwe kwa uswe ifingo isyakukinda ubukulumba kangi imbala: ukuti ukwisila mu isi (ifingo isi) uswe tubagile ukuya balilansi ba kipeligwa kyabunyakyala, . . .

36 Lilino unko ikyo kibundale naloli nubusoloke lilino. Ndikulumbilila ulubunju ulu; uswe tukumanyisya itolo ikimanyisyo iki. “Ikipeligwa kyabunyakyala.” Unko une mbāle ilinandi lya 4 lila kangi lilino, ukuti umwe mungakipondwaga ikyene. “Ukwisila-mūmo uswe tupēgigwe . . .”

Ukwisila-kūko uswe tupēgigwe ifingo isyakukinda ubukulumba kangi imbala: (ifingo isi) uswe tubagile ukuya balilansi ba kipeligwa kyabunyakyala, bo uswe tubopile ububole ubu buli nkisu ukwisila nkinyonywo.

37 Muketile, “i kisu,” uswe tubopile ikyo lilino. Umwene ikukiyoba iki ku Kipanga. Iyo yo nongwa uswe tuli apa ulubunju ulu, ko kusyagania injila yo yiliku, kyo fiki ikyakulondigwa kya Kyāla. Akayapo u mundu yumoywene muno, uyu anganile Kyala, loli uyu ikulōnda—ikulōnda ukuya fiyopo bo Kyala.

Lilino ikylene kilambalikigwe apa. Aligwesa u Nkristi! Une ne ndwabwite gwaiyolo. Kéta kwa Nkundwe na Kalumbu Kidd apa, abene bo lumo bakusi ukukinda bosa mu nyumba iyi. Loli linga une ngubalálúsyá abene, “Ngimba kyo fiki ikinyonywo kya ndumbula yinu?” Ikyene kikuyaga, “Kifukipo na Kyala.” Akabalilo kâko ugwe kumanyila isya Kristi, kilipo kimo ikya Umwene iki kyo kyalugano fiyo, ugwe itolo kugela ukwisa mulamula mwa Umwene.

³⁸ Nnobokela ubuyobelo ubu. Une nâlimbulíle u nksai gwangu pakaya patali mma, umwene...babili-twesa tukukangala, kangi une nâyobíle ku mwene, une ndinkuti, “Ngimba ugwe nunganile une bo mûmo gwâbombelâga?”

Umwene alinkuti, “Une naloliloli ngubomba.”

³⁹ Kangi une ndinkuti, “Ugwe umenye, une nguganíle fiyo mpaka une ngulonda ukukwega ugwe nukukukwabila ugwe nkati mwa une, ukuti uswe tubagíle itolo ukuya, naloliloli, ukuya yumoywene, fiyopo.”

⁴⁰ Lilino, kila, balania kila na mia yumo ugwa elifu-elifu, kangi polelo ugwe kwisakusyagania mûmo fikuti u mwitiki, uyu ikuya ndugano na Kristi, ikulonda ukwisa mwa Umwene, panongwa yakuti ulwene lo lugano. Kangi apa Umwene ikutunangisyaga uswe mûmo kila, ukwisila mu fingo isi, uswe tubagíle ukuya balilaniisi ba kipeligwa Kyabunyakyala kya Kristi. Igi, u mbili ugwakufwa, mûmi fikuti uswe tubagíle ukuya balilaniisi.

⁴¹ Une mbagíle ukuyoba ikindu kimo apa. Inongwa iyi une ngwitika...Lilino yumo alimbilikisya mu busobi bosa, apa pakaya patali mma. Une nâlyambilíle kalata ukufuma ku kibugutíla kya balumbilili, uyu âyobíle ukuti une ngwitika ukuti kwâliko...“Uswe twâli bínítu-mmoyo. Kangi uswe tukufimbilisigwa ukubaleka abakasi na balume bítu linga uswe tukâli bínítu-mmoyo ku bene, ukwakwega uyungi yumo uyu uswe twâli bínítu-mmoyo.” O, mwe!

⁴² Une ndinkuti, “Une ngaya ninongwa panongwa ya busâmbúke bo ubo.” Une akabalilo kosa ngukanikana na ikyo. Une—une ndikwitika mu inyo. Naloliloli umma. Une ngwitika ukuti Kyâla ikutupa uswe umwinitu. Ikyo kyo kyabwanaloli. Kangi polelo uswe tukwisa ukuya kiyabo kya yumo ni nnine. Uko kô kotalusya. Kangi bo unnyambala akâli ukuya mwegi, umwene ikufimbilisigwa ukwinogona ifindu ifi mosa, ukufunda ikylene.

⁴³ Unnyambala untubwa âlindalusísye une i lisiku limo, alinkuti, “Ugwe kwinozona une mbagíle, mbagíle ukwegana, Nkundwe Branham, nu *gwakuti-na-gwakuti* u ndindwana?”

Une ndinkuti, “Ngimba ugwe kwinozona nubunywamu bulebule isya umwene?”

Umwene alinkuti, “O, mwe, une itolo nunganile umwene.”

Une ndinkuti, “Ena, linga ugwe utisakuyaga nu bûmi kisita umwene, ugwe kinunupo ukummwega umwene kokuti. Loli linga ugwe ubagile ukuya nu bûmi kisita umwene, ugwe kinunupo mma. Polelo, loli linga ikylene kikukugogaga ugwe, ugwe kinunupo—ugwe kinunupo kindililaga nukwegana,” une ndinkuyoba. Kangi polelo iki une nâgelaga ukutwala ku mwene, iki, ukuti, linga ugwe unganile umwene fiyo!

⁴⁴ Lilino, papapa apa, bo ugwe ukâli ukwegana, filifyosa fyo fili kanunu itolo kangi finyâfu. Loli ukufuma pâpo umwe mukwegana, polelo ubutulwe ni ngélo sya bûmi sikwisamo. Ako ko kabalilo kâko umwe mukufimbilisigwa ukuya fiyo mu lugano ukuti umwe mukupilikisania yumo nu nnine. Akabalilo kâko ugwe kusulumania mu mwene, umwene ikusulumania mwa ugwe, umwe pópe mwisakupilikisaniaga yumo nu nnine.

⁴⁵ Iyo yo njila iyi ikylene kiyilile na Kristi. Muketile? Uswe tukufimbilisigwa ukuya ndugano fiyo nu Mwene, mpaka akabalilo kâko uswe tukukusûma ikindikumo, kangi Umwene atikutupâpo ikylene kwa uswe, ikyo kitikutusenyenda uswe na panandi. Muketile? Muketile? Fiki? Kangi i njila yene ugwe ubagile ukubomba ikyo, ko kuya ndilanisi gwa kipeligwa Kyâke Kyabunyakyala, polelo ugwe kwisakupilikisyaga i nongwa Umwene akabagila ukukipapo ikylene kwa ugwe. “Balilanisi ba kipeligwa Kyâke Kyabunyakyala.”

⁴⁶ Kangi keta apa, “Bo uswe tubopile ububole ubu buli nkisu ukwisila nkinyonywo.” Tubopile ikylene! Keta kwaywani ikylene kikubuka? Ikyene kyo ku Kipanga, bala aba bali mwa Kristi, bafyûsyigwe pamwanya pa findu ifi. Komma ukuti umwene âlifyûsyisye mwene, loli Kristi âlintwele umwene pamwanya.

⁴⁷ Ku bakundwe na bakalumbu bangu abakititu aba bali apa ulubunju ulu, une ndikusanusya iki ukukinda ubufulâsyé bulibosa mma. Loli, nâli mu lukomano akabalilo kamo aka kakindilepo, une ngamanya kali une njobilemo ikylene mu kipanga iki. Une nkiyobilemo ikylene mbuyo bwingi. Alipo u kalumbu yumo ugwakititu alinkuti, “Ngimba une mbagile ukuya nu buketi, pamo ukuyoba ubuketi?”

“Naloliloli, kalumbu, kindililaga nkyeni.”

⁴⁸ Umwene alinkuti, “Une ngulonda ukumanya ukukinda lwimiko lwa Kyala.” Umwene alinkuti, “Umwe mumenye, une—une ngaya iki une mbagisenie ukuya,” kangi umwene alinkuti, “Une—une ngaya iku une ngulonda ukuya, loli,” umwene alinkuti, “ikindu kimo kisisimikisigwe, une ngaya iki une nâlisibile ukuya.” Muketile? Umwene âfumile ku buyo bumo. Umwene âswiligwe.

⁴⁹ Umo mo uswe tukumanyila uswe tukilénie ukufuma ku bufwe ukubuka ku Bûmi. Uswe tukuketa ku kibwina kûko uswe twâkekigwe ukufumako. Muketile? Uswe tukaya iki uswe tukulonda; uswe tukaya mma na iki uswe tubagisenie ukuya; loli

ikindu kimo uswe tukupalisya, uswe tukaya iki uswe twälisibüle ukuya. Uko ko kotalusya. Uswe tuli pa nswebwe.

⁵⁰ “Kangi bo uswe tuböpüle ububóle bwa kîsu.” Bo uswe tuböpüle ikyo, ikinyonywo nu bubóle bwa kîsu, umwe muli pamwanya pa ikyo. Lilino ikyo kyo—lilino ikyo luko lwa mundu ulu Umwene ikuyobako, u mundu uyu abopile i findu ifi, muketile, ububóle bwa kîsu.

Kangi palubafu pa iki, ukupa ukwiŷula kosa, ongelelága ku lwitiko lwáko akayîlo; kangî ku kayîlo ubumanyi;

Kangi ku bumanyi ubutendamoyo; . . . ku butengamoyo ubufindang’oma; . . . ku bufindang’oma ubunyakyala;

Kangi pa bunyakyala ulugano lwapabunyamundu; kangî ku lugano lwapabunyamundu ulugano lwanalololi.

⁵¹ Lilino Umwene atupele uswe amayengo apa ikyakuti tubombe, tumanya nkabombelo ka ikylene. Lilino, mûmo une njobíle, uswe twesa tukugela ukwisa kifuki na Kyala. Iyo yo nongwa une nsalíle i ndumi iyi ulubunju ulu, panongwa ya kipanga, bo tumenye ukuti abandu bikukwenda. Panongwa ya nkilo, une nātíle, “Balinga bali apa, ukufuma panja pa kâya?” Ukufwana malongo-lwele-na-kalongo-na-lwele mwa mia aligwesa gwa bandu, ukufuma panja-pa-kâya. “Balinga aba bali apa bikufuma ku mamailosi mia yumo?” Fiki, ikylene kyākíndíle, une ngusakikisya, malongo lwele mwa mia. “Balinga aba bali apa ukufuma ukukinda mamailosi bamia bahano?” Kangi kifuki yu—yu yumo mwa batatu aba bandu báli apa ukufuma ukukinda mia yumo, mamailosi ba mia bahani kubutali. Inogona isya ikylene, isya bāndu aba bikwenda. Ena, abāndu bala batikwisa ku kipanga bo ulo itolo ukuti bakētígwe. Bukayapo nabumo . . . ukuya iki ikîsu kya panja angali kikukéta ubumogi bulibosa ukusyungutila ubuyo ubu. Abene bo bosa bandu bāpaliposa, balondo, bafwele ifyapaliposa. Lukayapo ulwimbo-lwa-bosa ukufuma ku kwaya insyobekesyeyo-ukuya Iyabāndúmi, ingangabwite sya ikyana kangî amadirisha ga amandalasi agālāngi gamo. Ugwe uli na kabalilo akakafu ukubwága ubwitúgásye pa kikota nukwima ukusyungutila nkibumba. Abene batikwisa panongwa ya luko lwa ikyo. Loli abene bikwisa panongwa yakuti nkati mwa bēne muli kindukimo iki kikukéta ubumogi ubu ikisige ikipeligwa kitikububona mma. Ikyene kyo kisige ikya mwāmbepo iki kikukola ubumogi bwa Kristi. Iyo yo nongwa abēne bikwisa.

⁵² Polelo, ku masiku mingi bo uswe tukāli ukuya nu lukomano, une ngwīpúta kingikingi. Ukubuka ku matengele, ukwega mu nyambi syangu . . . Ukumbula u nkasi gwangu, “Une ngubuka ukufwima aba lukóti ulubunju ulu.” Kangi une ngubika

akapensulo nu tukulatasi utulundíke mu nyambi yangu. Kukuti ukwene kukweluka ukufwana ukukétéla, une ngusumuka ngwitugasya ukwigémésya ku mpiki pa buyo bumo, amaboko mmwanya, nukuyoba, “Ntwa, ngimba une mbagile ukubomba fiki umwisyugu? Ngimba Ugwe kumbaga fiki ifya bâna Bâko?”

⁵³ Polelo akabalilo kâko une ngutika ikindukimo iki kifwana kikwaka, kikwisa kindukimo bo iki. Akabalilo kâko u Kuyapo Kwâke kukwisa kifuki, une ngwânda ukupilika ikindukimo ngati kula kubutali, ikindukimo bo iki. “Fibili ukukwansisyana na fibili fikuya fina.” Kifukiko, “Fibili ukukwansisyana na fibili fikuya fina. Fibili ukukwansisyana na fibili fikuya fina. Fibili ukukwansisyana na fibili fikuya fina.” Ukukindilîla, ukukindilîla, ukukindilîla, bo ulo. Ukwene ko Kuyapo Kwâke kukwisa mula.

⁵⁴ Iyipa gwimwene, kangi ukufuma pa kabalilo ugwe kwilepula ukufuma kwa gwimwene. Pala yikwisa imboniboni, “Bûka ku buyo *bwakuti-na-bwakuti*, kangi i kindu *kyakuti-na-kyakuti*.” Muketile? Kikwanda, ukufuma kukwinogona mminogono gâko pa Kyâla, ukusôka ku kîsu, kubutali ni kîsu, panja mmatengele, kwa gwîmwéne.

⁵⁵ Kangi Ikyene kikwânda ukwisa, “Kimo, kimo...” Une nguyoba, imbalilo yiliyosa, pamo kalikosa, itolo ikindukimo kikwanda panandipanandi, nikimwemwe kikwingilaga. Polelo ikyene kikwisa nubwengopo, nubwengopo. Ugwe kwitugasya nukufyusya amaboko gâko, ukusita kuyoba i lisyu limo, itolo ukufyusya amaboko gâko mmwanya. Ikindu kyâkwânda umwe mumenye, ubundu bwâko bôsa bunyakiligwe kubutali. Polelo ugwe kukéta i findu ifi Umwene ikulonda ugwe ukumanya, ukukunangisya ugwe i findu ifi fikwisaga.

⁵⁶ Utubalilo tumo ikyene kikwisa pa buyo, mpaka u buyo ubusisimikisye, kangi polelo kikwima. Ikyene kitikubuka ku mboniboni. Polelo a Masimbo itolo gikonekela palikimo. Une ngukola ikisimbilo, ukuti une ndîngîbwâga ikyene, nukusimba ikyene pási, ukusimba ikyene pási.

⁵⁷ Kangi une ngwisa ku kâya nukukétésya ikyene kangi mula, nukukifunda ikyene. Kangi utubalilo tumo ikyene kitikupela nubupilikisye nabumo kwa une akabalilo kâko une ngukétésya ikyene kangi mula. Kangi polelo, ukukindapo akabalilo, apa ikyene kili! Kila kikutika, kangi kula ikyene kikubuka kangi. Polelo une ngwêga akabûku akanini bo *aka*, kangi itolo ukwânda ukusimbasingwa pási, itolo nakalinga mûmo une mbagóle, iki Umwene ikumbula une. Une ndinkwinogona, “Ntwa, une ngubuka ku kipanga nukubabûla abene. Une... ‘Sulukilaga pási.’ Une ndinakyo ikindukimo ikya bêne.” Ena, umo mo mûmo ikyene kikwisila. Uko ko katikati. Mpaka, ikyâkwanda, Umwene ikumbapo une, une ngabagila ukukipapo ikyene panja.

58 Polelo, papapo, pa tusimbesimbe utunini utu tũto umwe mukumbona une nguketela pási pa twene. Kangi iki, ikyákwánda, une nályandíle, une ngákyagíle ikiyabo iki apa mpaka itolo ukufwana isiku limo pamo mabili aga gakindilepo, mmwanya mmatengele.

59 Lilino, abandu aba bo—bo...Peteri ikuyoba, apa, mũmo fikuti uswe tukufimbilisigwa ukuya balilanisi ba kipeligwa Kyáke i Kyabunyakyala. Lilino, aligwesa gwa uswe tukugela lilino ukukula mbupime bwa Kyala.

60 Lilino, ukufuma pãpo uswe tukumalísyana ni Fungo Ihano-na-ibili, polelo, pa kabalilo kala aka kukuba kwa Fungo Iyabuhano-na-bubili, pamo ukwabula...Ena, uswe tumenye iki ikimyatiko kyo kifiki, ko kwabũla ubutumigwe, ukwabula i Fungo Ihano-na-sibili. Kangi uswe twisa kukéta ikyo papapa pa kyegelelo. Ko kwabũla i Ndumi, ikindukimo iki kifungigwe mosa.

61 Pa Ndungu ugu gwakindaga nkilo, une nálumbilíle pa “I Fungilo.” Kangi i fungilo yo lwitiko. U lwitiko lukukolelela i fungilo, kangi i fungilo lyo Lisimbo. Kangi Kristi yo Kifigo. Muketile? Polelo ulwitiko lukwega utulungisi utunini utwa Lisimbo nukwigula inyimiko nu bununu bwa Kyala, panja ukubuka ku bāndu Bāke. Muketile? Polelo, ulwene lo, lwitiko lukukóléléla i fungilo iyi yikwabũla Kristi ku bāndu; lukwabũl ikyene, lukusetula ikyene.

62 Polelo, umwisyugu, uswe tukubuka ukugela ukwega i fungilo yilayila, ukwígúla injila ya kuya Nkristi gwakayilo mu bupime bwa Kyála, kila, kangi ukuya Nyumba yábúmi ya Kyala gwábúmi ukwitugasyamo.

63 Kumbukilaga, Kyála ikwisetula Mwene mu njila situ. Ikyákwánda, Umwene ikwisétúla Mwene mu Mbanda ya Moto, kila kyakoleligwága Bwatáta. Polelo u Kyala yulayula, atendekigwe mboneke mwa Yeso Kristi, iki Umwene ábumbíle u mbili, átendíke u mbili ugu. Ikyebutatu, ukwisila mu bufwe bwa mbili gúla, Umwene alinkukemesya i Kipanga iki Umwene ikwitugasyamo. Umwene ali Kyala pamwanya pa uswe; Kyala na uswe; Kyala mwa uswe; u Kyala yulayula.

64 Iyo yo nongwa ikyene kyákoleligwága Tāta, Mwanundumiana, Mbepo Mwikemo. Komma abaKyala batatu; mbubombelemo butatu ubwa Kyala yumoywene. Abene linga bālinogwíne isya ikyo ku Lukomano lwa Nicene, uswe angali tukaya twesa bafuluganikemo, bule uswe? Uko ko kotalusya. Komma abakyala batatu. Abandu bātologwága ukupilikisya ukuti bulebule Yeso áyobaga kwa Tāta, kangi Umwene na Tāta bali Yumoywene. Ena, pala ikindu kyosa kyo kili. Naloli, itolo kikubálúla ikyene. Naloliloli. Muketile? Ikyene kikaya baKyala batatu mma. Mbubombelo butatu! Butatu ububone- . . .

⁶⁵ Ngimba kyo fiki ikyene? Kyāla ikwisengamia ku kipeligwa Kyāke. Kyāla ikulonda ukwīputígwa. I lisyu *Kyāla* likusanusya “ikyombo ikya kwīpúta.” Kangi ikyene yo Kyāla ukugela ukwisibilisya abāndu Bāke, polelo Umwene abagile ukwegu ukufuma ku bene iki Umwene abapēlīle abene. Umwene akakutēndekémo ugwe siku ukuya kindukimo ikingi kulubafu ukuya mwanundumiana nu mwanundinwana gwa Kyāla. Linga ugwe upondilwe ikyo, ukuya mwanundumiana nu mwanundindwana gwa Kyāla, ugwe upondilwe iking’wale.

⁶⁶ Kangi “ukupondwa,” i lisyu *b-u-t-u-l-w-a-n-o-n-g-w-a* likusanusya “ukupondwa iking’w’ale,” ukupondwa iking’w’ale. Polelo, linga une ngutusulīla ikyānyango, ukuguta indusu innunu ukufuma ku mayadi malongo mahano, kangi une ngutusulīla; ukwegu indusu yangu pásī nukutusulīla, kangi une ngutukula ikyene, amainchi mana pamo mahano, ngimba fiki kyabombígwe? Indusu yangu yikulondigwa ukupyasya. Kilipo kimo kisobi. Kangi linga une ngutukula u lwitiko mwa Kyāla, linga une ngutukula ukuya Nkristi. . . Kyāla ākubikīle ugwe apa ukuya Nkristi. Lunga ugwe usokilepo pala ku lubafu lumolwene, gomokela kangi yaga mpyasye. Kangi kilipo kyene ikindu kimokyene kibagile ukupyasya ugwe mosa, ikyo kyo Lisimbo. U Mbepo Mwikemo mu Lisimbo, akupyasye ugwe, ukukutwala ugwe nukutalula ku kyanyango kangi. Uko ko kutalusya.

⁶⁷ Lilino, uswe tukuyaga ukufunda i Lisyu Lyāke. Stefani āyobīle, mu Imbombo 7, kangi yope mu. . . Unko uswe itolo tubāle ilyo. (Ukuyoba isya lilino, uswe tukuyoba isya Nyumba ya Kyāla.) Lilino, Stefani āyobīle. . . (Ukuya, iyene yikuyaga i Nyumba yabūmi iya Kyāla gwabūmi.) Stefani āyobīle, mu Imbombo unto gwa 7, kangi une ngusubila uswe. . . mu Imbombo 7, ukwanda ukufwana ilinandi lwa 44:

Abatāta bitu bāli ni nyumba ya buketi mu lulangalanga, bo umwene abombile amwimike, ikuyoba kwa Mōse, ukuti umwene akitendeke ikyene ukufwana nu bubonekelo ubu umwene ābubwēne.

Iki kyōpe abatāta bitu bali nakyō, aba tāta, iki ukwingila ukufuma kyātwalígwe mula. . . Yeso ku ubukabi bwa Bāpánja, aba Kyāla abakagile panja pankyene pa batāta bitu, ukubuka ku lisiku lya Davidi;

Uyu ābwagile ubukundwe pankyeni pa Kyāla, kangi ānyonywāga ukwāga i nyumba ya Kyāla gwa Yakōbe.

Loli Solomoni ālinjengile umwene i nyumba.

Palema ifi u Gwapamwanya unkinde-bosa atikwitugasya mma mu tempeli indendekígwe na maboko; mūmo ikuyobele u nsololi,

Ku Mwanja kyo kikota kyangu, kangu i kisu kyo kyakukanyapo kyangu: ngimba yo nyumba nki umwe mwisakunjengekaga une? ikuti u Ntwa: pamo ngimba bo buki ubuyo bwa butusyo bwangu?

68 Lilino mu i . . . Lilino, “i nyuma,” yo, ena, u buyo kũko uswe tukubuka kukutusya, lilino, ukwega ukupupwa, na fyosa bo ifyo, ukufwana bo kutusya ukufuma ntulo, pamo na fyosa bo ifyo. Lilino, Bahiburi 10, kangu ilinandi lya 5, Pauli ikutwala ikylene nkati.

Panongwa iyi akabalilo kũko unwene ikwisa nkisu, umwene ikuyoba, Ilikemo . . . (Uyu yo Kristi.) . . . Ilikemo ni fyābũpi umwe mukābagile, loli u mbili mubombile umwe mundendekesjile une:

69 Ngimba i Nyuma fyo fiki lilino? U Mbili, Kyala ikwitugasya mu Mbili gumo.

70 Kyala akabalilo kamo, pala pamwanya, akabalilo kũko Umwene isile pāsi pa kyāmba, yōpo linga i—i ngambako pamo i ng’ombe yāpalamasisyē i kyāmba, umwene ikufimbilisigwa ukugogigwa. Kyala yo mwikemo.

71 Namayolo mmayolo, akabalilo kũko a Bāndũmi bala bākupilile ifisyo Fyābo. Abaserafi abikemo ni fisyo ifikemo, batikumanya nukuti ubutulwanongwa bukusanusya fiki, kangu Abene bikufimbilisigwa ukukupilila ikisyo Fyābo, mu Kuyapo kwa Kyāla; ukukupilila amalundu Gābo, mu lwiyisyo.

72 Lilino, Kyāla mwikemo akābagile ukulekalēla ubutulwanongwa, polelo nakimo kyābagile ukupalamasya i kyāmba kũko Kyāla āli.

73 Polelo Kyāla ātendekigwe ukuya mbili nukwitugasya pakati pa uswe, mbubumbe bwa Yeso Kristi, u Mwanundumiana Gwāke, ikipeligwa Kyāke. Polelo u Mwanundumiana yula alinkupa u bũmi Bwāke, kangu akambakasya ka Lilopa lya Kyāla kābongotwike, ukuti u Bũmi bubagile ukusōka panja ukufuma mu Lilopa, kwa uswe.

74 Ukwisila mu Lilopa lila uswe tusukigwe. Kangu lilino i lilopa lyitu, u bũmi bwitu, ubu bwālisile ukwisila mu kwitugasya ukwisila mu kinyonywo kya kugonana, kwātwele u bũmi bwitu nkisu. I Lilopa lya Yeso Kristi likusuka uswe, likusanusya ubupeligwa bwitu, ukwisila mu kutuma pa uswe u Mbepo Mwikemo; polelo uswe tukuya nkati mwa kipeligwa Kyabunyakyala kya Kyala, polelo uswe tukuya buyo bwakwitugasymo Kyala. Yeso āyobile, “Pa lisiku lila umwe mwisakumanya ukuti Une ndi mwa Tāta, kangu u Tāta mwa Une; Une mwa umwe, kangu umwe mwa Une.” Muketile?

75 Ukumanya mũmo fikuti Kyala ali mu Kipanga Kyāke. I Kipanga kyo lilino kibagisenie ukuya kikwegaga u buyo bwa Kristi, ukupimba ukutumigwa Bwāke. “Umwene uyu

ikwitika mwa Une, imbombo isi Une ngubomba isakubombaga yope. Loli pa kabalilo kanini, kangi i kisu kitikumbona Une kangi mma; palema umwe mwisakumbonaga Une, kabuno Une ngwisakuyaga na umwe, mope nkati mmyinu, ku bumalikisyo bwa kisu.” Muketile? Apo ikylene kilipo, ukupimba imbombo Yáke.

⁷⁶ Lilino, Kyala, pamo ili Bāngéli liyobile apa, ikyo. Stefani āyobíle isya Solomoni ikuyenga i tempeli, “Kangi u Gwapamwanya Ukukinga atikwitugasya mu tempeli injengigwe na maboko. ‘Kabuno ku Mwanya ko Kikota Kyāngu, kangi i kisu kyo yakukanyapo Kyāngu. Kangi ngimba buliku u buyo bwa butusyo Bwāngu?’ ‘Loli u Mbili Ugwe undendekeyile Une.’” Ameni. Apo umwe mulipo.

⁷⁷ “U Mbili Ugwe undendekeyile Une.” Kyāla ikwitugasya mbupime bwa mundu, ikwibonesya Mwene mu Bundu bula. Ubwiputi ubupelelesye! Kyāla mwa uswe, ukuya Nyumba Yáke, Kyala ikwibonesya. O, mūmo uswe tubagile ukusyala pa ikyo mpaka umwe mubagile ukusililika nkati muno, ukufuma ku bupye. Kētésya, ikyo, Kyāla yo akabalilo kosa, utubalilo tosa, ibonisye Mwene mu mundu.

⁷⁸ Yula āli Kyala mwa Mōse. Nkéta umwene, apāpígwe ndongosi; Kristi. Mukabalilo umwene āpāpígwe kwālipu ukugoga kwa bāna, ukugela ukummwaga umwene; momumo ikylene kyāyilile na Kristi. Kangi umwene āli—umwene aponesigwe nkabalilo kala; momumo Kristi āli. Umwene āli mpa-lulagilo; momumo āli Kristi. Mōse āfyukile mmwanya, amasiku malongo mana, nukwakwega ingomelesyo, nukusuluka pási. Kristi ābukile ku lulangalanga, amasiku malongo mana, nukugomokako, ikuyoba, “Umwe mupilike ukufuma ku bala aba kabalilo kaiyolo, ‘Ugwe ungisakulogwaga ubulogwe.’ Loli, une nguyoba kwa umwe, aligwesa uyu ikuketa ku nkikulu ukunonyonywa umwene, atalile abombile ubulogwe nu mwene.” Muketile? Ifindu fyosa ifi, fila, Kyala ikwibonesya Mwene.

⁷⁹ Kéta kwa Yosefu, apāpígwe ndumiana gwamwambepo pakati pa—pa kipambo kya bakundwe. Abene bo bosa bandu banunu, bosa bala bātāta. Loli, akabalilo kako Yosefu ikwisa, umwene āli nabo. Umwene ābagile ukusibona imboniboni, ukusanusya injosi, kangi umwene ābengígwe na bakundwe bāke panongwa ya ikyo. Panongwa ya mbombo yilayila iyi Kyala ālimbikile pa kisu ukubomba, abakundwe bāke balinkumbenga umwene panongwa ya ikylene. Muketile? Kangi ikylene kyosa kyāsosolága ku kipingika. Kangi, keta, umwene āgulisígwe nu tupatu twa siliva kifuki malongo matatu, na bakundwe bāke. Ukusōpígwa nkibwina, ukuti afwe, na bakundwe bāke. Āsosigwémo nkibwina mula, nukubuka ukwakwitugasya ku kiboko ikitalusye ikya Farao. Kangi nayumo u nnyambala ābagile ukwisa kwa Farao, uyu ālagilága i kisu i lisiku lila, nayumo ābagile ukwisa kwa Farao, pene pápo ukwisila

mwa Yosefu. Nayumo abagile ukwisa kwa Kyāla, mwene mwa Kristi. Kangi akabalilo kâko Yosefu âsokile inyumba ya bunyafyale, bo umwene akâli ukusôka, pala yalipo i ngangabwite yikukubigwa, kangi abamanyakubopa bikubopa pankyene pa mwene, bikuywega, “Fugama pa mafundo! Yosefu ikwisa!” Kisita kupasya kûko ugwe gwâli, pamo iki ugwe gwâbombâga, kali kokulondigwa kuki imbombo yâko yâli; ugwe gwafimbilisigwaga ukugwa pa mafundo gâko mpaka Yosefu âfikile pala.

⁸⁰ Kangi akabalilo kâko i Ngangabwite yikukuba, limo mwa masiku aga, ilifundo lililyosa lisakufugama kangi ululimi lulilosa lwisakufumusya. Akabalilo kâko Kristi, u Yosefu gwitu, isakusôkako ku Lwimiko nukwisa, imbombo yâko yitisakuya yakulondigwa pala mma. Ilifundo lililyosa lisakufugama, nukumfumusya Umwene ukuya Mwanundumiana gwa Kyāla. Uko ko kutalusya.

⁸¹ O, mumo uswe tukunketa Umwene mwa Davidi! Mûmo Davidi, u mwalafyale unkânigwe, asopigwe ukufuma pa kikota kyâke, na bakundwe bâke, u mwanundumiana gwâke mwene, ukwitugasya pa Kyamba kya Mâfilu, bo umwene ikufyuka, pamwanya pa Kyâmba kya Mâfilu, alinkukéta kunyuma pa Yersalemu nukukûta; kabuno kula abandu bake mwene, aba umwene âbabômbîle imbombo nukubamanyisya abene isya Kyāla, kangi abandu bâke mwene ukunkaga umwene nukusôpa i findu ku mwene, ukufunya pa mwene nukupela kyakusekésya, akabalilo kâko umwene ândaga ukufyuka akâmba nukukânigwa. O, mumo kiyilile ubupelelesye kya Mwanundumiana gwa Kyala, ifyinja ba mia bahano na batatu; u Mwalafyale unkânigwe, pakati pa bându Bâke Mwene, ukwitugasya pa kâmba nukukûta pamwanya pa Yersalemu, ukuya Mwalafyale unkânigwe.

⁸² Ngimba kyâli fiki ikyene? Kyala ikwibonesya Mwene mu basololi bala, ukubonesya Kristi.

⁸³ Polelo pala palinkwisa Yumo uyu yo âli bupelelesye bwa Kyāla. Umwene âli Kyāla pakayi pa uswe.

⁸⁴ Kangi ukufuma kabalilo kala, Umwene ibonisye Mwene mu Kipanga Kyâke, ulubafu ulu ulwa Kalvari. Polelo, umwe muketile, uswe twesa tukugela ukwisa ku buyo bwakwitugasya ubu, Kitembe kya Kyala gwabumi. Lilino balipo abandu bamo...

⁸⁵ Uswe tukukêtésya apa, umwene âtile, “Ikyakwanda uswe tuli nu lwitîko, akayîlo, ubumanyi, ubutengamoyo, ubufindang’oma, ubununu pamo ubunyakyala, kangi ulugano lwabukundwe.” Umma ndaga. I kîsa kyabukundwe, kangi pala ongolela ulugano. Unko une mbâle iki, kyosa kangi, ukuti umwe muyege basisimikisiyi ukukikaba ikyene lilino. Lilino uswe tukubukaga ukwanda pa linandi lya 5.

Kangi palubafu pa iki, ukupa ukwiyúla kōsa, ongelelága ku lwitiko lwinu a kayilo; kangi ku kayilo ubumanyi;

Kangi ku kayilo ubutengamoyo; kangi ku butengamoyo ubufindang'oma; kangi ku bufindang'oma ubunyakyala;

Kangi ku bunyakyala ikisa kyabukundwe; kangi ku kisa kyabukundwe u kibabilisi, iki lo lugáno.

...linga i findu ifi fikuyaga mwa umwe, kangi fikubála, ifyene fikupela umwe ukuti umwe mungayaga bumu pamo kisitakupapa mu bumanyi bwa Ntwa Yeso Kristi.

⁸⁶ Lilino, Peteri ikubatika ikindukimo apa kuli uswe, ukuti mūmo ukufikila kula.

⁸⁷ Lilino une ngulonda ukuyoba iki, ukuti, balipo abandu bamo bali nako akayabo ka kayilo aka, ubumanyi, amahala, ubutengamoyo, na fyosa bo ifyo, aba batikuyoba napanandi ukuya Bakristi. Lilino uswe itolo . . . uswe tukumanyisya i sukulu ya Ndungu. Kangi ikyo kyo kyabwanaloli. Balipo abandu bamo balinakyo ikiyabo kya iki, aba batikwisyobekesya napanandi ukuya Bakristi. Loli ikyo kitikubomba . . . Ikyo kitisakubomba ikyene mma. Ikyene kifwene njuni inditu yikugela ukubika amayoya ga ngukundembo mmapiko gāke, ukwitendeka mwene ukuya ngukundembo. Umwene ikwikosya itolo isoni mwene. Kikuya kinunupo ukusyala njuni nditu. Muketile? Akabalilo kāko umwene ikugela ukubomba i findu ifi kisita kuya Nkristi, umwene yo itolo ali panja pa buyo.

⁸⁸ Ikyene kifwene umpiki gwa mikuyu ukugela ukupa ama apulo. Ikyene kikabagila ukubomba ikyene, muketile, palema nalinga ikyene kyo mpiki. Loli ikyene kikabagile ukutendeka ama apulo.

⁸⁹ Ikyene kifwene yi mbunda yikugela ukutendeka ulusyóya, ukugela ukuya bo ng'osi akabalilo kāko umwene yo lusyóya, pamo, umwene yo mbunda. Umwe muketile, umwene akabagila ukutendeka ulusyóya mma. Umwene akabagila ukubomba ikyene. Ulusyóya kyo kikungilwa ku ng'osi, komma i mbunda. Umwene abagile ukugela ukubombela bo i ng'osi, loli umwene akáli yo mbunda. Muketile? Polelo, umwene ikuyoba, “Ena, une mbagile ukulya bo yi ng'osi. Une mbagile ukubomba *iki* bo yi ng'osi.” Kangi kali ugwe kubombaga fiki, ugwe kufimbilisigwa ukuya ng'osi ukuti uyenalo u lusyóya.

⁹⁰ Kangi une nīme apa ku miniti yimo. I ng'osi yitikutendeka u lusyóya. Umwene ali nu lusyóya panongwa yakuti umwene yo ng'osi. Abandu bingi bikugela ukuyoba, “Ena, une ngugelaga ukuya nnunu. Une ngugelaga ukubomba *iki*.” Komma ukutendeka nakimo. Umma, ugwe ukabagila. I ng'osi

yikubomba, yitikulâlulusígwa, yitikugûliligwa ukutendeka ulusyóya. Iyene yikupapa ulusyóya, kangí iyene yikubomba ikylene panongwa yakuti iyene yo ng’osi.

⁹¹ Kangi akabalilo kâko ugwe uli Nkristi, ugwe kupapa itolo ifipaso fya Mbepo. Ugwe utiku—ugwe utikutendeka ikylene mma. Ugwe utikugela ukwata ikylene itolo. Ugwe gela... Komma ukupela gwimwene ikindukimo iki ugwe ukaya. Ugwe itolo yaga iki ugwe ubagilile ukuya, kangi polelo ikylene kikwipakikisya kyene. Ngimba ugwe upilika abandu bikuti, “Ena, une ngukubûla ugwe. Une... une ningile ikipanga. Une—une naloli ngufimbilisigwa ukuleka ukutungulupa uku?” Ugwe kugela ukutendeka ikindukimo kangi, lilino. Ugwe ukabagila ukubomba ikylene, polelo kukayabo nukulondigwa nakumo ukwakugela, kisita kukinda—kukunda i—i mbunda ukubagila ukwipela mwene ukuya nu lusyóya. Umwene akabagila ukubomba ikyo.

⁹² Pamo, iswanga ukugela ukulya palikimo ni ngungubiya, i swanga ukugela—i swanga ukugela ukulya ni ngungubiya. Ngimba umwe mubagile ukwinogonela u kihobe panja pala, ikiyoba, “Umwe mumenye, une ne ngungubiya,” nukubika amayoya manini mwa umwene, ikuyoba, “Muketile, une nguboneka bo...” Muketile? Umwene ikuyaga itolo ukusokapa pa bubumbigwe. Uyo yo u—u mundu uyu ikwiyobéla ukuya kindukimo akabalilo kâko umwene akaya mma. Muketile, ugwe ukabagila ukubomba ikylene.

⁹³ Ugwe ukabagila ukuyoba, “Lilino kéta, une mbagisenie ukuya na kayilo, polelo une nguyaga na kayilo. Une ngulondigwa ukwitugasya ubunyakyala, polelo une itolo nguyaga nakyo ikylene.” Fiki, ugwe itolo kugela ukubikamo amayoya. Palema nalinga agene gali mukufikila kwinu, loli umwe mukabagila ukubika amayoya mu njuni insobi. Muketile? Ikyene itolo kitisakubomba. Kangi ikylene kikunangisya itolo yo nsyobi nki injuni yila yili. Muketile? Ngimba umwe mubagile ukwinogonela u kihobe gwayolo ikugela ukuya na mayoya ga ngungubiya mabili, nukuyoba, “Kéta kuno, muketile, une ne ngungubiya?” Muketile? Fiki, uswe twesa tumenye umwene yo kihobe. Muketile? Muketile? Ikyo kyo kyosa. Uswe tubagile ukukéta ukuti umwene yo kihobe.

⁹⁴ Ena, lilino iyo yo njila ikylene kiyilile, ukugela uku—uku tendendeka i Kikristi. Ugwe ukabagila ukubomba ikylene. Ikindu kyâkwânda, ugwe kufimbilisigwa ukubomba, ko kuya mpâpígwe kabubili. Ugwe kufimbilisigwa ukuya nsanuke. Muketile? Kangi akabalilo kâko ugwe usanwike, ugwe kuya kipeligwe ikipyá. Lilino ugwe kuya kanunu, lilino. Muketile? Lilino ugwe utikufimbilisigwa ukupasya isya mayoya, ikylene kisakwipakisyaga kyene, akabalili kâko—akabalilo kâko ugwe upâpígwe kabubili. Ena, nkulumba.

⁹⁵ Mũmo une njobíle akabalilo kosa. Ugwe kwegwa i—i ngulube, ukunsuka umwene mōsa nukumfwiika i sūti ya tukusela pa mwene, pamo sūti ya tuxedo, ndigi, pa mwene, nukummwabula umwene panja pala; umwene ikubuka mulamula ku ikibwina kimo ikya matipa nukwilambalika. Panongwa yakuti, umwe muketile, ikyene kitikubomba ni kinunu na kimo. Umwene yo ngulube. Uko ko kupeligwa kwāke. Ukwilambalika ko kupeligwa kwāke. Ugwe kufimbilisigwa ukusanusya ukupeligwa kwāke, kangí (umwene) fyosa fya ifyene fisakwipakisyaga fyene.

⁹⁶ Lilino, kētésya. Ugwe kufimbilisigwa ukupāpígwa kabubili, uko ko, kusanusigwa. Pakufimbilisigwa ukuyapo ukusanusigwa.

⁹⁷ Ugwe kuyoba, “Ena, Nkundwe Branham, une mmenye u nkikulu yumo ukukilania apa, fiki, umwene akabombamo siku ububibi bulibosa. Umwene yo nkikulu unnunu. Pamo, uyu *gwakuti-na-gwakuti* u nnyambala, umwene yo nnyambala nnunu. Umwene atikubombamo siku kalikosa. Ugwe umenye umwene atikufulasya nayumo mma.” Ikyo kitikusanusya ni kindu na kimokyene. Umwene abagíle abagíle ukuya mpalamani nnunu, loli umwene akāya Nkristi mpaka umwene apāpígwe kabubili.

⁹⁸ Yeso āyobíle, “Pene pāpo u mundu apāpigwe kabubili,” Mwikemo Yohani 3, ukuti, “umwene akabagíla nukukéta i Kitangalala.” Lilino, ikyo kikusanusya, *ukukéta*, ikyene kikusanusya uku “pilikisya.”

⁹⁹ Ugwe ketesya pa kalikosa, kuyoba, “Une itolo ndikuketa ikyo mma.” Ugwe kusanusya ugwe utikupilikisya ikyene.

¹⁰⁰ Unnyambala akabagíla ukupilikisya nongwa ya fiki abandu bikulalata. U nnyambala akabagíla ukupilikisya nongwa ya fiki u injobelo ya mundu yibagíle ukusanuka kangu umwene ikuyobaga mu lulimi. U nnyambala ugwakipeligwa akabagíla ukukéta mũmo u lwimiko lumo ulwa Kyāla lubagíle ukwisa pamwanya pa maso ga mundu, kangí umwene abagíle ukukéta imboniboni nukumbūla u mundu isya findu fimo, nifyakubomba; ukubabūla abene i findu ifi fitendekisye ukuboneka, nukuyoba ifindu ifi fikwisaga ukuboneka, mũmo u Ntwa ābombíle kuli uswe apa nkilo, mópe. Muketile? Muketile? A—a minogonela ga kipeligwa gikugela ukwinogonela mōsa. “Ena, ngimba ābombile fiki umwene? Pamo, ngimba lo luko luki ulwa manjele umwene ikubombela? Ngimba bo bukumu buki umwene ali nabo?” Ukukéta u mundu ikuyobela mu ndimi, abene bikuyobaga. . .kangí umundu yumo ikusanusya nukuyoba itolo katikati ku mbakasya yimo iya Mbili iki abene babōmbíle, kangí iki abene bikufimbilisigwa ukubomba. Muketile? Muketile? Abene bikwinogona ikyene kyo luko lumo lwa mājéle. “Kilipo kimo kitendekigwe pakati pa bene.”

¹⁰¹ Abene bakabagila ukupilikisya ikyene mpaka u nnyambala yula apāpígwe kabubili. Polelo akabalilo kâko umwene apāpígwe kabubili, polelo umwene ali ndukindi lwa bulilansi, panongwa yakuti umwene yo kipeligwa ikipya. U mundu yula ugwaiyolo ugwamabyebye, ugwakwilamwa uyu âli, afwile. Lilino, umwene yo kipeligwa ikipya. Polelo, umwe muketile, umwene atikufimbilisigwa ukongelelapo ku kyake, lilino, panongwa yakuti ikyene pakylene kikwiyongelâla.

¹⁰² Kētésya, ugwe kufimbilisigwa ukupāpígwa kâbubîli. Kangi akabalilo kâko ugwe upāpígwe kabubili, ugwe ukabagile ukupāpígwa akabubili kisita kuya nu lwitiko. Uko ko kutalusya. Polelo, umwe muketile, pa kisingulo kyangu apa, une ndinalo pa lulula lu lwâlo, u lwitiko lo lwâlo lwa kyosa kya ikyene. “Kabuno kisita lwîtîko ikyene kyo kisitakubombigwa ukunsangalusya Kyâla. Umwene uyu ikwisa kwa Kyala ikufimbilisigwa ukwitika ukuti Umwene yuyuyo, kangi mupamfwalo gwa aba bikundolonda Umwene.” Muketile? Umwene abagile ukuya. Kangi akabalilo kâko ugwe gwe ndondabusobi gwa i Bângéli, akabalilo kâko ugwe ndondabusobi bwa Lisyu ukuya litalusye, ugwe ubagile itolo ukuya kinunupo ukusyala kunyuma mpaka ukwanda ugwe kwitika ikyene.

¹⁰³ Ngimba ubutulwanongwa bo fiki? Ukusitakwitika. Silipo syene i mbakasya ibili isi sikulagila u mundu. Ikyo pamo kwilâmwa pamo lwîtîko, kimo pamo ikingi. Ugwe ukamandígwe ikya kimo iki kikulâgila ubûmi bwâko. Itolo kikwegela pa bwingi buki u lwitiko ulu ugwe uli nalo, ubutali buki ugwe ubagile ukufyuka.

¹⁰⁴ Loli, ikyakwanda, ikyene kibagile ukuya lwîtîko. Unko une nitugasye pa lwâlo lula pa kabalilo. Lilino, u lwîtîko lo iki ugwe kufimbilisigwa ukwitika. Lwîtîko kyo fiki. . . “Lwîtîko lo kipalamasigwe kya findu ifi fikusûbilígwa.” Ikyene kyo, ugwe utalile ulinakyo ikyene akabalilo kâko ugwe uli nu lwîtîko, panongwa yakuti ikyene kikusetuligwa mu lwîtîko. “Lwîtîko lo kipamâsigwa kya findu ifisûbilígwa,” Bahiburi 11, muketile, “ubuketi.” Ngimba ikyene kyo fiki? Ngimba lo luko luki lwa buketi? Ubuketi ubwikemo.

¹⁰⁵ Polelo, akabalilo kâko ugwe kuyoba, “Nkundwe Branham, une ngwitika ukuti Kyala yo Mbumbulusyi.” Ena, linga ugwe kwitika ikyo, kangi polelo kwitikisya Umwene ukuya Mbumbulusyi gwako, kangi kisita kusyoba, loli naloli ukwitika ukuti ni ndabalabe sya fikoti Syâke ugwe ubumbulusigwe, kikayapo nakimo kikuyaga pakukusanusya ugwe ukufuma ku kyene. Ikyene kyo kindu kimalisigwe. Lilino ugwe ubagile ukuya nu lusûbilo, itolo ukûmilísya ukubopela ku *iki* kangi ukubopela ku *kila*. Loli akabalilo kâko ugwe uli nu lwîtîko, ugwe umenye ikyene, panongwa yakuti ulwene lo buketi. Ugwe utalile uli nako ikyene. Une nâli. . .

106 Balinga, yumo aligwesa, ampilikémo Oral Roberts ulubunju ulu, akabalilo kâko umwene âlumbililága ulubunju ulu, Oral Roberts? Une—une numpilike umwene ikuyoba ikindukimo pamo ikingi ikya kuti lwâlipo u lwítiko, lula ulwa ulutabulo, ukwípúta u lwípúto lwa lwítiko, ulwa lutabulo. Umwene âtíle, “Pela ukulungisania kwâko ukwisila mu kupalamasya i rediyo, pela ukulungisania kwâko ukwisila mu kupalamasya ikindukimo, ukuti...” Unnyambala yula âbombága ikyo, ukuti ikyene kikubapaga abandu ikindukimo iki abene bâbagíle ukubikapo amaboko gâbo. Ikindukimo, ugwe kuyoba, “Une nkyâgíle lilino, panongwa yakuti umwene âmbulíle une ukupalamasya i rediyo yângu. Une nkyâgíle ikyene.” Muketile? Lilino, ikyo kyo kilikanunu. Loli, lilino, u lwítiko lûlo ulwanaloliloli lutikulondígwa ukupala, asya nafimo bo findu bo fila. Lilino, une ndikunkemela u Nkundwe Oral, napanandi mma. Umwene ikubomba imbombo ingulumba, kangi u nnyambala nnyakyala, kangi une—une naloli ngwinogona fifingi ifya Oral Roberts. Kibibi fiyo uswe tukaya nabo abakongelelápo ba abene.

107 Loli iki une ngugela ukuyoba, ukuti—ukuti u lwítiko lutikulonda kalikosa. Muketile? U lwítiko lukwitika mu Lisyu lya Kyâla. Kabuno u lwítiko lukwisa nu “kupalamasya”? Umma. “Lwítiko lukwisa nu kupilika, kangi ukupilika i Lisyu lya Kyâla.” Lila likutotekela ulwene. Ikyene kiliko. Muketile? Kangi u lwítiko, mûmo ikyene kiyobígwe, lukaya nu butali ku lwene. Lwítiko lo lululu ulu. Lwítiko luli apa. Lilino twege ukuti ali u mundu yumo. . .

108 U mwâna yula, ilisiku ilingi. U mâma yula uyu Kalumbu Kidd na bala bâyobaga ngapo, uyu âli na kâna kanini na mâla panja, kisita bwigule ku musundu, ukukindisya ifyakulya. Lilino, u nkikulu uyu, ukumpilika Kalumbu Kidd na bala bikubikila ubukéti, alinkwitika ukuti linga umwene âbagíle ukuyo mbulunganikisyo, kangi une ngwíputíla a kâna kala. Lilino, muketile, Kyala ikutupa uswe a bându. . .

109 Twe bamo mwa uswe tuli nu lupúbo na Kyala, fiyo—fiyo syanaloliloli mpaka Kyâla ukwisa ukuya itolo bo kubuka apa, ngati, kangi ikuyoba kwa Nkundwe Neville pamo u mundu yumo uyu ugwe gwísibíle nagwe. Kangi uswe utubalilo tumo tukusuma abandu bala ukwíputíla uswe. Ikyo kyo uswe tubagisenie ukubomba. Polelo linga uswe tuli nu lwítiko ukuti u nnyambala pamo unkikulu yula, aligwesa uyu ikutwíputíla uswe, ikuyoba kwa Kyâla, polelo u lwítiko lwitu lukukolekigwa. Ulwene lukamandígwe. Ulwene lusêngéme.

110 Apa. U muRoma alinkubuka ukwakwagana na Yeso. Kangi umwene alinkuti, “Une—une ngaya gwakufwana ukuti Ugwe gwisega pási pa buyeleke bwangu. Une—une ngaya mma. Une—une ngaya gwakufwana. Kangi une—une ngâbombile. . . Une—une ndikwibála nimwene mu njila yila. Loli,” alinkuti, “u

mwanundumiana gwāngu mbine fiyo. Kangi Ugwe itolo yoba i Lisyu, muketile, kangi u mwanundumiana gwāngu isakuyaga mūmi.”

¹¹¹ Ngimba ikylene kyāli fiki? Ubutali bukapelile ukukindana nakumo. Muketile? Panongwa yakuti, Kyāla yo gwaposaposa. Kyala yo gwamakagosa. Kangi kulikosa Kyala ali, ubwamakagosa buli kula. Kangi Kyala, ukuya gwaposaposa, kila kukimpela Kyala kulikosa, posa na posa. Muketile? Kyāla yo itolo nkulumba mu Germany, mu Switzerland, kangi pási ku South Africa, iminiti yiyiyi iyi, mūmo Umwene ayilile papapa apa. O! Mwaketa lelo umwe.

¹¹² Polelo lilino umwene alinkuti, “Une ngaya gwakufwana ukuti Ugwe kwisaga pási pa buyeleke bwāngu. Itolo yoba i Lisyu.” Ngimba kyāli fiki ikylene? Ulwene lwāli lwitiko lwa muRoma yula. Umwene ālitike ikylene.

Kangi Yeso ātile, “Bukaga pa njila yako. U mwanundumiana gwako mūmi.”

¹¹³ Kangi umwene ābukile panja, injila ya masiku-mabili. Kangi ilisiku ilikonge, bo umwene akafika ku kāya, umwene alinkwagana na bamo mwa bāmbombo bāke bikwisa. Kangi abene balinkuti, “U mwanundumiana gwāko mūmi.”

¹¹⁴ Kangi u muRoma āsangelwike fiyo, mpaka umwene alinkuti, “Ngimba kabalilo kaki aka lisiku umwene alinkwanda ukwipilika kanunu? Ngimba kayabo kaki aka lisiku?”

Umwene alinkuti, “Kifuki isala ya kalongo na yimo, umwene alinkwanda ukupola.”

¹¹⁵ Kangi u muRoma āmenye ukuti kala kāli ko kabalilo kalakala aka Yeso āyobile, “U mwanundumiana gwako mūmi,” kangi umwene ālitike. Ameni.

¹¹⁶ Gwāmakagósa, gwāposapósa, mmanyafyósa, nsitampaka, uyo yo Kyāla. Polelo, akabalilo kāko abene bikutendeka ukukóléla kwa foni nukuti, “Ipúta!” Ukulunganisya kula! Kangi u lwitiko lwako luntwala Kyala. Ikyene kyo kindu iki kikutwala u lwipúto na Kyāla, palikimo, pa buyo. Lwipúto! Lwitiko lukusanuka ukufuma *apa* ukubuka *apa*. Ulwene lukutwala ikylene palikimo.

¹¹⁷ “Yoba i Lisyu. Kyosa une ngulonda Ugwe ukubomba ko kuyoba i Lisyu, kangi kilikyosa kikuyaga kanunu.” Muketile, Umwene akālondigwāga ukuya pala. “Itolo yoba i Lisyu.” Nongwa ya fiki? Kyāla yo gwaposaposa. Umwene yo mwenemaka. Umwene yo itolo gwamaka pási pa kisu mūmo Umwene ayilile pamwanya pa kīsi, pamo pa mbafu syosa. Umwene yo Kyala. “Kangi ikindu kyene iki Ugwe kufimbilisigwa ukubomba ko itolo kuyoba i Lisyu,” umwene ayobile.

118 Kangi, lilino, u lwítíko lubomba fyosa ifi fisyele fya icyene. U lwítíko lukobomba fyosa ifi fisyele. Polelo ugwe kufimbilisigwa ukuya nu lwítíko ukuya lwālo. Ubukristi bōsa, fyōsa ugwe guli, fyōsa ugwe kwisakuyangamo siku, fyāligwe pa lwítíko mu Lisyu. Iyo yo nongwa une ngwitika i Lisyu. Muketile?

119 Une ngabagile ukubika u lwítíko pa kindu kimo ikingi. Linga une nāyaga pakubika ulwene pa kipanga, kyo kipanga kiliku une ngubikangapo icyene: Katolika, Luteri, Methodisti, Baptisti, Pentekosto? Ngimba une ngubikaga kugu ulwene? Une ngamanya. Abene bosa bikusōba na filifyosa ifingi, ukuniongasya ingindi, na filifyosa ifingi.

120 Loli akabalilo kāko une ngubíka u lwítíko lwāngu mu Lisyu Lyāke, ulwene lwikimisye. Nayumo ikulingania Ilyene. Apa Ilyene lili, ISI SYO IKUTI U NTWA. Polelo une ngwitika Ikyo. Apo lulipo u lwālo.

121 U ngānga unnunu unnini pási apa nkaya, u mwinangu gwa une, Doctor Sam Adair. Uswe twāli balumiana palikimo. Umwe mwesa mummenye Sam. Kangi umwene āyobíle kwa une, umwene alinkuti, “Bill. . .” Ukufuma pāpo imboniboni yisíle, yalimbūlíle umwene kūko umwene ikuyengaga ubuyo bwāke, mūmo icyene kikubonekelaga. Lilino bukamo mula, ndalusya umwene akabalilo kamo linga ikyo kikaya kyābwanaloli. Ifyinja fibili pamo fitatu bo icyene kibabombigwa, yalimbūlíle umwene kūko icyene kikuyaga. Une ndinkuti, “Ugwe kifuki kwisakwegaga akayabo kala ka kāya.” Kangi kakayapo nakamo loli akandi kamokene pakati mwene na kila, kangi kila kyo buyo bwakubumbula-kangi bula. Doctor Adair akabile bosa ubu busyele bwa icyene, kangi ni luka lya mikota. Ifyo fyo fyōsa. Doctor Adair iswisye kila itolo katikati, imboniboni yila. Kūko, ubuyo ubu umwene ātíle, “Ubwene bukabagila nukupalamasigwa ku fyinja malongo-mahano-nafihano. Ubwene bu ku bulongela-nongwa.”

122 Une ndinkuti, “Doctor, u Ntwa ikukupa ubwene kwa ugwe, panongwa ya lwiyísyo lwāko.”

Umwene alinkuti, “Une ngaya nnunu mma.”

123 Une ndinkuti, “Ugwe uli kayamba unnywamu. Ugwe uli ni likalang’asa panja, ikikakala iki ugwe kwisakukētaga ku bināko panja apa, loli nkati ugwe gwe miana gwanaloliloli. Soka panja pa likalang’asa ilyo.” Une ndinkuti, “Kyala akupele ubwene kwa ugwe.”

124 Umwene alinkuti, “Une ngīlamwamo siku mwa ugwe, Billy, loli ngwisakwilāmwaga ikyo.”

Une ndinkuti, “Buka kindilila ku bubombelo kwāko.” Kangi polelo umwene alinkubuka kula.

125 Ulubunju ulukonge, umwene alinkungōléla une, alinkuti, “Une nguma ni mbepo ku bufwe.”

126 Une ndinkuti, “Ngimba kitamisye fiki?” Ukwene kwāli ukufwana mu Julai. Une ndinkuti, “Ngimba fiki fitamisye, Doc?”

127 Alinkuti, “Une nūlīle ubuyo bula, Billy. Abene bāli nu lukomano nkilo ku Boston, kangi une nūlīle u buyo bula ulubunju ulu.”

Alinkuti, “Une nākubulīle ugwe.”

128 Une nāli pasi kula ilisiku ilingi, nguyoba ku mwene, akabalilo kāko i ndusu yapufukaga nkisyo kyāngu. Umwene alinkuti, “Une ngwinogonela une njobile ikyo ku bandu elifu aba bikwisa muno, bo ulu.” Ngimba ikyene kyo fiki? Lilino, akabalilo kako Kyala ikuyoba kalikosa, ikyene kikubonekaga.

129 Mmayolo namayolo abinitu bamo bālisīle mula. Abene bāpilike i mboniboni yila yāyobigwe isya mbabala ya karibuu iyi yāli ni mbembe ya ma inchi malongo-mana-na-mabili, ni kindingo kya grizile kya siliva-kusulo. Une ngamanya bandu balinga aba bisīle ku nyumba, bikulonda ukukéta kila. Une ndinkuti, “Apa yilipo i tepi yakupimila. Twala i mbembe.” Umwene āpilike ikyene bo ikyene kikaboneka. Muketile? Nongwa ya fiki? Akabalilo kāko Kyāla ikuyoba kalikosa, ikyene kikufimbilisigwa ukuboneka. Iyo yo nongwa, ikyene kili pa lwālo.

130 Lilino, *apa* lo lubatiko lwa bupoki. Kangi polelo linga i mboniboni Yāke yābonike nubupelelesye, katikati mu njila iyi isyene sikuyoba isyene sikubombāga, kangi ikipanga iki apa kikumanya ikyo ko kotalusya, polelo bule i Lisyu Lyāke? Muketile? Ilyo lyo lyanaloliloli ukukinda imboniboni. Linga i mboniboni yikāyobile ni Lisyu, polelo i mboniboni yo nsobi. Loli ilyene lyo Lisyu, ikyākwānda, panongwa yakuti i Lisyu lyo Kyāla. Muketile? Polelo, Umwene yo gwaposaposa. Umwene āyobile iki apa, nukukupela ikyene ukuboneka mu Canada. Ameni. Kéta, Umwene yo njapo-posa. Umma ndaga.

131 Ikyākwānda, ugwe kufimbilisigwa ukupāpīgwa kabubili. Kangi polelo akabalilo kāko ugwe upāpīgwe akabubili, ugwe ulinalo u lwītiko; ugwe kwitika i Lisyu. Mpaka ugwe upāpīgwe akabubili, ugwe kukanikanaga ni Kyene. Linga ugwe itolo gwīnamīle kubwīpūti, kangī—kangi ugwe ulinabo u—u—u bunini ubumanyi ukuti ugwe ubagīle ukubomba ikitalusye, ugwe utisakwitikisyapo siku pa Lisyu lya Kyala. Ugwe utisakubombamo siku ikyene. Ugwe kufimbilisigwa ukuya mpāpīgwe kabubili. Kangi, ukupāpīgwa kabubili, ikyene kikutwala u lwītiko. Umma ndaga. Polelo, ukufuma pāpo ugwe ukabīle u lwītiko, ulu papapa *apa*, l-w-ī-t-í-k-o, lwītiko, polelo ugwe guli itolo mbuyo bwa kukula.

132 Lilino, abāndu bingi bikubuka pamwanya pa kigemo, nukwīpūta, nukuti, “Ntwa, nswaga une.” Kangi ulupūbo ulukulumba ulwa kukemesigwa lukwisa pa bene, ni findu.

Polelo ugwe kuya na kabalilo akakulumba, ukusumuka ku kigemo kila, kulalata. Ugwe kugomokela, nukuti, “Nsaga Kyala, une nãmbilíle icyene.” Umma, ugwe itolo gwãndilepo pa buyo kũko ugwe ubagíle ukukula. Ugwe ukáli akabombapo nayimo. Muketile? Ikindu kyene iki ugwe ubombile kyo itolo ukwála u lwálo.

¹³³ Lilino ugwe kuyaga pa kuyenga i nyumba, kangí ugwe konelélága u lwálo, kuyoba, “Ndumiana, une nãmbilíle umwene.” Muketile? Ugwe ulinalo u lwálo lwakuyengapo i nyuma. Lilino ugwe kufimbilisigwa ukuyenga i nyumba.

¹³⁴ Lilino apo po pãla i kindu kikwisa nkati, ulubunju ulu, uswe tukuyaga pakuyobapo lilino. Umma ndaga. I nyumba, u lwálo ulu lyo lwákwánda. Ngimba u lwálo lwa Kíkristi lyo fiki? Lwítiko mu Lisyu lywa Kyála. Ulo lo lwálo lwáko. Polelo ugwe kwánda ukukula. Polelo ugwe kwánda, ugwe kwánda ukõngéléla ku lwálo ulu.

¹³⁵ Lilino, ukuyenga i nyumba, ugwe kubika ifyakwimika na filifyosa ifingi. Nkundwe Wood, na bamo ba bapalamatapwa aba na bayengesi apa babagíle ukutubula uswe mũmo ugwe kuyengelága i nyumba. Muketile? Loli une ngubabulaga umwe mũmo mukuyengelága i nyumba yamwambepo, kũko Kyala abagíle ukwitugasya. Umwene ikulonda ukwitugasya mwa ugwe. Umwene ikulonda ukukupela ugwe ukuya bo Mwene. Umwene ikulonda ugwe ukwibonesya, ukubonesya, ndigi, Ubuyepo Bwáke.

¹³⁶ Umwe mumenye, utubalilo twaiyolo akabalilo kãko abene bãlisibile ukutendeka golidi, bo bakáli nukummwaga umwengelusi ukõkya icyene mōsa, abene bãlisibile ukuntika u golidi yula mōsa, ukutika ifinyanyasi panja, ifisulu na kopara ni findu panja, kangí nukumilisa ukutika, kangí ukusanisa icyene kubungi, nukutika icyene. Aba Mwenye bikubomba ikyo lilino, ukutika golidi, kangí abene bikutika umwene. Umwe ngimba mumenye mũmo abene bākételága ukuti fyosa ifisulu fisõkile panja pa umwene, kangí ifyakinyanyasi fyōsa ni findu, kangí ni ngami ya panja pa umwene? Akabalilo kãko yuyo yula átikága ábagíle ukwíkéta ububonekelo bwake mwene, ngata lindalasi, mu mwene. Umwene áli nswepu kangí asukígwe ukufwana mpaka umwene abonesyága untiki.

¹³⁷ Iyo yo njila Kyala ikubombela. Umwene ikwega u golidi uyu amwagíle nkĩsu, kangí Umwene ikutika umwene, nu Mbepo Mwikemo, ukusanusa umwene ulubafu ulungi, nu lungi, nu lungi, kangí ukutika umwene mpaka (Umwene ikwambilila) Umwene abagíle ukukéta ububonekelo Bwáke. [Nkundwe Branham ikukuba amaboke gãke kingikingi—Nsimbi.]

¹³⁸ Kangí ikyo kyo iki uswe tubagisenie ukubomba, ukubonesya u Mwanundumiana gwa Kyala. Kangí lilino uswe tubagisenie ukubomba imbombo Yáke. Umwene aatile, “Umwene uyu

ikwitika mwa Une...” Mwikemo Yohani 14:7, “Umwene ikwitika mwa Une, imbombo isi Une ngubomba isakubombaga yope.” Ugwe gwandile ukubonesya imbombo sya Kristi.

¹³⁹ Loli bingi ba uswe tukugela ukubomba i mbombo sya Kristi bo kikāli ikibonesyo kya Kristi ukuya mwa uswe. Lilino apo po u lutamio lulipo. Uswe tukufyaga ifindu ifyo fikuboneka. Umwe mumenye ikyene. Une mmenye ikyene. Uswe tukukéta aba, bikwitabania mu njila. Uswe tukubága ikilundiko kya balumbilili abamalika mbombo, ifya Bakristi, balundikígwe mu njila, yo nongwa yakuti abene bakābūkile mu kyene nubutalusye mma.

¹⁴⁰ Kangi iyo yo nongwa une ndi apa ulubunju ulu, ko kugela ukumanyisa ikipanga ikinini iki, na nimwene, mūmo uswe tubagile ukuya buyo bwakwitugasyáko bwa Kyala gwabumi. Balinga bikulonda ukuya ikyo? Ubuyo bwakwitugasyámo bwa Kyala gwabumi!

¹⁴¹ Lilino apa kilipo iki uswe tukubomba. Ngimba ikindu kyākwānda kyo fiki? Yaga nu lwítiko kangi pāpígwága kābubili. Uko ko kwāla u lwālo.

¹⁴² Polelo, ukufuma pa kwāla u lwālo, ikyābubili ugwe kongeléla ku lwālo lwāko. “Ongeléla ku lwítiko lwāko,” Peteri āyobíle apa. Ongeléla ku lwāko. . . Ikyākwānda ugwe uli nu lwítiko, polelo ugwe kongeléla akayílo ku lwítiko lwāko. Iyi yo mbanda ingonge. Ikyākwānda, oneléla u lwālo lwāko, lwítiko. Polelo, ku lwítiko lwāko, ongeléla akayílo.

¹⁴³ Lilino, palapa pala pakututikila twe bingi ba uswe pási. Ena, nkulumba. Ena. “Ongeléla akayílo ku lwítiko lwāko.” Uko kutikusanusya itolo ukwitugasya u būmi ubufunde, umwe mumenye, bo yu nkikulu pamo u nnyambala, na fyōsa bo ifyo. Ikyo kikaya nakyo nakimo ikyakubomba ni kyene.

¹⁴⁴ Ili Bāngéli lyāyobíle, uswe tukubala kubwa kuno mwa Būka gwa Lūka, kūko Ilyene lyātíle, “Ulwífimbilíso lulinkusókamo mwa Umwene.” Ikyo kikutalusya? Linga uswe tukuyaga bo Umwene, uswe tukufimbilisigwa ukuya nu lwífimbilísyo, lelo. Uswe tukufimbilisigwa ukuya nalo ulwene, ukuya bo Umwene. Lo lwimbo lwakwanda ulu une nduganilemo siku, mu—mu nyimbo, lumo mwa ngulumba ukukinda, lwāli, *Ukuya Bo Yeso*. Ena, linga une nguyaga bo u Yeso, une ngufimbilisigwa ukuya nalo ulwífimbilísyo, kangi ukukilania ukuti ukwene kubāgíle ukukilania nkyeni ukufuma kwa une ukubuka ku bandu. Panongwa yakuti, “Ulwífimbilísyo lulinkusōka ukufuma mwa Umwene ukubuka ku bāndu.” Ulwífimbilísyo! Kangi bo ugwe ukāli ukulusōsya ulwene, ugwe kufimbilisigwa ukuya nalo ulwene tasi. Ugwe ukaya nalo ulwene, ulwene lutisakusōka panja. Kikayapo nakimo ukuti ulwene lukusōka ukufuma mula.

¹⁴⁵ Bule linga u mundu yumo āgelíle ukunega ulwífimbilísyo ukufuma mwa uswe, kangi i kyeke kikugomokela “ihela

sikafwana”? Muketile? Umma, umma, nafimo mula ukunegamo, i kyeke kigomokil’itolo. Umundu yumo ikukukéta ugwe ukuya Nkristi, kangi kilabo ikukukéta ugwe panja apa kwendendeka bo yo mōnangi, lukayapo ulwifimbilísyo lwingi ulu lubagile ukunegigwa ukufuma mu ikyo. Muketile? Kutalusya.

¹⁴⁶ Ulwifimbilísyo lukufimbilisigwa ukuya pa uswe. Kangi mpaka uswe tukwága ulwifimbilísyo. . . Polelo akabalilo kâko uswe tukukaba ulwifimbilísyo ulwanaloli, uswe tubagile ukongelelâpo ulwene ku lwítiko lwítu. Ikyo kibumba kya lwâlo iki kikukōnga. Lilino, ikyâkwânda ugwe kufimbilisigwa ukuya nu lwítiko. U lwítiko lwene lutasakubomba ikylene. Ugwe kufimbilisigwa. . . Peteri âyobike, “Polelo ongélâla ulwifimbilísyo ku lwítiko lwâko.” Ugwe kufimbilisigwa ukuya nu lwifimbilísyo, ukuti gōngelelâpo ulwene ku lwítiko lwâko.

¹⁴⁷ Lilino, polelo, ikylene kibagile ukuya, nongwa ugwe ukaya nalo ulwene, panongwa yakuti ifipanga fingi umwisyugu fikubamanyisya umwe mutikufimbilisigwa ukuya nalo ulwene, pamo amasiku ga ulwene gakindile. “Abene batikufimbilisigwa ukuya nalo ulwene. Ikindu kyene iki ugwe kufimbilisigwa ukubomba kyo itolo ukwingile ikipanga kyitu. Ena, amasiku gakindile.”

¹⁴⁸ Ulwifimbilísyo, aligwesa amenye iki i lisyu ulwifimbilísyo likusanusya, muketile, kangi uswe tukufimbilisigwa ukuya nalo ulwene. Linga ulwifimbilísyo lwasôkilémo mwa Umwene, ukubumbulusya u nkikulu uyu âli mbine, Umwene ikugûlila ulwifimbilísyo lulalula mu Kipanga Kyâke, panongwa yakuti Umwene âli yo kyakwegelâla kyítu. Kangi linga Umwene âli nu lwifimbilísyo ukupa abandu, Umwene ikugûlila uswe ukuya nu lwifimbilísyo ukupa ku bându. Kangi ngimba ulwifimbilísyo lo fiki? Ulwifimbilísyo lo bukafu, maka.

¹⁴⁹ Bamo mwa bene batikwitika na maka ga Kyala umma. Abene bikuti, “Ikyo—ikyo—ikyo kyo kikindile. Ikindu kyene ugwe kufimbilisigwa ukubomba kyo itolo ukubika i ngamu yâko pa bûku, nukunyafiligwa, pamo ukōnelelígwa, pamo ukōsigwa, pamo kilikyosa ukongelelelâpo. Kangi ikyo kyo kyosa iki ugwe kufimbilisigwa ukubomba.”

¹⁵⁰ Loli Peteri âyobíle apa, “Ongelâla ulwifimbilísyo.” Lilino, Peteri ikuyobapo isya kuyenga i Nyumba ya Kyala, muketile, i Tempeli ya Kyala, ukuyitendekesya iyene pa buyo bumo. Kangi ukufuma pakuya nu lwifimbilísyo, ugwe kufimbilisigwa ukuya. . . Kangi ugwe uli nalo u lwítiko, ugwe kufimbilisigwa ukuya nu lwifimbilísyo na lwene. Uko ko kutalusya. Yaga nu lwifimbilísyo lwa kîsu kyōsa.

¹⁵¹ Une nâlumbilíle u bulumbilili ukufwana fyinja malongo mabili ifi fikindilepo, pa Rev. Tâta. Ligála. Ligála untimi. Nâlyegile ikylene ukufuma mubusimbe kûko Yeso âyobíle, “Inogona isya iligála, mûmo agene gatikusukulika pamo

ukutiba. Loli Une nguyobe kwa umwe, Solomoni mu lwĩmĩko lwāke losa akafwāla bo limo.”

¹⁵² Kéta ku ligála. Ilyene likufuma kubutali pási mu ndipa. Kangi iminiti yiliyosa iya lisiku ilyene likufipa ukufuma nkĩsu. Muketile? Kangi ngimba ilyene likubomba fiki nu lwifimbilisyo ulu lulo ilyene likufipa? Ilyene likupa ulwene panja. Ilyene likupela ubukétélo ubumogi ku nyonywi. Ilyene likwiyígúla lyēne ku lūki, ukuti injuki yīse nukwegapo akayabo kāke. Yitikwilumbusya mma. Iyene yikufimbilisigwa ukubomba icyene, ukupa ulwene panja. Bule linga injuki yikwisa mula; ihela insitakufwana, u lūki nalumo? Akayuki akanini kala kakwikalasalaga muntu gwāke nukuti, “Ngimba lo luko luki ulwa ligála lyo lila?”

¹⁵³ Linga u mundu ukwisa pala, ikugela ukubwaga ubupoki, kubukaga ku kipanga iki kikwitika amasiku ga fiswĩgo gakĩndĩle?

¹⁵⁴ Bo yu Jack Coe akabalilo kamo āyobĩle. Kwingila mbulĩlo nukuya nikikalatasi kya lubatiko lwa fyakulya; kwanda ukubala icyene ukusuluka, imisisa gya lifupa-T ni findu. Kuyoba, “Une ngwegaga i lifupa-T.”

“Ena, ikyo kyāli kya lisiku ili likindĩle. Uswe tukanakyo icyene.”

¹⁵⁵ Kifwene itolo ukulambalika ulubātiko lwa pakalati pási nukusōka panja, muketile, uko ko kutalusya, ’nongwa yakuti abene bakaya nakyo nakimo icyā kulya, mulimosa. Polelo ugwe ubagĩle itolo ukubaka kũki inyumba yabulĩlo yinakyo kimo icyā kulya.

¹⁵⁶ Kangi u nnyambala ugwamwambepo, ikukula, ikulondĩgwa ikindikimo ukulyápo. Ilyo lyo Lisyu lya Kyāla. Une ngwitika i Lisyu lilikyosa lya Ikyene.

Kyāla ali ni mesa yibālulĩgwe kũko abikémo ba
Kyala bikuswĩlĩgwa,
Umwene ikukóléla abāndu Bāke abasalĩgwa,
“Isaga mulye.”
Na Mānna Gāke Umwene ikuswĩla, Umwene
ikupa ukulondĩgwa kwĩtu kulikosa,
O, ukwene kunyafu ukulya na Yeso bwila!

¹⁵⁷ Uko ko kutalusya. Ena, nkulumba. Umwene ali nakyo Ikyene. I Kipanga kilinakyo Ikyene, i Kipanga kya Kyāla gwabũmi, uyu ayengĩle mosa mwa nnyambala umbelelesye uyu, isya bumanyi bwa Kristi. Lilino, lilino ugwe kufimbilisĩgwa ukuya nu lwĩfimbilisyo.

¹⁵⁸ Une njobile pala, ikindu icyākwānda umwe mumenye, alipo yumo uyu ĩganĩle ukunungisya ulumũsi. Umwene akaya mwimi mma. Umwene alinalo ulumũsi. Bo umwene akāli ukupa ulumũsi, umwene ikufimbilisigwa ukuya nalo ulwene.

Bo umwene akāli ukupa panja ulūki, umwene ikufimbilisigwa ukuya nalo ulwene. Bo umwene akāli ukupa ubumogi, umwene ikufimbilisigwa ukuya nabo ubwene.

¹⁵⁹ Bo ugwe ukāli ukupa ulwifimbilisyo, ugwe kufimbilisigwa ukuya nalo ulwene. Polelo, ongēléla ku lwitiko lwāko, ulwifimbilisyo. Amen. Mukupilikisya? Uswe tubagile ukusyala pa iki akabalilo akatali, lōli akabalilo kītu kakubopaga ukufuma kwa uswe. Ukōngelēla ulwifimbilisyo ku lwitiko lwāko. Lilino, ikyākwānda lo lwitiko, polelo ulwifimbilisyo.

¹⁶⁰ Kangi polelo, ikyābutātu, ugwe kōngelēla ubumanyi. Ubumanyi, lilino, ikyo kitikusanusya ubumanyi bwa nkisu, kabuno ikyo kyo butoyofu kwa Kyāla; lōlo ubumanyi ukulōnga, ululōnga (fiki?) ubutalusyi nu busobi. Ngimba ugwe kulongaga bulebule ikyene, polelo, linga ulinabo ubumanyi bwa Kikristi nu lwifimbilisyo lwāko nu lwītu? Ugwe kulōnga kali i Lisyu lyo litalusyi pamo lisobi. Kangi linga ugwe ubagile ukubika palubafu ifimanyisyo fyinu fyōsa, kangi ni kwilamwa kwinu kōsa, kilikyosa iki ugwe kwiyobebe ukuti ugwe ubōmbīle, polelo ugwe uli nu bumanyi ukwitika ukuti Kyala abagila ukusyoba. “Unko ilisyu lya nnyamba aligwesa liyege bisyobi, lōli i Lyāngu liyege lyabwanaloli.” Muketile? Lilino ugwe kukaba ubumanyi. Ubo bo bumanyi ubwapamwanya. Ugwe utikufimbilisigwa ukuya namadigiri mana mu koleji yimo, pamo ikindukimo bo ikyo, ukuya nalo ulwene, panongwa yakuti ifimbilisyo syosa isi sikupigwa na Kyāla, ukubika pa lwālo lwa lwitiko lyāko, ukuti ugwe ubagile ukwisa ubupime ubwakufikapo ubwa nnyambala ugwanaloliloli, ugwabūmi ugwa Kyala. Ena, nkulumba.

¹⁶¹ Ongēléla, ongēléla ubumanyi, panongwa yakuti, ubumanyi bwa Lisyu lya Kyala. Ugwe kufimbilisigwa ukwitika ikyene mu njila iyi. Tutigi, ugwe kufimbilisigwa ukwitika umwisyugu ukuti i... nukwitikisya ikyene, ukuti amasiku ga fiswigo gakakinda mma. Ubumanyi ukuti iki Kyāla āyobīle, Kyāla abagile ukubomba.

¹⁶² Abraham ālitike ikyo. Kangi akabalilo kāko umwene āli ni fyinja mia yumo mbukusi, umwene akapepelwikémo siku ku lufingo lwa Kyāla ukwisila mu kwilamwa. Kēta mumo i Lisyu lila lyabonekaga lyakusekesya. Apa alipo u nnyambala, nkusi ifyinja mia yumo, ikulondalonda u mwāna ukupāpigwa nkāya kāke, ukwisila mu nkikulu unkusi ifyinja malongo-mahano-na-mana. Muketile? Kifuki ifyinja malongo mahano balekile ukupāpa, itugesye nu mwene ukufuma pāpo umwene āli u— u ndindwana u nkeke, pamo ifyinja fya kalongo. Kangi apa umwene ali, ulusoko lwa bumi lufwīle. Kangi imbapo ya Sarah yāfwīle. Kangi syosa isūbīlo syākindīle, mūmo isyene syāyilīle isūbīlo. Loli, pōpe, ukulwana nu lusūbīlo, umwene alinkwitika mu lusūbīlo, panongwa yakuti umwene āli nu bumanyi ukuti Kyāla ābagile ukukyunga kilikyosa iki Umwene āfingile.

¹⁶³ Lilino, akabalilo kâko ugwe ulinakyo ikyene bo ulo, polelo ongêlêla ikyo ku lwîtiko lwâko. Akabalilo kâko ugwe ulinalo ulwîfimbilisyo ulwanaloli, ongêlêla ulwene ku lwîtiko lwâko. Akabalilo kâko ugwe ubagîle ukwenda panja apa palukindi, ukwitugasya ngati Nkristi, ukubombela ngati Nkristi, ukuya Nkristi, ongêlêla ikyo ku lwîtiko lwâko. Akabalilo kâko ugwe ulinabo ubumanyi . . .

¹⁶⁴ Ugwe kuyoba, “Ena, une ngamanya lilino kali i Lisimbo *ili* lyo itolo litalusyi. Lilino apa yo Imbombo 2:38, une ngamanya mûmo kubukilaga ni kyne nu Imbombo 28:19, une ngamanya.” Umma ndaga. Ugwe komma—komma ukongêlêla nakimo, ’nongwa yakuti ugwe ukâli ukuyakyo Ikyene. Muketile? Ngimba ugwe kubombaga fiki? Panongwa yakuti, ugwe ukâli ukaya nabo ubumanyi ubwakufwana ukumanya isya Kyala, tasi, ukuti i Bângêli litikukanikana Lyene mma. Kileka kyene ikyene. Komma ukuyoba kangî ikya ikyene. Muketile? Kileka kyene ikyene.

¹⁶⁵ Loli akabalilo kâko ugwe ubagîle ukukêta ukuti i Lisimbo litikukanikana, ukuti ugwe ubagîle ukuyoba ikyo; kangî ubagîle ukukêta, ukwisila mu busetuli bwa Kyâla, i Lisyu lyôsa lisimbigwe mbufîse, kangî ubumanyi bwa Kyala bwene bo bubagile ikusetulaga kwa Ikyene; polelo akabalilo kâko ugwe kukaba kangî kuyoba, kumalikisya i Lisyi lya Kyâla lilikyosa na “ameni,” polelo ongêlêla ikyo ku lwîtiko lwâko.

¹⁶⁶ O, ugwe gwandîle ukwisa ukuya kifuki mundu unnunu akabalilo aka. Muketile? Ugwe kwisa, muketile. Ni fiki? Nu lwîtiko, polelo nu lwîfimbilisyo, polelo nu bumanyi. Kêta mûmo ikyene kikuyenga u mundu uyu? Ugwe ubagîle ukukêta yikayapo nayimo—nayimo injila ya kubopâko ku kyêne. Iyi yo njila iyakukwisa ukuya mu ubupîme ubwisusigwe ubwa Kristi. Ena, nkulumba.

¹⁶⁷ Ukulônga, ukulônga nubutalusye. Ukulonga kali ikyene kitalusye pamo kisobi, ukwitika i Lisyu lya Kyâla. Ukulonga kala ikyene kitalusye pamo kisobi, kali une ngufimbilisigwa ukubombela ikimanyisyo pamo ukumbombela Kyâla. Ukulonga kali ikyene kitalusye pamo kisobi, une ngufimbilisigwa ukupâpigwa kâbubili pamo ukwingila i kipanga. Apo ugwe gwandile. Lônga nubutalusye, akabalilo kâko undumbilili ikuyoba, “Amasiku ga fiswîgo fikindîle.” Ili Bângêli lyâyobîle, “Yeso Kristi yo yuyo mmayolo, umwisyugu, na bwilanabwila.” Lilino ngimba ugwe kwitikaga kiliku?

¹⁶⁸ Akabalilo kâko ugwe kuyoba, “Une ngwegâga Kyâla.” Lilino, ugwe utikuyoba ikyo kukuyoba itolo, “Ena, une—une ngwêga ikyene,” itolo ukufuma mu ndumbula yâko. Loli, ikindikimo mwa ugwe, u lwîtiko lwâko lukugutila panja pala. Mwaketa lino umwe. U lwîtiko lwâko lukuyoba, “Une mmenye Umwene yo yûyo. Amenî. Une nunketile Umwene yulayula.

Kikayapo nakimo iki kibagile ukwēga ikyene ukufuma kwa une. Une mmenye Umwene yo gwanaloliloli.” Ameni. Polelo ongēléla ikyo ku lwitiko lwāko. Ala ikyene pa lwālo. Ukwisa mmwanya lilino, ukwisa itolo nkyeni pamwanya ukubuka kubwa ku Kitangalala. Fikile ku buyo lilino. Umma ndaga.

¹⁶⁹ Lilino, ikindu ikikonge, undumbilili isakukubulāga ugwe, kangi abāndu bingi bikuyoba, “I...Ifindu ifi fifyo umwe mukubala mwi Bāngéli, ifyene fyāli fya lisiku ilingi. Lilino, une ngukubulaga ugwe nongwa ya fiki. Panongwa yakuti, uswe tutikulonda ifindu fila umwisyugu. Uswe tutikulonda ikyene. Uketile? Uswe tulingabombaga. Uswe tutikufimbilisigwa ukubombela imbombo ifindu fila, ububumbuluso Bwakyala. Uswe tutikubombelamo ukuyobela mu ndimi, mu kipanga, uku—uku kyunga ikipanga mbugolosye. Kangi uswe tutikubomba *iki*.”

¹⁷⁰ Uswe tukwisaga kuli ikyo. Une ndinalyo i Lisimbo nsimbile pási pabwa apa ilya ikyo, muketile, kali uswe tubagile ukubomba ikyene tasi nalinga, lilino.

¹⁷¹ Loli apa umwene ātīle, “Une ngamanya. Uswe tutikufimbilisigwa ukubomba ikyo umwisyugu. Ikindu kyene une ngwinogona uswe tukufimbilisigwa ukubomba, uswe tukufimbilisigwa ukuyoba kanunu pankyeni pa kilundilo. Uswe tukufimbilisigwa ukubuka nukummwitikisya unfundaminogono ukugela aminogono gitu, ukukéta linga uswe tubagile ukwitwala twibene, linga i IQ yitu yili mmwanya ukufwana ukubomba ikyene, kangi—kangi fyosa bo ifyo. Une ngwinogona...Kangi uswe tukukola ikilundilo ikulumba ukukinda fyōsa. Uswe tukuyenga ikipanganio kiyitu.”

¹⁷² Uswe tutikuyenga ikipanganio mma. Une ngaya apa ulubunju ulu ukuyenga ikipanganio. Kristi akālindumilemo une siku ukuyenga ikipanganio. Kristi ālindumīle une ukuyenda abandu pamwene-pamwene ukuya ku bupime bwa Yeso Kristi, ukuti abene babagile ukuya nyumba-ya-maka kangi ubuyo bwakwitugasya bwa Mbepo, ukwisila mu Lisyu Lyāke. Ukwisila mu Lisyu Lyāke, muketile, ukuyenga abandu pamwene-pamwene ku buyo bula. Komma ukuyenga ikipanganio ku kipanga-kipāgūke ikikulumba, loli ukuyenda umundu-pamwene ukuya bānabalumiana na bānabalindwana ba Kyāla. Iyo yo fundo. Muketile? Ongēléla ku lwitiko lwāko, ulwifimbilisyo; ku lwifimbilisyo, ongēléla ubumanyi. Ena, lilino ugwe kwisa ku buyo bula.

¹⁷³ Lilino akabalilo kāko abene bikwanda ukuyoba, “Ena, uswe tutikifimbilisigwa ukwitikisya ikyo umwisyugu...” Ugwe kufimbilisigwa ukubomba. Ikyene kikufimbilisigwa ukuya.

¹⁷⁴ I Lisimbo likabagile ukusyoba. “Kangi Agene gakaya ga bulingānie bwapagwimwéne,” i Bāngéli lyāyobīle. Ugwe kulitika itolo Ilyene mu njila Ilyene lisimbile Pala. Muketile?

Ugwe kufimbilisígwa ukuya ni findu ifi. Kangi i njila yene iyi ugwe kwisakuyamo siku nafyo ifyene, ko kuya nu bumanyi bupāpigwa-Kumwanya. Kangi ubumanyi ubupāpigwa-Kumwanya bwisakusisimikisya i Lisyu. Muketile?

¹⁷⁵ Ugwe kufimbilisigwa ukwitika, komma ukwipel'ukwitika ikylene. Nafima fya ifi fyo kwipel'ukwitika, muketile, linga ugwe kugela ukuyoba, "Une ndinakyo ikylene." Komma ukuya njuni inditu yikubika amayoya ga ngukundemo mwa gwimwene, muketile, 'nongwa yakuti agene gisakugwila palapala panja. Agene gakakula nikipeligwa mula mma. Agene gamatikigwemo itolo mula.

¹⁷⁶ Une ngwinogona isya kũko Davidi āyobíle pala, Masalimo 1, "Umwene isakuyaga bo mpiki ugu gubyāligwe kifuki ni fisoko fya misi." Umwe mumenye, kulipo ukukindana ukufuma ukuya kibyāligwe nu kubikigwamo mosa, ukumatikigwamo. Bo go mpiki gwa nsyunguti gwaiyolo, ugwe gubyāligwe, ugu gukwiluka pási kangi gukwikolekela kanunu. Akapiki akanini kikwimatika nkati mula, ugwe ukamanya iki kikubonekaga ku kēne. Kakaya ni misisi nagimo. Akene kakaya nu lwālo. Muketile?

¹⁷⁷ Ikyo kyo bo bandu bamo bikwisa ukufuma ku sukulu ya bunyakyala pamo ikindukimo, muketile. Bakaya nakyo. . . "Ena, Dokotala *Gwakuti-na-gwakuti* ālimbakile une mbutumigwe." Kitikupela ukukindana kulikosa iki ikyo kyāli.

¹⁷⁸ Krisiti akupāpisye ugwe mu kyene, muketile, muketile, nu lwitikip lwāko. Muketile? Ugwe umelile-kangi kangi upāpigwe mu kyene. Kangi polelo ukufuma pakupāpigwa mu kyene, ifi fyo findu ifi umwene ikugūlila ugwe ukongēléla. Itolo umilisyaga ukongēléla. Lilino uswe tukubukaga mulamula pási pa lukindi.

¹⁷⁹ Lilino pisakuyangapo ikindu ikingi pamwanya pa bumanyi, uswe tubagile ukuyobapo, ubumanyi bwabunyakyala. Muketile? "Ngimba i Bāngeli mu lisiku ili litagile ukusanusya Kwāke?" Muketile, abene, abandu bingi bikukubūla ugwe ikyo, ukuti i Bāngeli likusanusya katikati ikyo mma. Linga Kyāla ikukētésya pa une, nukumfunda une pa butulwanongwa bwāngwa, kangi linga une ne mwanundumiana gwa Kyala, Umwene ikubomba ikyo. Umwene ikukubombela ugwe injila iyo, abānabalumiana na [Ubuyo ubusitakandu pa tepi—Nsimbi.] abānabalindwana. Akabalilo kāko ugwe kubomba kalikosa akasobi, Umwene ikukufunda ugwe. Polelo linga Kyāla ikupasya-fiyo isya ugwe mpaka Umwene ikukētésya pa ugwe nukukufunda ugwe, bo bunyamupo buki Umwene abōmbíle i Lisyu Lyāke, iki kyo kyākwegeléla kyāko, iki yo Mwēne!

Pa bwandilo lyāliko i Lisyu, kangi i Lisyu lyāli na Kyala, kangi i Lisyu lyāli Kyala.

Kangi. . . lyālipelile mbili, nukwitugasya pakati pa uswe. . .

180 I Lisyu lyo busetuli bwa Yeso Kristi, i Bāngéli lyāyobīle lūlo, Kristi ikusetuligwa mu Lisyu Lyāke. Kangi linga Umwene akukētesīsyē pa ugwe akabalilo kāko ugwe gwākīlénie indagilo isi, Umwene ikukutobesya ugwe panongwa ya lwene, bo bunywamo nki Umwene akētesīsyē pa lulagilo Lwāke ulu lukutobesya ugwe! Amenī.

181 Kindililaga, ndumiana, komma ukumbula une ifindu fila!

182 Une ngwitika mu bumanyi ubwanalolili, ubwa Mbepo Mwikemo. U bumanyi bwa mwa Mbepo Mwikemo akabalilo kōsa bwisakumalisya i Lisyu na “amenī.” Akabalilo kāko ugwe kwega ifindu ifi fifyo fikufwana fikulwana fyene, mwi Bāngéli, ugwe utugasya pāsī nukulifunda ilyene, nubwīpūti bo ulo. Kangi ikindu kyākwānda umwe mumenye, u Mbepo Mwikemo ikwanda ukwingila mula. Linga kākindāpo akabalilo ugwe kukikēta ikyene kikulangana palikimo. Muketile? Ubo bo bumanyi.

183 Bamo mwa bene bikuyoba, “Ena, lilino, ili Bāngéli lyāyobīle ukuti Umwene yo yulayula mmayolo, umwisyugu na bwila.”

184 Kangi i kipanga kikuti, “Mminogonelo gamo, Umwene yo yulayula.” Huu-uu! Huu-uu! Umwe mubombile mubongotwīle ikipata, palapala pala. Muketile? Ena nkulumba. Umma, nkulumba. Umwene yo yulayula. Ena, nkulumba.

185 “Yeso Kristi yo yulayula mmayolo, umwisyugu, na bwilanabwila.” Kukayamo ukukindana mu Mwene, napanandi pōsa. Umwene mumi mu Kipanga Kyake, ikubomba ikindu kilakila. “Akabalilo kanandi,” mūmo une nāndisyaga akabalilo aka kakīndīlepo, “akabalilo kanandi kangi i kīsu kitikumbonaga Une kangi mma, loli umwe mwisakumbonaga Une.” Kabuno, Umwene alinkuti, “Une nguyaga na umwe, mope nkati mmyinu, ku bumalikisyo bwa kisu.” Kangi, Umwene ātile, “Imbombo isi Une ngubomba mwisakubombaga umwe nanumwe.” Kangi, Umwene ātile, “Une nguyaga Mpohola. Umwe mukuyaga sām̄ba.” Kangi i sām̄ba yikuya nu būmi itolo nu Būmi bwa Mpohola. Kilikyosa iki kili mu Mpohola kikwisa panja ukwisila mu sām̄ba. Lwimiko! Polelo, “Kristi yulayula mmwanyolo, umwisyugu, na bwilanabwila.” Ikyene kikutwala u Bumi bwa Ntwa Yeso Kristi. Amenī.

186 Ubumanyi; komma ubwankīsu (ubwene bukwinogonela). U lūko lulilosa ulwa bumanyi bwakīsu bukwinogonela. Muketile? Loli u lwītīko lukaya nako ukwinogonela. Kyāla ikusetula kwa ugwe ikindu *kyakuti-kyakuti* kikubonekaga, ugwasayansi aligwesa ugwa nkīsu abagīle ukukubula ugwe, “Ikyene kikindene. Ikyene kikābagīle ukuboneka.” Ugwe kwitika ikyene, mulimosa. Muketile? Ena, nkulumba. Ikyene kitikwinogonela mma. Ili Bāngéli lyātīle, “Uswe tukutaga pāsī ukwinogona.” Ugwe utikwinogona nu lwītīko. Lwītīko lukaya nako ukwinogona. U lwītīko lumenye pāpo ulwene lulipo. U lwītīko lukubomba. U lwītīko lukūmilīsyā. Ulwene

lukabagila ukugutigwa. Nakimo kibāgile ukulugūta ulwene. Une ndikupāsyā kilikyōsa iki kikuyoba *iki, kila, ikingi*. Ulwene lutikugutigwa, na panandi. Ulwene lukusyala pala, ukugūlila, ukugūlila, ukugūlila, ukugūlila. Kitikupela ukukindana kulikōsa. Ulwene lukusyala palapala pala.

¹⁸⁷ Kyala alinkumbulile Noa ifindu ifi fibonekege. Umwene ālitike ikylene. Muketile? Kyala alinkumbulile Mōse ifindu ifi fibonekege. Umwene ālitike ikylene. Kyāla ababūlile abafundigwa ifindu fimo fisakubonekaga, “Buka mmwanya mula pa Pentekosti kangu gūlila.” Abene bāsyēle palapala pala. Ena, nkulumba. Umma ndaga.

¹⁸⁸ Lilino, ubumanyi, lilino, komma ubumanyi bwankisu, loli u bumanyi Bwakumwanya. Kangi u bumanyi Bwakumwanya, akabalilo kāko Kyāla ali yo nyībūko ya bumanyi bōsa, kangi Kyāla yo Lisyu, polelo, linga ugwe uli nabo u bumanyi Bwakumwanya, ugwe kwitika i Lisyu, kangi ugwe kwinozona kalikosa ni Lisyu.

¹⁸⁹ Kangi i nongwa ya nsongo iyi yiyo i kipanga yifumilēmo ukuya, pamo une mfumilēmo ukuya. Yumo mwa banyambala akabalilo kamo, mbupilikisye ubunini ku bulongelō-nongwa, ālimbūlile une. Alinkuti, une ndinkuti... “Abene balinkutologwa ukukyaga nakimo ikisobi.” Kangi polelo abene balinkwanda uku... .

¹⁹⁰ Une ndinkuti, “Ena, polelo, linga kikayapo nakimo ikisobi, nongwa ya fiki umwe mutikusōkāpo pa nyuma yangu?” Muketile? Muketile? Kangi une ndinkukindilila, ukumbula umwene isya Masimbo gamo.

¹⁹¹ Umwene alinkuti, umwinitu unywamu unywamu ni ngambo nkiboko kyāko, umwene alinkuti, “Tata. Branham, une ne mfunda i Bāngéli.”

Une ndinkuti, “Une nhobwike ukupilika ikyo.”

¹⁹² Umwene alinkuti, “Lilino une ngulonda ukumanya ikinyikalilo iki, ugwe kuhombesya panongwa ya fifunga ifi ugwe kutuma panja, akanyikalilo akanini kala aka kwīputila pa tufunga nukutuma utwene panja, tula ‘utwenda utupakigwe,’ ugwe kutukōlēla utwene ‘akēnda.’” Umwene alinkuti, “Polelo ugwe kuhombesya panongwa ya tula.”

Une ndinkuti, “Umma, nkulumba. Kukayapo ukubomba ku kēne.”

Kangi umwene alinkuti, “Ena, pa kanyikalilo aka.”

¹⁹³ Une ndinkuti, “Ugwe kukikōlēla ikylene ikinyikalilo, nkulumba. Ugwe umbūlile amaminiti manandi aga gakindile ugwe gwa mfunda-li-Bāngéli.”

Umwene alinkuti, “Une yone.”

194 Une ndinkuti, “Andisya kwa une Imbombo 19:11.” Ubumanyi! Umwene alinkwikolania mwene mulamula mu kyene, alinkugela ukusanusya inongwa. Une ndinkuti, “Polelo andisya kwa une Yohani 5:14.” Alinkutologwa ukubomba ikyene. Une ndinkuti, “Polelo Yakōbo 5:14.” Umwene alinkutologwa ukubomba ikyene. Une ndinkuti, “Ngimba ugwe ummenye Yohani 3:16?” Muketile? Ubumanyi, bakomu, bankīsu! Loli akabalilo kāko . . .

195 Umwene alinkuti, “Loli, Tata. Branham, ugwe kugela ukulonga i nongwa ukwisila mwi Bāngéli. Uswe tukulonga iyene ukwisila mu ndagilo isya kīsu.”

196 Une ndinkuti, “Nkulumba, ngimba indagilo sya kīsu sikālīgwa pi Bāngéli? Polelo ubwene bo bugolofu.” Ameni! Naloli.

197 Ubumanyi; komma ubwankīsu. Ubumanyi bwamwambepo ubwa Lisyu, ukumanya iki Kyāla āyobīle, ukubomba iki Kyāla āyobīle, uko ko kutalusya. Polelo linga ugwe ukyāgīle ikyo kangi ubagīle ukwitika ifindu fyōsa ifi, ukuti Umwene yo yulayula, kangi ifindu fyōsa ifi i Lisyu likuyoba fyo fyābwanaloli, ugwe kumalikisya lililyosa na “ameni.” Ikyene kili kanunu. Ongēléla ikyo ku lwītīko lwāko. Uko ko kutalusya. Ena.

198 Linga umundu yumo ikugela ukukubūla ugwe, ukuti, “Ili Bāngéli litāgīle amaka gāke. Kikayapo ni kindi kimo bo lōsyo lwa Mbepo Mwikemo.” Huu-uu. Komma ukōngelēla ikyo. Ikyene kitisa ukubōmba. Ikyene kikugwāga pāsi. Ukuya bo kubīka umfu pa libwe, ugwe gutisakwima mma. Ugwe gwisakubuguyuka.

199 Polelo abāndu bikukubūla ugwe, “Ili Bāngéli likabagīla ukusūbilīgwa umwisyugu. Ugwe gwandegē lilino. Komma ukubūka ukwitika ikyo. Ilyene likabagīla ukusū- . . .” Umwe mupilike ikyo akabalilo kosa. Ukuyoba ukunini, “Ugwe ukabagīla ukusūbīla i Bāngéli.” Ena, linga—linga ugwe ulinakyo ikyo mminogono gāko, ugwe unga—ungagelāga ukōngelēla ikyene, ’nongwa yakuti ikyene kitisakubomba mma. Ubuyengo bosa bwisakugwila pāsi palapala pala.

200 Umwene ikufimbilisigwa ukumātīgwa nu Mbepo Mwikemo. Une ngusanusya ukumatigwa palikimo, umfu ugu gukumyatika ikyene. Kangi ikindu kilakila iki kikumyatika ikyene . . . Umwe mumenye injila . . .

201 Umpila unsīndilīgwe bwila gukuya nkafu fiyopo ukukinda itolo nu someka gwakigamba. Ukulungula kunini kukwisa pa someka gwaiyolo pa litayala, ikindu kyākwānda umwe mumenye, kikupela itayala lila ukuya lilungule panandi, ukubopa nakalinga panini, kangi ikyene kikwengeluka nukugwa. Ena, nkulumba. Muketile?

202 Kangi ikyo kyo iki kitamisye na bandu bingi umwisyugu. Abene bikugela ukumatika ubumanyi bwabo pa bumanyi bwankisu, nakampulya akanini akaiyolo akankisu, kangi, akabalilo kâko ingelo sikwisa, “Ena, lumu une nâli nsobi.” Muketile? Kangi umuyi gukubuka, ugwe gôkile mu maminiti manini. Kôsa ukuywega kwâko nukunyele-nyela kukâkubombile ugwe na kanunu nakamo. Abându bikukubona ugwe ugomokile mulamula mu nkitubwi kilakila kangi. Muketile? Uko ko kotalusya.

203 Loli linga ugwe kusyala pala nu bulungule ubwakufwana ubwa Mbepo Mwikemo, mpaka ubwene bukukupela ugwe nu mpila ukuya yumoywene. Apo po loli. Ugwe nu mpila ukuya yumo. Akabalilo kâko ugwe kusyala pala mpaka ugwe nu lufingo lulilosa ulwa Kyala mukuya yumo, polelo ongêlêla ikyo ku lwitiko lwâko. Linga ugwe utikuya, komma ukôngelêla ikylene na panandi.

Ugwe kuyoba, “I Lisyu likabagile ukusubiligwa.” Komma ukôngelêla ikyo.

204 Ugwe kuyoba, “Ifingo nkati muno, isya lôsyo lwa Mbepo Mwikemo, syâtendekeligwe ku batumigwa kalongo na babili,” mûmo ifinpanga fimo fikuyobela umwisyugu, komma ukôngelêla ikyo. Apo po ulwâlo lwâbo luli, lôsa lubongotwike. Muketile? Bo yu Uzzia âli, nkilo, bo umwene alubwene u lwâlo lwa nnyambala uyu yûyo umwene ânsubilâga, lôsa lulinkubongotoka, ukutikigwa nu bukoma, ikylene kikâli kinunu mma. Lilino, “Fya bene abatumigwa kalongo na babili, bene babatumigwa kalongo na babili.”

205 Une nâli pâsi kwa Nkundwe Wright. . . Une ngwinogona abene bali kunyuma pa buyo bumo. Ikilo kimo, aliko undumbilili pâsi kula, une nâyobaga, bana pamo bahano abalumbilili palikimo. Undumbilili uyu alinkusumuka nukuti, “Lilino, une ngulonda ukubabûla umwe mwe bandu bapala ikindukimo. O, une ngwinogona umwe mwe bandu banunu.”

206 Une ndinkuti, une nâlimbûlile yumo, une ndinkuti, “Yula yo—yula yo yumo itugêsyé pala. Kêtésya.”

207 Polelo, Junior Jackson, kunyuma kula, âmalisisye itolo ukuyoba. Kangi umwene alinkuti. . . alumbililâga pa ipyana lya Kyâla. O, mwe!

208 Umwene âpyaga mosa, ikugûlila. Umwene alinkufika pa mwanya pala kangi umwene âgelâga ukupilikisya. “Lilino, une ngulonda ukuyoba ukuti u Tata. Branhamo apa, une ngubabûla umwe, yo ndwana-na-kristi.” Kangi umwene alinkwanda itolo bo ulo, ikilo kyôsa.

209 Bamo ba balumbilili balinkwanda. . . Une ndikuti, “Gûlila i miniti. Lilino, komma ukuyoba nakimo, bakundwa. Alipo yumoywene ugwe mwene kangi ikipambo kya uswe.” Une

ndinkuti, “Ndeke itolo umwene mwene. Umwene alinkunsala une.” Une nãlondága ikylene, nimwene, nububibi fiyo, une ngãmenye ikyãkubómba. Muketile?

²¹⁰ Polelo, umwene alinkuti, “Tata. Branham yo ndwana-na-kristi,” kangi umwene ákindilíle ukuyoba kila kilikyosa, umwe mumenye, kifuki. . . Umwene alinkuti, “Umwene áyobíle pala, ‘U lósyo lwa Mbepo Mwikemo.’” Alinkuti, “Ili Bãngéli lyáyobíle bãlipo kalongo-na-babili bene aba bãli nu lósyo lwa Mbepo Mwikemo.” Ukuyoba isya bubumbulisyo Bwakyala, “Bene babatumigwa kalongo-na-babili bãli nu kubumbulisa Kwãkyala.” Umwene alinkuti, “Uswe tukuyoba pãpo i Bãngéli likuyoba, nukuya kimyeme pãpo i Bãngéli likuya kimyeme.” Une ndinkugúlíla mpaka umwene álatíle pala ukufwana sinda gwa sala.

²¹¹ Une ndinkuti, “Gúlíla ku mininiti itolo. Une nsímBILE fingi fiyo apa,” une ndinkuti, “mbapo ulusako ukwamula.” Kangi bo une nsumwike, une nãtíle, “U nkulumba, umwene áyobíle ukuti umwene ‘áyobága pãpo i Bãngéle lyáyobíle,’ ikipanga kyabombíle, ‘kangi ukuya kimyeme pãpo Ilyene lyãli kimyeme.’ Umwe mwesa mwe baketi. ‘Ena.’” Une ndinkuti, “Lilino, umwene átíle, ‘Balipo bene kalongo-na-babili bãlyãmbilíle u Mbepo Mwikemo.’ Ili Bãngéli lyangu lyáyobíle bãlipo mia yumo na malongo mabili, ikwambilíla kwakwanda.” Ameni! Ukusópa ubumanyi bwa luko lula panja, umwe muketile, ubu umwene ágelága.

²¹² Une ndinkuti, “Polelo une ngusakikisya Pauli akãlyambilíle u Mbepo Mwikemo bo umwene áyobíle umwene ábombíle.” Muketile?

²¹³ Une ndinkuti, “Kula ku. . . Akabalilo kako Filipu ábukíle nukulumbilíla ku baSamaria. Abene bãlyosigwe mu Ngamu ya Yeso. Kukuti, u Mbepo Mwikemo akãlisíle pa bene. Kangi abene balinkumbilikila nukuya na Peter na Yohani, ukwisa kula nukwãla amaboko pa bene, kangi Mbepo Mwikemo ikwisa pa bene. Une ngusakikisya bala bãli itolo kalongo-na-babili?”

²¹⁴ Une ndinkuti, “Mu Imbombo 10:49, bo Peteri ali pa buyeleke bwa nyumba, nukuyibona imboniboni abene kibukũka kwa Cornelio. Bo Peteri ikiyoba amasyu aga, u Mbepo Mwikemo alinkugwa pa bene aba bãpilikága i Lisyu.” Une ndinkuti, “Ili Bãngéli likãli likuyoba. Kili kũgu ikipanga kyãko?” Ikyene kili kunyuma kwa ba twabagíle-ukuya. Uko ko kutalusya. Muketile?

²¹⁵ Une ndinkuti, “Ububumbulusyo Bwakyala, ugwe utile, ‘Bene abatumigwa kalongo-na-babili bãli nu bubumbulusyo Bwãkyala.’ Ili Bãngéli lyáyobíle ukuti Stefani ábukíle kũsi ku Samaria nukusósyã panja abóhési nukupolesya ababine, kangi lwãlípó ulusekelo ulukulumba nkaya kala. Kangi umwene akãli yumo gwa kalongo-na-babili bala. Umwene akãli ntumigwa. Umwene áli diakoni.” Ameni. Ameni.

216 Une ndinkuti, “Kangi Pauli akāli yumo mwa kalongo-nababili bala aba bāli nkyumba kya pamwanya, kangi umwene āli ni kyābúpi kya bubumbulusyo.”

217 Une ndinkuti, “Keta itolo ku kyābúpi kya bubumbulusyo! Kangi ukusuluka nkyeni, ifyinja malongo matatu pankyeni, umwene ākālī āli mu Bakorinti, ukupaka i kikukūngilwa kya bubumbulusyo mu Mbili gwa Kristi.” O, mwe!

218 Lilino, u luko lula ulwa bumanyi ulu ugwe kumanyila ukufuma kwa būku yumo, ugwe kinunupo sōpa icyene panja kubutagilo. Isaga ku bumanyi ubu. Bo Kyāla ātile, “Umwene yo yuyo mmayolo, umwisyugu, na bwilanabwila,” yoba, “Ameni.” Ena, nkulumba. Ena, nkulumba. Komma ku kalongo-na-babili; icyene kya bōsa. Akabalilo kāko ugwe kwāga u luko lula ulwa—ulwa lwītiko, bo u lwītiko lwako lukumalikisya icyene, akayabo kōsa, na “ameni,” polelo ugwe kuyoba, “Popapo,” untwa aliongelelaga ikyo ku kyene.

219 Ikyabuna. Uswe tukufimbilisigwa ukubopa, panongwa une itolo. . .Ukwene kukupilikigwa kununu fiyo ukwima apa nukuyoba isya icyene. Ameni. [Unkundwe ikuyoba, “Uswe tukwikyela icyene.”—Nsimbi.] Ena. Ikyabuna. . . Ndaga ugwe.

220 Ongēléla “ubufisalyoyo.” O, mwe! Uswe twisile ku bufisalyoyo. Lilino, ugwe gwāli nu lwītiko, icyākwānda; ukufimbilisigwa ukuya na ikyo, ukwanda itolo. Polelo ugwe kongelelako ulwifimbiliso ku lwītiko lwāko, linga ulwene luko ulutalusye ulwa lwifimbiliso. Polelo ugwe ongēléla ubumanyi, linga ulwene lo luko ulutalusye ulwa bumanyi. Lilino ugwe kubukaga ukongelēla ubufisalyoyo.

221 Ubufisalyoyo kikusanusya, “leka ukunwa ubwālwa,” apa, pópe. Umma, umma. Ubufisalyoyo butikusanusya ukupola ku bwakinwelwa, komma mu nongwa iyi. Ubu bo bufisalyoyo bwa i Bangeli, bufisalyoyo bwa Mbepo Mwikemo. Ikyo kyo itolo kimo mwa finyonywo fya mbili, lōli uswe tukuyoba isya bufisalyoyo bwa Mbepo Mwikemo. Ikyo kikusanusya, akafugilo ka lulimi, komma ukuya njobiyobi; akafugilo ka lyōyo, komma ukufyuka akabalilo kosa aligwesa ikuyoba ukukukalalisya ugwe. O, mwe!

222 Ndumiana, twe bingi ba uswe tukugwila ku lubafu bo uswe tukāli nukwanda, bule uswe? Muketile? Polelo uswe tukuswiga nongwa ya fiki Kyāla akaya Nkipanga Kyāke, ikubomba ifika ni findu ifi abene bālisibīle ukubomba. Ena, nkulumba. Muketile?

223 Ongelelāpo ifindu ifi. Ongelelāpo ubufugalyōyo ku kyene. O, bufugalyōyo, akāmulilo nkīsa bo ubugāsi buyobigwe kwa ugwe. Yumo ikuyoba, “Umwe mwe kipambo kya bikemobabunguluka pasi pala!” Komma ukunyela panja nukwanda ukufunga amaboko ga syati lilino. Muketile? Komma ikyo. Loli yoba nu lugano lwa bunyakyala, ubufugalyōlo, ikīsa. Ngimba iyi yo njila iyi ugwe kulonda ukuya? Akabalilo ugwe

uhelulígwe, komma ukuhelula ukugomokesya. Unko Umwene ayege kyakwegelela kyâko.

224 Bo abene balinkuti, “Linga Ugwe gwe Mwanundumiana gwa Kyala, sanusya amabwe aga ukuya nkati,” Umwene abagíle ukubomba ikyene, nukunangisya Umwene âli Kyâla. Lôli Umwene âli nu bufugalyôyo. Akabalilo kako abene balinkunkolela Umwene, “Bezebabu,” Umwene alinkuti, “Une ngukuyatilaga ugwe.” Ikyo kitalusye? Abene balinkukwaba ifisusya-maboko ifya ndefu ukufuma ku kisyo Kyâke, nukufunya mu kisyo Kyâke, nukuti, “Ika pa kipinga!”

225 Umwene alinkuti, “Tâta, baswaga abene. Abene bakamanya na isi abene bikubomba.”

226 Bo, Umwene âli ni kyâbúpi, Umwene âmenye i findu fyôsa, kabuno mwa Umwene mwâli ubwisusye bwa Bwâkyala mu mbili. Abene bâlimbwene Umwene ikubomba ifika, ukwisila mukubabûla abandu iki kyâtamisye na bene, na fyosa bo ifyo. Abene balinkubika ikifunga ukusyungutila untu Gwâke bo ulo, ukusyungutila amaso Gâke, nukuntika Umwen pantu na lutete, nukuti, “Lagula, tubula uswe ywani akutikíle Ugwe. Uswe tukukwitikaga Ugwe.” Muketile? Umwene âli nu bufugalyôyo.

227 Lilino, linga ugwe uli nakyo ikyene bo ulo, ongeléla ikyene ku lwítiko. Linga ugwe ukâli kupufuka kangí kuya gwamatingo, nukusefuka, nukukina, nukwipimba itolo, huu-uu, ugwe ukaya nakyo nakimo. . . Ugwe ukabagila ukongelela ikyo, ’nongwa yakuti ikyene kitisakongania. Muketile? Ikyene kitisakupiyigwa palikimo. Ugwe ukabagila ukwega akapatu ka mpila, umwe mumenye, nukupiyila palikimo na kapatu ka kisulu. Ikyene itolo kitisakubomba. Umma, ikyene kibagisenie ukuya kiteputepu, itolo bu gu mpila. Muketile? Kangi bo ulwítiko lwâko nu bufugalyôyo bwâko bukuya luko lumo lwa bufugalyôyo bwa Mbepo Mwikemo uyu Umwene âlinagwe, polelo ikyene kikupiyigwaga palikimo nu Mwene. Ugwe gongelelígwe ku kyene.

Bo ulwífimbilísyo lwâko luli bo lwífimbilísyo Lwâke, polelo ikyene kisakongelâga ku kyene.

228 Bo ubumanyi buli bo bubumanyi Bwâke, “Une ngwisa ku bwígane Bwâko, O Kyala.” Muketile? Ni Lisyu lya Tâta, Umwene âponjwíle umôhési aligwesa. Ku Mwanya na pási fisakumalika, loli i Lisyu litisa. Muketile? Bo ugwe kukaba u luko lwa bumanyi lula, ulwene lukufuluganiaga nu lwítiko lwako.

229 Bo ugwe kukaba u luko ulutalusye lwa bufugalyôyo, mûmo Umwene âlinalo, ulwene lwisa kufuluganiaga. Linga ugwe ukaya, itolo untendeke-nabandu mwâsinda, ulwitiko ulutendekegwe, pamo ulwífimbilísyo, “O, une nâlondigwâga nuntikemo na mapi, loli—loli, lumo une kinunupo ndeke, ’nongwa yakuti abene babagíle ukubika i ngamu yangu nkikalatasi isya iyene.” Ulo lo lukaya luko ulutalusye ulwa

bufugalyōyo Umwene ikuyobelapo. Komma ukugela ukongelēla ikyo. Ikyene kitisakubomba. Loli bo ugwe ubagile naloli, nu bunyafu ukufuma mu ndumbula yāko, ukuswa u mundu aligwesa, ukukyunga ulutengano lwāko, unko ulwene lubūke, ketile, polelo ikyene kisakufulugania. Ugwe ubagile ukongelēla ikyo ku lwītiko lwāko. Whuu!

²³⁰ Kisita kuswiga ikipanga kisabwīke. Ngimba uko kotalusya? Kisita kuswiga. Une nduyobaga, “Pinduka kangu ya mōsigwe, i Bāngéli lyāyobile, mu Ngamu ya Yeso Kristi.” Kangu umumilisi gwa Butatu atikwitika ikyo, ikuti, “Undwana-nakristi ugwaiyolo. Umwene yo Ngamu ya Yeso. Umwene yo Yeso Mwene.” Kēta panja, ndumiana, une ngamanya isya bufugalyōyo bwāko papapa apa. Muketile? Nongwa ya fiki ugwe utikwisa, kuyoba, “Unko twinogone iki palikimo, Nkundwe Branham. Une ngulonda ukupilika Ikyene kikulinganisigwa”? Muketile? Polelo suluka nukupilika ku Kyene. Kangu polelo Ikyene kikubikigwa itolo pankyene pa ugwe, kangu ugwe kubopa; uswe tuku—uswe tukufikaga ku ikyo itolo mu miniti, mu “bunyakyala,” muketile. Loli bo ugwe—bo ugwe kukalala mōsa, kulonda ukunyelēla ku bumalikisyo bwa nongwa, huu-uu, ikyo kyo—ikyo kikaya ikyene. Muketile? Ugwe ukāli akayanabo bufugalyōyo lwa li Bāngéli bo ugwe kubomba ikyo; akāmulilo ukugomokesya. Polelo linga ugwe ukubagile fyōsa ifi, ugwe ubagile ukongelēla iki ku lwītiko lwāko.

²³¹ Polelo, ukufuma apo, ikyabuna, ugwe kulonda ukongelēla ubufindang’oma ku lwītiko lwāko. Linga ugwe ukabīle u lwītiko, “ulwene lukubomba ubufindang’omba,” i Bāngéli lyāyobīle. Muketile? Polelo, *iki* bo bufindang’oma. Lilino, ikindu ikikōnge kikwisakuyenga ubupime ubu. Umwe mumenye, Kyala alinafyo ifindu fyanaloli mu Buyengo Bwāke.

²³² Keta mūmo uswe tukafwana, nkundwe, kalumbu? Muketile? Kēta i nongwa, tuli kūgu uswe? Ena, nkulumba. Muketile? Uswe tulinalo u lwīmīko, ukuya nukuywega ni findu, panongwa yakuti tuli nu lwītiko. Loli bo uswe tukusuluka ku findu ifi *apa*, Kyāla akābagīla ukuyenga uswe mbupime bula. Muketile? Umwene akabagīla. Umwene akabagīla ukututendeka itolo mu luko lwa buyo bula. Uswe tulinafyo ifindu fyōsa ifingi ifi. Uswe tukugwa, ukutelemuka panja ni kyene. Muketile? Umwene akabagīla ukuyenga i Kipanga Kyāke.

²³³ Ubufindang’oma ni fiki? Lo luko luki ulwa bufindang’oma? Ikindu kyākwānda, ko yaga nu bufindang’oma na Kyala. Linga ugwe uli nu lwītiko ulwanoli, ulwapabwandilo, ugwe kwisakuya nu lutengāno ulwanaloli ulwapabwandilo, panongwa yakuti u lwitiko lukubomba ubufindang’oma. Akabalilo kako Kyala ikuyoba kalikosa, ugwe kwitika ikyene. Ikyo kyo kyosa. Ugwe ulinabo ubufindang’oma.

234 Ugwe kuyoba, “Ena, une nālinsumile Umwene nkilo ukumbumbulisa une, kangi une ndimbine lulalula ulubunju ulu.” O, mwe! Bufindang’oma buki?

235 Kyala ālimbūlile Abraham, kangi ifyinja malongo-mabili-na-fihano munkyene kikālipo ni kimanyilo na kimokyene. Umwene ākālī itikaga. Umwene āli mfindang’oma na Kyala. Aha-huu.

236 Mbika Umwene bwila pankyeni pa ugwe. Unko Umwene ayege kindu ikikonge ikyakukilania. Ugwe ukubagila ukunkilania Umwene, polelo itolo nkyungaga Umwene pa nkyene pa ugwe. “Umwene āyobile lulo, kangi ikyene kikubonekaga.” Muketile? Mbika Umwene pankyeni pa ugwe. Uko ko kutalusya.

237 Noa āli nu bufindang’oma. Ena. Noa āli nu bufindang’oma ubwanaloli, ubwabunyakyala. Kyāla āyobile, “Une nguyaga pakōnanga ikīsu ni fila,” kangi Noa ālumbilile fyinja mia yumo na malongo mabili, tāsī. Ubufindang’oma bubwingi. Nayimo ni ndungwa yāgwīle ukufuma ku Mwanya. Yikālīko nayimo. Itolo ukuya kwālufūmbi mūmo ukwene kwāyililēmo, ku fyinja mia yumo na malongo mabili, lōli umwene āli mfindang’oma.

Polelo, Kyala ikugela ubufindang’oma bwāko. Uko ko kutalusya. Kyāla ikubagēla abene.

238 Ukufuma pāpo ambūlēge Noa, lilino Umwene alinkuti, “Noa, une ngulonda ugwe ukukindilīla ukwingila mu ngalaba. Une ngubukaga ukufibopesya ifinyamana mula, kangi une—une ngulonda ugwe gwingile. Fyuka kula mmwanya, lilino, ukuti ugwe ulingaketaga panja, ilidirisha lyapamwanya. Lilino, une ngulonda ugwe ukwingila mula. Une ngulonda ugwe ukubābūla abandu aba, ‘Kilabo, iki une nālumbililāga ku fyinja mia yumo na malongo mabili, kikubonekaga pa buyo.’ Umma ndaga, ugwe suluka pala langi babula abene.”

239 Ngimba ikimanyilo kyākwānda kyāli fiki? Noa ālingile mu ngalaba. Yikālī fula mma. Noa ālitendekisye, nukufwāla ikijasi kyafula, na filifyosa, ukuti umwene aketege panja, apa na apo. Ālitendekisye. Loli ilisiku ilikonge. . .

240 Une ngusubīla umwene abagile ukuti ababulile abākāya, na balindwana-bako na bosa bene, ukuti, “O, mwe! Kilabo umwe mukukētāga ikindukimo umwe mukakētāmo siku. Panongwa yakuti, mosa mmwanya, ukwene kukuyaga kutītu. Kangu injasi ni kimwekumweku kikubonekaga pa buyo. Ubuganga ubunywamu ubwa Kyāla bukulepulāga ukukilania mmwanya. Umwene ikubatagaga ikipambo kwa bonangi iki kiky kitukānile uswe, ku finja ifi mia yumo na malongo mabili. Umwe itolo kētēsya kangi mukete.” Muketile?

241 Bamo ba abene bitiki-sinda, umwe mumenye, aba bāli kifuki kangi balinkusita kwingilamo mma mula, umwe mumenye.

Ugwe—ugwe ukāli ulinabo abene, ugwe umenye. Polelo abene—abene balinkwisa pala, balinkuti, “Ena, unnyambala unkāngāle lumo āli ntalusye, polelo uswe tubuke kula nukugūlīla amasiku manini, pamo ukugūlīla isala inandi ndubunju, nukukēta.”

²⁴² Kilabo kyāke, mbuyo bwa libingu ilitītu, apa pikwisa ilisuba likufyuka itolo bo ilyene lyābombelaga bwila. Noa alinkukēta panja. Alinkuti, “Hei, likayako ni libingu limo.”

²⁴³ Umiana yula alinkwisa pala, ikuti, “Aa, une nāmenye ugwe gwāli yumo mwa bene. Ugwe umenye, ugwe kusyungutula pamwanya apa.”

²⁴⁴ “Ena, nswaga une, nkulumba. Ha-ha. Lumo une—une—une itolo, ugwe umenye, itolo gwasangalwike, ugwe umenye. Nduko lumo, uketile. Ha-ha-ha.”

²⁴⁵ Loli, Noa, umwene ālinabo u bufindang’oma. Alinkuti, “Linga ikyene kikisa umwisyugu, ikyene kikyaga apa kilabo.” Nongwa yafiki? Kyala āyobile lulo.

“Akabalilo kaki Umwene ākubulīle ugwe ikyo, Noa?”

²⁴⁶ “Ifyinja mia yumo na malongo mabili ifi fikindilepo. Une nisile ku butali ubu, polelo une ngugūlilaga itolo lilino.” Muketile ikyo? Ukufuma pa kabalilo . . .

²⁴⁷ Uswe tukwaga, Kyāla isile kubutali ubu, ukugūlīla ku Kipanga, yōpe, loli Ikyene kisakuyako. Komma ugwe ukupasya. Umwene āfingile Ikyene.

²⁴⁸ Agūlīle akabalilo kosa aka ku busyuke. Bwisakuyako bumo. Komma ukupasya. Kyāla āfingile ubwene. Itolo gūlīla nubufindang’oma. Ugwe kugwa ntulo, ikyo kitisa . . . Ugwe ubagile ukusipuka panini bo ikyene kikabombigwa, lōli ugwe gwisakusumuka akabalilo kala. Umwene āfingile ikyene, umwe muketile. Ukusipuka, muketile, iki uswe tukukōlēla ukusipuka kwa bufwe, umwe mumenye. Iki uswe tukukōlēla bufwe, itolo ukusipuka kunini, pamo ukugon’utulo mwa Kristi. Kikayapo ni kindu kimo bu kufwa mwa Kristi. Būmi nu bufwe bukayako palikimo. Muketile? Uswe itolo tukusipuka, ukusipuka kūko abinitu bakabagīla ukutukōlēlako uswe. Umwene yo Yuyo mwene abagile ukukōlēla. “Umwene isakukōlēla, kangi une nisakummwamula Umwene,” alinkuti Yobu. Yobu āli ntulo lilino ku fyinja elifu. Komma ukupasya. Umwene isaku—umwene isakusumuka. Komma ukupasya. Umwene akāli ikugūlīla.

²⁴⁹ Noa āgūlīle. Ilisiku lwabuna lilinkukinda. Nayimo ifula. Ikyene kili kanunu. Ikyene kikuboneka.

²⁵⁰ Une mbagile ukumpilika u Nka. Noa ikwisa ukusyungutula nukuyoba, “Bāba, ngimba ugwe uli- . . .?”

“Komma ukuyoba bo ulo.”

²⁵¹ Umwene āli nu bufindang’oma, ’nongwa yakuti umwene āli nu lwitīko. Ena, nkulumba. Umwene āli nu lwifimbilīsyo.

Umwene āli nu bumanyi ukuti Kyāla ali nталусye. Umwene āli nu bufisalyōyo. Umwene akasopwikémo mma, nukuti, “Ena, une ngamanya iki ikyene kyo kyosa kili. Une ndagile ubufumuke bwangu bōsa panja pala.” Umma, umma. “Abandu batikumbakisya une kang'i mma. Une ngusōkaga panja nukwanda itolo mosa, ubupya kang'i.” Umma, umma. Umwene āli nu bufindang'oma. Kyāla āfingile. Kyala isakubomba ikyene. Kyala isakubomba ikyene, 'nongwa yakuti Kyala āyobile lulo.

²⁵² Kang'i une mbagile ukumbona umwanundumiana gwāke ikusyungutula, ikuti, “Bāba, ugwe umenye. . .” Ukupuputa ikiboko kyāke pamwanya pa nywili syāke isyambuha indali, umwe mumenye. Kang'i umwene āli na ba mia ba finyinja mbukusi, umwe mumenye, itugesye pala. Alinkuti, “Une mmenye ugwe gwe tāta gwaiyolo. Une—une nguganile ugwe, bāba. Loli ngimba kwābagile ukwene ukuti ugwe gwābagile ukuya panini nsobi?”

“O, umma. Umma.”

“Nongwa yafiki?”

“Kyala āyobile lulo!”

²⁵³ “Ena, bāba, aga go masiku mahano na limo aga uswe tukwitugasya pamwanya apa. Ikwitugasya pamwanya apa mu kingalaba iki ikinywamu, ikyumu papapa apa. Kang'i ikyene kibikigwe umpulya mosa, nkati na panja. Kang'i uswe ifinyinja fyōsa ifi twayengaga pa kyene. Kang'i ugwe gwālimile panja pala nukulumbilila, mpaka ugwe gwasanuka gwambuha kang'i gwakipala. Kang'i apa ugwe guli pamwanya apa lilino, kugela ukuyoba ikindu *kyakuti-na-kyakuti*. Kang'i abāndu bikuseka, nukusopa amapuno amabole ni findu ndubafu lwa kyene. Keta kula iki ugwe kubomba. Fiki, ugwe umenye. . .”

“Yaga mfindang'oma, mwanundumiana.”

“Ugwe usisimikisye?”

“Ukwene kukugwaga ifula!”

Undindwana-unko ikuyoba, “Tāta, ugwe umenye. . .”

“Ukwene kukugwaga ifula!”

²⁵⁴ “Lōli uswe ifinyinja fyōsa ifi, twāgulilāga. Uswe twitendekesyaga. Kang'i ugwe gwātubulile uswe ukwene kukugwaga i fula, undungu gumo ugu gukindile. Kang'i uswe tuli muno, kang'i ififigo fyōsa figaligwe, kang'i apa uswe tukubēla itolo muno, kang'i ilisuba likōkya itolo pásí bo mūmo ilyene lyābombelāga.”

“Loli ukwene kukugwaga ifula!”

“Umenye bulebule ugwe?”

“Kyala āyobile lulo!”

²⁵⁵ Lilino bo ugwe kufikapo pa njila yila, ongēléla ikyene. Lōli linga ugwe ukuya nakyō ikyene mu njila yila, komma—

komma ukugela ukongeléla icyene. Ikyene kitisa kubomba. It kitisakubomba pa bubumbuluso. Ikyene kitisakubomba pa kindu nakimo ikingi. Muketile? Ikyene kikufimbilisigwa ukufuluganikana mula ni kindu ikifwanefwane icyene kikwengelukilamo. Uko ko kutalusya. Kufimbilisigwa ukongelelako ku kyene. Ubufindang’oma nu lufingo lwa Kyāla. Ena, nkulumba. Noa ālitike icyene. Kangi umwene āli nu bufindang’oma na Kyāla, i fyinja mia yumo na malongo mabili.

²⁵⁶ Mōse, umwene āli nu bufindang’oma na Kyāla. Ena, nkulumba. “Mōse, Une mbilike ingūto ya bānd Bāngu. Une ngētīle ingubilwo syābo. Une ngusuluka ukubapoka abene. Une ngukutumaga ugwe kula.”

²⁵⁷ Kangi ukukindana kunini pala pakati pa umwene na Kyāla, kangi Kyala ālinnangisye umwene u lwīmīko Lwāke. Alinkuti, “Apa une ngubūka.” Bo umwene kamokene akētīle u lwīmīko lwa Kyala, umwe muketile, umwene āli nu lwītīko.

Alinkuti, “Ngimba kindunki iki kili nkiboko kyako, Mōse?”

Umwene aatile, “Ingili.”

Umwene alinkuti, “Sopa iyene pasi.”

Iyene yilinkusanuka njoka. Umwene alinkuti, “O, mwe!”
Umwene alinkwanda. . .

²⁵⁸ Alinkuti, “Ega iyene pīmba, Mōse. Linga Une mbagīle ukuyisanusya iyene ukuya njoka, Une mbagīle ukuyisanusya iyene kangi.”

²⁵⁹ Aa! Ameni! Linga Kyāla abagīle ukumba une u būmi ubupeligwa, Umwene abāgīle ukumba une u Bumi bwamwambepo! Linga Kyāla ābagīle ukumba une ukupāpīgwa kwākwarda, Umwene ābagīle ukumba une u Bupāpīgwa bwakibili! Ameni! Linga Kyāla abagīle ukubumbuluso *iki*, nu bubumbuluso Bwakyala, Umwene abagīle ukufyusya icyene kangi ndwimiko Lwāke, mu lisiku ilyabumalikisyo. Uko ko kutalusya.

²⁶⁰ “Une mbagīle ukusopa ingili iyi pāsī nukuyisanusya iyene ukuya njoka. Une mbagīle ukuyigomokesya iyene ukubuka ku njoka. Yēga iyene kunswigala.”

²⁶¹ Mōse alinkufikila pāsī nu kukola iyene. Pala iyene yālipo, i ngili. Umwene alinkwanda ukongeléla ubumanyi kula. Muketile?

“Ngimba kitamisye fiki nu kiboko kyāko, lilino, Mōse?”

“Nakimo.”

“Bika icyene nkipambaga kyāko.”

²⁶² “Umma ndaga. Ngimba bule isya. . .” Kiswepu nu bukoma. “O Ntwa, kéta ku kiboko kyāngu!”

“Bika icyene nkipambaga kyāko, Mose.”

263 Umwene alinkukibika icyene ukugomokesya bo *ulo*, icyene kilinkusanuka mosa itolo bo...Umwene itolo alinkwanda uköngeléla ifyene bo *iki*, polelo, muketile. Ena, nkulumba.

264 Umwene alinkufika pási pala. Kangi icyâkwânda icyakukindana...Umwene âfikile pási kula. Ikusôka panja pala nukuti, “U Ntwa Kyâla âtile, ‘Unko abânda Bângu babûkége.’ Farao, Une ngulonda ugwe umanye iki. Une nisile ukuya gwakwimilîla Kyala. Ugwe kufimbilisigwa ukumbilikîla une.”

265 Farao alinkuti, “Ukupilikila? Ngimba ugwe umene ukuti une yo ywani? Une ne Farao. Ngupilikile ugwe, gwe ntumwa?”

266 Alinkuti, “Ugwe kwisakupilikilâga une, pamo malikaga. Ugwe kubomba kimokyene iki ugwe kulonda.” Nongwa ya fiki? Umwene âmenye iki umwene ayobelangapo. Umwene âli nu butume. Umwene âli pási kula. Umwene âyobîle kwa Kyâla. Umwene âli nu lwîtîko. Umwene âmenye apa umwene âlipo.

“Ugwe kulonda une ngupilikile ugwe? Sokapo apa!”

“Une ngukubonesya ugwe.”

“Mbonesya une ikika.”

Umwene ikutaga pasi ingili; yikusanuka ukuya njoka.

267 “Fiki,” umwene alinkuyoba, “ubo bo bukumu ubupepe ubwa gwamânjéle! Isaga apa i miniti. Isaga apa, Yannesî, ugwe Yamburesi, sôpa ingili syinu pási.” Abene bikusîsôpa isyene pási, kangi isyene sikusanuka njoka.

268 Alinkuti, “Lilino, ugwe gwe kindu kipepe, kwisa kuno kwa une, ne muIgupto, u farao gwa Igupto. Kangi ugwe kwisa kuno na tumo utwabukomo utupepe utwabamânjéle, tumo utwabutoyofu bwâko,” umwe mumenye, ukubala-minogono. Umwe mumenye iki une ngusanusya. Une ngusubila umwe mukubala isya icyene. “Ukubala minogono pabutali pamo ikindukimo, umwe muketile, ena, kwisa kuno na tumo mwa uto.” Alinkuti, “Ena, uswe tubagile ukubomba ikindu kilakila iki ugwe kubomba.”

269 Ngimba Möse âli fiki? Umwene akâyobîle, “O, Tata. Farao, une—une nsôbile, nkulumba. Une nguyaga ntumwa gwâko.” Umma, nkulumba.

270 Umwene âlimîle kimyemye. Ameni. Ukusyala palapala pala. Kyâla âtile, itolo kisita kwilamwa mu ndumbula yâke, “Kolelela u lutengano lwâko. Une ngukunângisyâga ikindukimo.” Akabalilo kâko ugwe ubombile katikati iki Umwene âyobîle ubombe, kikuboneka ngati icyene kyatamisyé; ima kimyemye, yaga mfindang’oma.

271 Möse alinkuti, “Ugwe umenye, bo une nâlambaléla pa lwâlo lula, bwâlipo ubufindang’oma bulambalikigwe pala, polelo une ngugûlilâga itolo nukukéta iki Kyala ikubombaga.”

272 Pala i njoka isyaiyolo syāli, sikwafula ukusyungutila, ukufunya, nukupúta yimo kuyinine. Ikindu kyākwānda umwe mumenye, injoka ya Mōse yilinkubūka, “Milu, milu, milu,” nukumila isyene syosa. Umwene āli nu bufindang’oma.

Abene aba bikugulila pa Ntwa,
bisakongelelaga amaka gabo,
Abene bikufyukaga mmwanya na mapiko bo
ga swanga.

Ngimba ikyo kitalusye? Muketile? Ena.

Abene bisakubopa kangi komma ukukatala,
ukwenda kangi komma ukusilika.

Muketile, itolo gūlila pa Ntwa. Yaga nu bufindang’oma. Muketile? Ena, nkulumba.

273 Polelo Israeli ayaga pa kusōsígwa panja. Ukukindana ukukulumba kwālisile, kangi Mōse alinkugūlila.

274 Polelo umwene alinkufika ndulangalanga. Iyene yo njila ya masiku matatu pamo mana. Ukwene kuli itolo mamailosi malongo mana ukufuma pāpo umwene ālobwīke pala, palapala ukukilania pāpo abene balobwīke kangi. Loli, Mōse, ndulangalanga, āgūlīle ifyinja malongo mana. Ubufindang’oma. Amen. Uko ko kotalusya. Umwene āgūlīle ifyinja malongo mana. O! Ena, nkulumba.

275 Kangi uswe tukufimbilisigwa ukuya nu bufindang’oma yumo nu nnine, pópe. Muketile? Akabalilo kamo... Uswe tukuya—uswe tukuya basitabufindang’oma fiyo yumo nu nnine. Uswe tukwinogona uswe tubagīle ukuya bo yu Mōse. Mōse āli nu bufindang’oma na bāndu. Kéta, kila kyi iki kyāpelīle abene ukutoligwa ukukilania. Muketīle? Linga ugwe kugela ukubomba ikindukimo... .

276 Ngati, une ngelīle ukuyitwala i Ndumi iyi ku kipanga, ukukéta ukuti umbakasya aligwesa gwa kipanga ayege *Iki*. Ikyene kikafu ububomba. Une ngēlīle ukuya nu bufindang’oma; iki kyo finja malongo-matatu-na-fitatu. Muketile? Yaga nubufindang’oma. Abakikulu bakāli bikutumula inywili syābo, pópe itolo lulalula. Loli itolo yaga nu bufindang’oma. Muketile? Itolo yaga nu bufindang’oma. Gūlila. Kufimbilisigwa ukubomba. Linga ugwe ukayanakyo ikyene, komma ukugela ukuyenga pa iki pási *apa*. Yaga nubufindang’oma.

277 Pópe akabalílo kāmo, bo ikipambo kya bāndu ba busāmbuke bala bāli nu mpwato fiyo, abene balinkupela Mōse ukubomba kimo ikisobi. Lōli, pópe, bo ikyene kikwisa ku bubonesyo, Kyāla ākatele ni mbombo syābo. Umwene alinkuti, “Ipāgūla gwimwene, Mōse. Une ngugogaga ikipambo kyōsa kya bēne, nukwanda mu bupya.”

278 Umwene alinkwisopa mwene pakati, nukuti, “Kyāla, komma ukubomba ikylene.” Fiki? Ubufindang’oma na bandu aba bāsambukaga ukulwana nu mwene.

279 Une nguswiga linga uswe twābagīle ukubomba ikyo? Linga ugwe ukabagīla, komma ukugela ukuyenga pa *iki*, ’nongwa yakuti ikylene—ikylene kitikusanuka, umwe mumenye. Iyo yo njila ikyakwanda kyapiyīgwe mu *iki*, kangi iyo yo njila aligwesa gwa bēne apiyiligwe. Linga ugwe utikubomba, ugwe utikwisa ku bupíme bula ubwa buyo ubwākwitugāsya bwa Kyāla gwābūmi, linga ugwe ukaya nabo ubufindang’oma, ubufindang’oma, yumo nu nnine. Umma ndage.

280 Abāna na kiHiburi bāli nu bufindang’oma. Naloli, abene bābōmbīle. Kyāla āfingīle ku bēne, ābabūlīle abene, “Komma umwe ukwinama ku kifwana kilikyosa.” Lōli abene bāli nu bufindang’oma. Balinkuti, “U Kyala gwītu abagīle. Lōli, palema iki, uswe tutisakwinama ku kifwani kyāko.” Ubufindang’oma, ukumanya iki, ukuti Kyāla isakunusyusa umwene mmasiku ga bumalikisyo kangi.

281 Ubūmi ubu butikusanusya ifingi fiyo mma, pópe. Muketile? Kyāla isakusyusa ubwene kangi mmasiku gabumalikisyo. Loli linga ukwene ko kwinama ku kifwana, uswe tutisakubomba ikylene. Lilino, uswe tukumpa Kaisale kwa Kaisale, lōli, linga ukwene kukuya Kaisale ikwingilīla mu sya Kyāla, Kyala yo gwākwarda.

282 “Kyāla āyobīle, ‘Komma ugwe ukwinama ku kifwani kila.’ Kangi une ndisakubomba ikylene. U Kyāla gwītu abagīle ukutupoka uswe. Linga Umwene atikubomba, une ndisakwinama ku kifwani.”

Alinkuti, “Umma ndaga, yila yo ng’ango.”

283 “Ena,” umwene alinkuti, “o, une ngusakikisya, kubagīle ukugwa ifula nyingi ikilo iki nukuyisimisa iyene mōsa.” Lōli yikabombīle ikylene. Pópe findang’oma.

284 Ulubunju lwa kilabo, bo abene batwālīgwe pankyene pa bulongelonongwa, pala iyugesye Nebukadinezara. Umwene alinkuti, “Umma ndaga, balumiana, ngimba umwe mwitendekīsye ukungumbuka une ukuya mwalafyale gwīnu?”

“Naloliloli. Yaga mūmi bwila, O mwalafyale.”

“Lilino inama pási ku kifwani kyāngu.”

“O, umma.”

285 “Ena, umwe mwisakupya mōsa. Umwe mwe banyambala ba mahala. Umwe mwe bakomu. Umwe mwāli butuli bukulumba kwa uswe. Umwe mwāli lusaya ku kitangalala kyitu. Ngimba mukabagila ukupilikisya une ndikulonda ukubomba iki? Lōli une—une ndendīke ulufumusyo apa, kangi ulwene lubagīle ukubombigwa. Une ndikulonda ukubasopa umwe nkati mula. O, banyambala, fyo fiki fitamisye na umwe?”

286 “Une mmenye ikyo kikupilikigwa kinunu mosa. Lōli u Kyāla gwītu abagīle ukutuponesya uswe. Loli palema iki. . .” Bāli nu bufindang’oma.

287 Balinkwanda ukufyuka pa mafyukilo. Yumo alinkunketa u yungi unnine. “Ikyene kili kanunu kyosa. Fyōsa kanunu.” Bali bafindang’oma. Bābūkīle ilikato limo, Kyāla akālipo pala. Makato mabili, Umwene akālipo pala. Makato matatu, makato mana, makato mahano, itolo balinkumilisya ukukindilila, pópe Umwene akālipo pala. Kangi umwene alinkukanya mulamula mu ng’anjo ya moto. Abene bāli nu bufindang’oma. Lōli Umwene āli pala. Muketile? Itolo u moto ugwakufwana gwābatīkīle abene, ukōkya ifungo mmaboko na malundi gābo. Kangi pala bo umwene ikutika ulwālo lwa kibwina, Umwene āli pala. Muketile? Abene bāli nu bufindag’oma.

288 Daniele injila yilayila. Daniele āli nu bufindang’oma. Naloli. Umwene akābūkāga ukulekela pa njila. Umma, nkulumba. Ngimba umwene ābombile fiki? Umwene āligwīle amadirisha gala nukwīpūta, mulimosā. Ulwene lwāli lulalusyo lwa Kyāla. Umwene āli nu bufindang’oma. Umwene āgūlīle pa Kyāla, amenye Kyala abagīle ukukyunga i Lisyu Lyāke. Abene bālinsōpīle umwene mu mbako ya ngalamu, balinkuti, “Uswe tukusileka ingalamu sila sikulye ugwe mosa.”

289 Umwene alinkuti, “Ikyo kyo kili kanunu.” Umwene āli nu bufindang’oma. Fiki? “Ena, une ngūlīle akabalilo kosa, pa Kyāla. Linga une ngufimbilisigwa ukugūlīla ukongelelapo finandi fya fiynja maelifu, une nisakusyuka kangi mu lisiku lyabumalikisyo. Polelo, alinkuya mfindang’oma, gūlīla.”

290 Pauli āli nu bufindang’oma. Naloliloli āli. Kéta iki Pauli afimbilisigwe ukubomba. Yoba sya bufindang’oma!

291 Bule isya bāndu bapentekosti? Pene pápo abene bali nabo ubutumigwe, “Gūlīla mpaka,” muketile, “gūlīla mpaka umwe mupígwe na Maka.” Butali buki? Abene bakāli nalyo ni lilalusyo, “Ukwene kukuyaga kutali bulebule?” Abene bāli itolo ni lyamulo, “Gūlīla mpaka.”

292 Abene bāli mmwanya mula nukuti, “Umma ndaga, balumiana, lumo amaminiti kalongo na mahano ukufuma lilino u Mbepo Mwikemo ikuyaga pa uswe kangi uswe tukuyaga nu butumigwe.” Amaminiti kalongo na mahano gākindile, nayumo. Ilisiku limo lyākindīle, umma; mabili, matatu, mana, mahano, mahano na limo, mahano na mabili.

293 Bamo mwa bene lumo bāyobīle, “Hei, ngimba mutikwinogona uswe tutalile tulinagwe Umwene?”

“Umma, umma, umma, umma.” Ikyo kyo ikylene. Umma. Uko ko kutalusya.

294 “Umwe kinunupo sōka panja, balumiana.” Mōhési āyobīle, “Umwe—umwe—umwe mumenye umwe mutalile mwambilile iki umwe mukulonda. Buka, kandeko u butumigwe bwinu.”

295 “Umma, umma, umma. Uswe tukāli tukaya nakyo Ikyene, tāsi. Panongwa yakuti, Umwene āyobīle, ‘Pisakwisa, iki kisakubonekaga mmasiku gabumalikisyo: Ni milomo igwakitabu ni ndimi isingi nisa une ukuyoba ku bandu aba, kangī ubu bo Butusyo ubu Une nāyobīle,’ muketile, Yesaya 28:19.” Alinkuti, “Ikyo kyo—ikyō kyo Ikyene, umwe—umwe mwisakukabaga Ikyene bo...Fiki, uswe twisakumanya akabalilo kāko Ikyene kikwisa. Uswe twisakumanya akabalilo kāko Ikyene kikwisa. Uswe twisakumanya ikyene, ‘Lufingo lwa Tāta.’” Pala umwene āgūlīle amasiku mahana-na-mana. Kangi polelo pisiku lya kalongo, “Uswe twālipo pāla.” Abene bāli nu bufindang’oma, ukugūlīla.

296 Lilino, linga ugwe ulinabo u luko lula ulwa bufindang’oma, ukufuma pāpo Kyāla akupele ugwe u lufingo kangī ugwe kulubona ulwene mwi Bāngēli, “Akene ko kabalilo,” polelo gūlīla. Polelo, linga ugwe ulinalo u luko lula ulwa bufindang’oma, ongeléla ubwene ku lwītīko lwāko. Kangi kēta bo butali buki ugwe kukaba lilino? Ugwe kufika kubutali mmwanya *apa* lilino. Umma ndaga. Ikiboko kya koloko kikubuka kubutali ukusyungutila, kyópe, bule ikyene? Umma ndaga. Umma ndaga. Ongeléla iki ku lwītīko lwāko.

297 Akabalilo kōsa ukumbika Umwene pankyeni pa ugwe, ukukumbukila, āli yo Mwene uyu āfingīle. Ngāli yone, mfingilīgwe. Akali ntimi, āfingilīgwe u Nkundwe gwītu Neville. Ikyene kikāli ndumbilili yumo uyungi, āfingīgwe. Akāli u mpūti pamo pāpa yumo. Akāli mundu yumo ugwa kīsu. Āli yo Kyāla āfingīle u lufingo, kangī Kyāla abagīle ukukyunga lkilikyosa iki Umwene āfingīle. Umma ndaga. Linga ugwe uli nu luko lwa lwītīko, ukumanya ukuti Kyāla āfingīle ikyene! Kuyoba, “Nkundwe Branham, une ndimbine. Une ngulondigwa ububumbulusyu fiyo fiyo.” Itikisya ikyene. Ikyene kyābūpi kipīgwe kwa ugwe, ena, nkulumba, linga ugwe ubagīle ukwitika. “Ēna,” ugwe kuyoba, “Une naloli ngwitika.” Polelo ibwako ikyene. Popāpo. Ikyene kimalike. Muketile?

298 Yaga nu bufindang’oma, linga ugwe uli nu bufindang’oma. Linga ukuya, ugwe ngubulutukaga ukufuma ku Nyuma apa, muketile. Ikyene kisaku kung’usyaka kyosa ikinine kya ikyene pāsi, ikindu kimokyene ikyo. Kufimbilisigwa ukuya nakyo ikyo. Komma ukōngeléla ikyene, kabuno, ikyene kikonangaga i nyumba yāko linga ugwe ukuya nabo ubufindang’oma, linga ugwe ukuya nalo ulwifimbilisyo ukongelelako ku lwītīko ulu ugwe kuyoba uli nalo. Kangi linga ugwe ukaya nalo u lwītīko lulilosa, kangi kugela ukubikapo ulwifimbilisyo pa lwene, ulwene lukukonyolaga u lwītīko lwāka pāsi. Muketile? Ugwe kuyoba, “Ēna, lilino, gūlīla i miniti. Lumo iki kyosa

busobi, mulimosa. Lumo Kyala akaya Kyala. Lumo akayako Kyala.” Muketile, ikylene kisakukonyola i kindu palapala pabili. Muketile?

²⁹⁹ Lōli linga ugwe kwāga u lwītiko ulwābwanaloli, polelo bika ulwifimbilisyo ulwābwanaloli pa lwene, polelo ubumanyi bwābwanaloli, polelo ubufisalyoyo bwabwanaloli, polelo ubufindang’oma bwabwanaloli. Muketile? Ugwe kwenda kanunu nkyeni ukufyuka u lukindi. Umma ndaga.

³⁰⁰ Ikyabuhano, ongeléla ubunyakyala. O, mwe! Ubunyakyala ukōngeleligwako. Ngimba ubunyakyala kikusanusya fiki? Une ngetilemo mu madikisyonare mana pamo mahano nukusita kwāgamo iki ikylene kikusanusya. Kubumalikisyo, une nāli pāsi kwa Nkundwe Jeffries kula, uswe twākyāgīle ikylene mu—mu dikisyonare. *Ubunyakyala* kukusanusya “ukuya bo Kyala.” O, mwe! Ukufuma kukuya nu lwītiko, ulwifimbilisyo, ubumanyi, ubufisalyoyo, ubufindang’oma, polelo yaga bo Kyāla. Whuu!

³⁰¹ Ugwe kuyoba, “Une ngabagila ukubomba ikyo, Nkundwe Branham.” O, ena, ugwe ubagile ukuya.

³⁰² Unko une itolo mbabālele umwene a Masimbo amandi apa, itolo i miniti. Matai 5:48. Uswe tukwegaga limo ili nukukéta iki ikylene kikupilikigwa, Matai 5:48, nukukéta linga uswe tukufimbilisyogwa ukuya bo Kyāla. Umwe mumenye i Bāngéle likuyoba, “Umwe mwe bakyala.” Yeso āyobīle lūlo. Fiki? Lōsa ulwifimbilisyo, fyōsa ifindu ifi fili mwa Kyāla, fili mwa ugwe. Matai 5:48, “Yaga umwe. . .” Yeso ikuyoba, mu sāyo.

*Yaga umwe lelo b-a-p-e-l-e-l-e-s-y-e, (Kyo fiki ikyo?)
bapelelesye, na mūmo u Tāta gwīnu. . .ku mwanya
mpelelesye.*

³⁰³ Ugwe ufikīle kubutali kumwanya *apa* lilino, bo ugwe ukāli ukalālusīgwa ukubomba ikyo. Fyōsa ifindu fikufimbilisyogwa ukongelīgwa tāsī. Polelo bo ugwe kufika pamwanya apa, Umwene ikikusuma ugwe lilino ukuya mpelelesye, ubunyakyāla, bānabalumiana na bānabalindwana ba Kyāla. Uko ko kutalusya. Ngimba findu filinga une nābagīle ukuyoba ukubukila ku lukinda lula!

³⁰⁴ Unko uswe tusanukīle ku Efesi 4, nukusyāgānia ukukilania apa iki, mwa Būku gwa Baefesi, ikylene kikuyoba isya kindu iki, pōpe, ukufwana na mūmo uswe tubagisenie—mūmo uswe tubagisenie ukubomba. Efesi, unto gwa 4, kangi nukwanda ni linandi 12. Baefesi 4, nukwanda ni linandi 12. Syosa silikanunu. Unko uswe twande apa pa manandi 11.

*Kangi umwene āpele bamo, abatumigwa; kango bamo,
basololi; . . .*

³⁰⁵ Mukumbukīle nkilo? Komma ukugela ukōngeléla imbombo ya nyambala uyungi. Muketile?

...kangi bamo, abasanianongwa; kangi bamo, abatimi . . .kangi bamo, abamanyisi;

306 “Panongwa ya kupelelesya kwa Kyāla”? Ngimba ikyene kikubala bo ulo? [Ikilundilo kikuyoba, “Umma.”—Nsimbi.] Kubupelelesye bwa fiki? [“Abikemo.”] Bo ba ywani abikemo? Abasukigwe bala. Ameni. Aba bālyandīle ukufuma pási *apa*.

...ukupelelesye kwa bikémo, kububōmbelo bwa butumigwe (ubutumigwe bwa Yeso Kristi), panongwa ya kuyenga kwa mbilo gwa Kristi (ku buyengo, ukuyenga Ikyene mmwanya, ukuyenga): mpaka . . .

Mpaka uswe twesa tukwisa mula ku bumomwene bwa lwitiko, kangi . . . ubumanyi bwa Mwanundumiana gwa Kyāla, kangi ukubuka ku mūndu umpelelesye, ku busisimikisiyi, (o, mwe), ku bupīme bwa bukūsi bwa bwīsūsye bwa Kristi:

307 “Pelelesye,” kikwegela ubunyakyāla. Ugwe kufimbilisigwa ukōngelēla u lwitiko lwāko, ubunyakyāla. Muketile, ugwe kwanda itolo pási *apa*, nu lwifimbilīsyo. Polelo kubuka ku bumanyi. Polelo ugwe kubuka ku bufisalyōyo. Polelo ugwe kubuka ku bufindang’oma. Lilino ugwe uli pa bunyakyāla. Bunyakyāla! O, mwe! Akabalilo kitu kakubopa. Unko uswe tukete. Loli umwe mumenye iki ubunyakyala kyāsanusyāga. Umwe mwimbile ulwimbo ulu:

Ukuya bo yu Yeso, ukuya bo yu Yeso,
Pa kisu une ngulonda ukuya bo Umwene;
Mu njila ya bumi yosa ukufuma ku kisu
ukubuka ku Lwimiko
Une ngusuma itolo ukuya bo Yumwene.

308 Ubo bo bunyakyāla. Bo Umwene āli ndika pa lubafu lumo lwa kisyo, Umwene alinkusanuka ku lungi. Bo Umwene āyobelígwa nubugāsi, Umwene akāyobīle. Umwene akālalatīle ukugomola mma. Muketile? Gwakyāla, akabalilo kōsa ukulondesya ikindu kimokyene, “Une akabalilo kōsa ngubomba ikyo iki kikunhobosya Tāta.” Muketile? Ena, nkulumba. Bwila. Ubo bo bunyakyala. Muketile?

309 Ukufuma pāpo ugwe gwīsile ukufuma *apa*, ukubuka *apa*, ukubuka *apa*, ukubuka *apa*, ukubuka *apa*, ukubuka *apa*, lilino ugwe kwīsa mu bukusi bosa lilino ubwa mwānandumiana gwa Kyāla. Lōli ugwe kufimbilisigwa ukuya na *iki*, ukongela kyosa *iki*, kangi ugwe ukabagīle nukwanda itolo mpaka ugwe kwāga *iki*.

310 Lilino kumbukilaga injuni indītu na mayoya ga ngukudembo. Komma ukwibwa umwene. Muketile? Komma ukugela ukōngelēla ikyene mpaka ugwe naloliloli upāpīgwe kābubili. Nongwa, ugwe, ikyene kitisakubomba, kangi ugwe—

ugwe ukabagila ukukipela ikyene ukubomba. Ikyene kikwisa ku *iki*, pamo *iki* apa, ikyene kisakubongotoka pa buyo bumo.

³¹¹ Lōli akabalilo kāko ugwe kufika kubwa *kuno*, ingungubiya iyanaloliloli imbāpígwe-kabubīli, polelo ugwe utikōngelēla nakimo. Ikyene kikōngelēla kuli ugwe, muketile, kikwisa mmwanya, mōsa kanunu, ukwisa mbupelelesye lilino. Umma ndaga.

³¹² Polelo ikyabuna-na-kimo, unko uswe tōngelēle, i Bāngéli lyāyobīle apa, ukōngelēla ulugano lwabukundwe . . . ukibabilīsi kyabukundwe. Lilino, ikyo kyo kinunu kila, palapala pala, ikyakihano-na-kimo, kihano-na-fibili. Umma ndaga. Ukōngelēla ikibabilīsi kyabukundwe. Umma ndaga. Akabalilo kāko uswe tukufika ku ikyo, ikibabilīsi kyabukundwe, ibīka gwīmwēne mbuyo bwa umwene, pa nongwa. Lilino ugwe kuyoba . . .

³¹³ “Unkundwe gwāngu ātulīl’nongwa na une,” alinkuyoba Peteri. “Ngimba une nisakunswa umwene,” umwene alinkuti, “kahano-na-kabili kōsa pisiku?”

Umwene ātīle, “Malongo mahano na mabili ukubālisania na kahano-na-kabili.” Muketile?

³¹⁴ Ikibabilīsi kyabukundwe. Lilino, umwe muketile, linga u nkundwe ali mōsa ikwenda išyake, komma ukuya kisitabufindang’oma nu mwene. Muketile? Umma. Muketile? Yaga gwakisa ku mwene. Buka, mulimosa.

³¹⁵ Yumo āyobīle, pakaya patāli mma, alinkuti, “Ngimba ugwe ubagīle bulebule ukwitika ifindu ifi mūmo ugwe kubombela, kangī pōpe kubūka ku Assemblies of God, kangī i Oneness, fyosa ifingi?” Polelo bīka, muketile, ikibabilīsi kyabukundwe. Muketile? Muketile? Ukusūbīla, ilisiku limo, muketile; ukuya bafindang’oma nu mwene, muketile; bufisalyōyo, ukukūbīlwa nu mwene; ubumanyi, ukupilikisya iki umwene ikwitika, kumbukila, ikyene kili mu ndumbula yāke, ikyo kyo ikyene kili; ulwīfimbilisyo, mwa gwīmwēne, ukulwītīkisya ulwene ukubuka panja ni kibabilīsi, ubōlōlo, ku mwene; ukuya nu lwītīko ukuti ilisiku limo Kyāla isakuntwala umwene nkati. Muketile?

³¹⁶ Ikibabilīsi kyabukundwe, ikindu kyābuhano-na-fibili. Kimo, fibili, fitatu, fina, fihano, fihano-na-kimo, fikhano-na-fibili. [Nkundwe Branham ikutika pa bolodi ya lufumbi kahano-na-kabili—Nsimbi.] Muketie, ifindu fihano-na-fibili. Polelo, lilino, ugwe kwisa.

³¹⁷ Ikindu ikikōnge, polelo, ongelēla ikibabilīsi, iki kyo lugāno. Ilyo lyo libwe lyakitili. Limo mwa masiku aga, nkipanga . . .

³¹⁸ Lilino, nalamba, unko ikyene kimanyikígwe pa tepi, kangī kilikyosa ikingi, une ndikumanyisya iki ukuya kimanyisyo, iki une nguyapakuyoba lilino. Lōli une itolo ngulonda ukubanāngīsyā umwe ukuti, nu butuli bwa Kyāla, iki ikyene

naloli kili, ukuti, i Bāngéli lyākwānda Kyāla āsimbilemo sike lyāli Zodiaki mmwanya. Ikyene kikwanda nu mfunde. Ikyene kikumalikisya nu Leo i ngalamu. Kangi akabalilo kāko une ngufika mu Fungilo ya Kihano-na-kimo kangi Kihano-nakibili, umwe mwisakusyagania, akabalilo kāko i Fungilo iyingi yila yāligulígwe, ubung'wale bwa Zodiaki pa buyo bula bwāli kansa, iswi imbingike. Kangi iyo yo ngulilo ya kansa uswe tulimo nu būmi lilino, yisetulígwe. Kangi ikindu ikikōnge i Fungilo yālepwīle, Ikyene kyāsetwīle Leo i ngalamu, u Kwisa kwākibīli kwa Kristi. Umwene ikwisa, ikyākwānda, ku mfunde; Umwene ikwisa, ikikōnge, Leo i ngalamu. Une nisakukitwala iki ku . . .

319 Lilino, une ngamanya kali une nguyaga na kabalilo ulubunju ulu. Une ngubombaga ikinunu ikukinda-fyosa iki une mbagīle, ukubanāngisya umwe ukuti amakato aga gali mu mapiramidi, itolo katikati, i Bāngeli lyakibili Kyāla āsimbīle. Enōki āsimbīle ifyene, nukufibīka ifyene mu piramidi.

320 Kangi ilyakitatu, Kyāla akabalilo kōsa apelelesígwe mu kyakitatu, polelo Umwene ālitendīke Mwene i Lisyu Lyāke.

321 Apa, lilino, kumbukilaga, nkati mu piramidi . . . Une ngusakisya mwe bingi ba umwe basikali ni findu mwāli nu Igupto. I piramidi yikaya nakyō ikitili pa yēne. Nasiku yikayamo. I—I Bwe lya Scone, kangi filifyōsa ifingi ifyene filinakyo, lōli pópe . . .

322 Lina ugwe uli ni kalatasi ya dola mu nyāmbi yāko, ugwe kēta pa kalatasi ya dola, kangi ugwe kusyagania ukuti, ku bwakukililo, ikyene kili ni swanga ni ndembela ya kiMerika. Kangi ikyene kitile, i fungilo “ya United States.” Pa lubafu ulungi, ikyene kili ni piramidi, nibwe ilikulumba ilinywamu ilyakitili kangi ikisige kya mundu. Ikyene kikuyoba pa lubafu ulungi, “Ifungilo ingulumba.” Ena, linga ikikōlo iki kyo kilumba, nongwa ya fiki ifungilo ungulumba iyi yikāyaga fungilo yāke yene iya kikōlo? Kyāla ikutendēka abene ikwībīkīla ubuketi, kisita kupasya kūko abene bikubūka.

323 Une nāyobaga ku ngānga yumo akabalilo kamo, kangi umwene āngw'alāga une mosa pamwanya pa ngalabuka, ukufwana nu bubumbulusyo Bwākyala. Nālīmīle pa lukindi. Umwene alinkuti, “Tata. Branham, ugwe itolo kubafulugania abandu.” Alinkuti, “Bukayako nabumo ububumbulusyo, kwene ku kwisila abakipatala.”

324 Une ndinkwagigwa ngusanuka ukusyungutila, ukukēta ku kimanyilo kyāke pa ligala, kyāli ni njoko pa mbānda. Une ndinkuti, “Ugwe kinunupo ugwe usōsyēpo ikimanyilo kila ukufuma pa ligali lyāko, kokuti, 'nongwa yakuti ikimanyilo kyāke kyene kikubīkīla ubuketi ukuti Kyāla yo Mbumbulusyi.”

325 U ngānga gwābwanaloli ikwitika kila. Abo bo bābusyōbi. Ena, nkulumba. Injoka pa mbānda! Mōse alinkufyusya

mmwanya injoka pa mbānda. Umwene āyobīle, “Une ne Ntwa uyu ikupolesya imbunbo syinu syōsa.” Kangi abene balinkukéta pa njoka yila, ku bubumbusyo Bwākyaala. Kangi pópe abene bikubīkīla ubuketi ukulwana ni kyane; lōli ikimanyilo kyābo kyene kikubīkīla ubuketi ukulwana na bēne. Whuu!

³²⁶ Apa, ikikolo kyitu, ukuyoba ifindu ifi abene bali, nukufiseka ifingu ifyo, kangi i hela yabo yēne, indalama yabo, yikubīkīla ubuketi ukuti ikifungilo kya fīsu fya mmwanya yo Kyāla. Kéta ikisige kila kimile pamwanya pala pamwanya pa kila, pa kipande kya dola kila? Ikyo kyo kifūngilo ikikulumba.

³²⁷ Ikyene kikābikigwémo siku pamwanya pa piramidi. Abene balinkutologwa ukupilikisya nongwa ya fiki. I Libwe lya kitili lyākanigwe, Untu, Kristi. Lōli Ikyene kikwisāga, ilisiku limo.

³²⁸ Lilino, mu kuyenga, ulwīfimbilīsyō . . . Ukuyenga ikyakukumbukilapo iki, ukuyenga ubupīme ubu, muketile, ikyene kikwāndako nu libwe lya lwālo; lwītīko, lwīfimbilīsyō, bumanyi, bufisalyōyo, bufindang’oma, bunyakyāla, kibakīlīsi kyabukundwe. Lilino ngimba ikyene kikubomba fiki? Polelo ifyene fikugūlīla i Libwe-lyapantu, ili lyo lugāno, kabuno Kyāla yo lugāno. Kangi Umwene ikulagila, kangi Umwene yo maka ga filifoyosa fya findu ifi. Uko ko kutalusya. Ena, nkulumba.

³²⁹ Mulamula nkati *mula*, mulamula nkati *mula*, umwe mukukéta une ndinakyo, pakatikati, imbombo syōsa nkati muno, kangi apa amayiga amanini gikwisa. Ngimba ikyo kyo fiki? Mbepo Mwikemo ikusuluka pāsī, ukwisila mwa Kristi, muketile. Mbepo Mwikemo! Mbepo Mwikemo ali pamwanya pa *ifi* fyōsa, ukōkyelēla iki palikimo, ukuyenga (i fiki?) i Kipanga ikipelesye, ukuti Ibwe-lyapantu lifwike ikitili Ikyene mosa.

³³⁰ Ngimba ikyene kibombīle fiki kangi? Ikyene kibonisye ikwisila mu Ngulilo sya Kipanga Ihano-na-sibili, na batumigwa ba Kipanga bahano-na-babili.

³³¹ Kyālyāndīle kunyuma *apa*. Ngimba ko kugu kūko i Kipanga kyālyālīgwe? Ngimba kokūgu kūko i Kipanga kyapentekosti kyālyālīgwe akākwānda? Nu Mwikemo Pauli, ku Efesi, indondwa ya Ngulilo ya Kipanga kya Efesi, Efesi.

³³² Inguli ya kibili ya Kipanga yāli Smyrna. “Ulwīfimbilīsyō.” Ireneo, u nnyambala unkulumba yūyo alinkukolēla mmwanya Inongwainunu ya Pauli.

³³³ Ingulilo ya Kipanga ingōnge yāli Peregamo, yūyo āli Martin. Martin āli nnyambala unkulumba uyu ālitugesye. Pauli, Ireneo, Martin.

³³⁴ Polelo mu Tiatira ikwisa Kolumba. Umwe mukukumbukila? Apa ikyene kili, kisingulīgwe palapala *pala*. Kolumba. Ukufuma Kolumba . . . Ingulilo sya Ngīsī sikwisa nkati mūla.

335 Polelo ikwisa Saradi, iki kikusanusya *afwile*. Luteri. Aleluya! Fiki lelo? Ngimba fiki fikwisa ukukónga ukufuma Saradi, Luteri?

336 Polelo kukwisa Filadelfia. “Bunyakyala.” Wesley, ubwikemo! “Abagolofu bisakwitugasyága nu lwítiko,” áyobíle Luteri. Ukukemesígwe ukwisila mwa Wesley.

337 Polelo bukwingilamo ikibabilisi kyábakundwe, ukwisila Laodikiya. Kangi uswe tukwitika i Ndumi ingulumba ya kuboneka kwakibili kwa Eliya, mu lisiku ilyabumalikisyo, yisakupyagila i kisu.

338 Apa umwe muli, i Ngulilo sya Kipanga Ihano-na-sibili, amakato mahano-na-mabili. Kyála ikuyenga i Kipanga Kyáke, ali bo mundu yumoywene mwa pamwene, nkati mwa Mwene. U lwimiko, a Maka ga Kyála, ukusuluka pási ukwísila muli *iki*, ukókyeléla Ikyene palikimo. Polelo, abándu ba kiPentekosti aba bábalekíle aba Luteri, bábalekíle aba Wesley ni findu, batikumanya iki abene bikuyobelapo. Umwe mukukéta, abene bálitugesye mu kiyabo *iki* ikya tempeli. Iyo yo njila, a bándu bamo babágíle ukwisa kumwanya bo kula nukugwila pási. Lóli kilipo ikiyabo ikyánaloliloli ikya ikyo, kikumilisa ukupela ikiyengo kila ukwisa mmwanya. “Une nisakupyanikisya,” ikuti u Ntwa.

339 Umwe mukukumbukila *Mpiki gwa Nsingiligwa?* Umwe mukukumbukila u bulumbilili pa *Mpiki gwa Nsingiligwa?* Ifyene filinkulya Ugwene pási, lóli Umwene alinkuséngeléla ugwene. Abene balinkuya ni samba sya fipanga-fipágúke; Umwene alinkuséngeléla ifyene. Abene balinkutupusya ikipanga ikingi, isamba syafipanga-fipágúke; Umwene alinkuséngeléla ikyene. Lóli i ndumbula ya Mpiki gula yilinkumilisa ukukula. “Kangi nkabalilo ka namayolo ukwene kwisakuyaga Bwelu.” Muketile? Ako ko kabalilo káko Kristi ikwísa, u Mbepo Mwikemo. Yeso ikusuluka pási nukwitugasya Mwene pa Ntu gwa Kipanga lelo, kangi Umwene isakusyusya i Kipanga iki, ukuya Mbili Gwáke Gwene. Nkati *mula* gulimo u Mbili.

340 Kangi mûmo Kyala ikutugúlila uswe ukuya pamwene-pamwene ukukúla, mûmo Umwe atwálíle i Kipanga Kyáke nkati ukukúla. Ingulilo yiliyosa iya Kipanga, Ikyene kikwisa ukuya Kipanga ikinywamu kimokyene. Muketile?

341 Abinitu *aba* bakalóndigwága iki abinítu *aba* bali. *Iki* kikálondigwága iki *iki* kyáli. Muketile? Lóli Umwene áswilíle i Kipanga Kyáke injila yilayila. Umwene áswilíle i Kyáke— i Kyáke i Kipanga i njila yilayila Umwene ikuswíla abándu Báke. Polelo Peteri apa ikuyoba, ikyákwánda, ifindu fihano-na-fibili: lwítiko, lwífimbilísyo, (muketile, ukufyuka mmwanya), bumanyi, bufisalyóyo, bufindang’oma, bunyakyála, lugáno lwabukundwe, ongeléla i kibabilisi kyabukundwe, kangi polelo u lugáno lwa Kyála. Mbepo Mwikemo, Kristi mu mundu gwa

Mbepo Mwikemo, ikwisa pa umwe, mu lōsyo ulwabwanaloli ulwa Mbepo Mwikemo, kangi ugwe ulinasyo ifimbilisyo syōsa isi sifungilígwe mwa ugwe. Polelo, Kyāla ikwitugasya mu Nyumba, yikukōlelígwa Buyengo, i Nyumba yabūmi iya buyo bwa bwitugasyo bwa Kyāla gwabūmi.

³⁴² Akabalilo kako unnyambala uyu alinalo uluko lwa findu ifi, polelo u Mbepo Mwikemo ikwisa pa mwene. Kisita kupasya, ugwe ubagīle ukuyoba ni ndimi, ugwe ubagīle ukwēgeléla ikikungilwa kilikyosa iki Kyāla alinakyo. Ugwe ubagīle ukubomba ikyo. Lōlo mpaka ifimbilisyo *isi* sikubuka mwa ugwe, ugwe gwe ukāli panja pa lwālo ulwanaloli, ulwanaloliloli ulwa lwītíko. Lōli akabalilo kāko ifimbilisyo isi sikukula nkati, kangi ugwe gwālyongelīle ku ikyo, polelo ugwe kyākukumbukila kyābūmi. Ugwe gwa kifwani ikyābūmi, ikyākwēnda.

³⁴³ Lōli, umwe mumenye, aba—aba bapānja, abene bikwafulila bēne pankyeni pa kifwani, u kyāla ugwakwinogonela. Kangi mu njila yakwinogonela abene bikwitika ukuti u kyala ugwakwinogonela yula ikuyoba mukugomola ku bēne. Ubo bo bwāpānja. Ikyo kyo kiRoma. Abene bikwinama pankyeni pa luko losa ulwa bikemo na filifyōsa ifingi. Kangi abene bali na Mwikemo Cecelia, u kyāla gwa nyumba, ni findu fingi fiyo ifikindane bo ulo. Abene bikwinama ku ikyo, kangi naloliloli bikwitika ikyo mu njila yakwinogonela. Kyo ki—kyo kyakwegeléla kiki ikylene, ikya Kyala ugwanaloli ugwābūmi.

³⁴⁴ Lōli akabalilo kāko uswe, komma mu nila ya kwinogonela, lōli ukwafulila twibene pankyeni pa Kyāla ugwābūmi, ulwīfimbilísyo ulwābūmi, ubumanyi ubwābūmi, ubufindang’oma ubwābūmi, ubunyakyāla ubwābūmi, a Maka agābūmi ukwisa ukufuma kwa Kyāla ugwābūmi, kikupela u mundu ugwābūmi ukuya kifwani kyābūmi mu bukusi bwa Kyāla. Ngimba umwene ikubomba fiki? Ikindu kilakila iki Yeso ābombīle; ukwenda injila yilayila iyi Umwene ālyēndīle, ukubomba ifindu filafila ifi Umwene ābombīle. Panongwa yakuti, ikylene kikaya kindi ikyākwinoonéla. Bulipo ubwanaloliloli ubu bukusisimikisya.

³⁴⁵ Muketile ifi une ngusanusya? Kéta mūmo ifimbilísyo isi, ifyakuyēngéla inyumba ifi, fikwegelela mula na batumigwa ba Kipanga, ni ngulilo sya Kipanga? Lilino, limo mwa masiku aga, uswe tukwegaga kilikyosa kya masyu aga, nukufunda agene mōsa, nukunāngísya ukuti ikylene kikúsísimíkísya ikylene. Ikyene kyosa kikubuka palikimo. Naloli. Muketile? O, mwe! Mūmo kyākuswigisýla ikyo, muketile, ukukéta iki ikylene—iki ikylene kikubomba.

³⁴⁶ Lilino, iyo yo Nyumba iyi Kyāla ikwitugasyamo; komma i nyumba ni bangala ilinywamu pa mwanya pa yene, ni mbānda indali. Muketile? “Loli u Mbili mubombile

Umwe mundendekesyile Une,” u Mbili ugu Kyāla abagile ukwitugasyamo, Kyāla abagile ukwendamo, Kyāla abagile ukukételamo, Kyāla abagile ukubombamo. Ameni! Ikyombo kyābūmi kya Kyāla, Kyāla ikwenda pa malundi mabili, mwa ugwe. Lwimiko! “Amakato ga mwikemo gikulagililigwa na Kyāla,” Kyāla ikwenda mwa ugwe. “Kabuno umwe mwe bākalāta abasīmbigwe, bikubaligwa na bandu bosa.” Kangi linga u Būmi ubu buli mwa Kristi bukuyaga mwa ugwe, ugwe kwisakupimba u Būmi ubu Kristi āpimbile.

³⁴⁷ Mūmo une njobile akabalilo kosa. Ega ingolya ukufuma ku mpiki gwa umfyulisi, kangi linga ugwe gwābagile ukugusāmīsyā iyene, nisindano, ukubika mu mpiki gwa apulo, u mpiki gwa apulo gwābagile ukupa imifyūlisi. Naloli. Naloliloli gukuyaga. Kala ulusamba lukoboneka bo fiki, ugwe guli nayo i ngolya ya mpiki gwa apulo mu gwene, pamo go mpiki nki ugwe guli. Muketile? Kikwega u būmi bwāke ukufuma mu mpiki gwa apulo, ukwega gosa panja, nukupa ugwe i—i sindano ya ngolya, nukufipa ukufuma ku mpiki gwa mifyūlisi ukubuka ku mpiki gwa apulo. Ngimba fiki fikuboneka? Ugwe gutisakupa ni mifyūlisi kangi mma. Muketile? Umma, nkulumba. Ugwe gutisa. Linga u būmi bwa mpiki gwa mfyūlisi gukwisa mu mpiki gwa apulo, ndigi, ugwe gutisakupa ma apulo kangi mma. Ugwe gwisakupa imifyūlisi, muketile, muketile, panongwa yakuti ugwe guli nu būmi mu gwene.

³⁴⁸ Ena, ugwe ega uswe, twe tuli nakimo lōli ulupāle lwa ndīsu, ugwamungisi, muketile, kangi kakayapo nakamo kuli uswe, kabuno uswe twe twesa tufwile mu bonangi nu ngilanio. Uswe twe twesa űduko lwa bwitugasye ubu. Kangi polelo uswe, twibene, tubagile ukugwila pasi, ukwiyipa twibene, mpaka Kyāla ikwega i sindano Yāke, i Ngamu ya Yeso Kristi, űngwa yakuti, “Yikayapo nayimo i Ngamu iyingi pāsī pa ku Mwanya kūko u mundu abagile ukupokigwa,” kangi ikusamisya u Būmi bwa Kristi mwa uswe. Polelo uswe tuli nu luko *ulu* ulwa lwitiko, u lwitiko ulu Kristi āli nalo. Kangi u lwitiko lwa Kristi lukālyāligwe mu baFarisai bala, pamo baSadukai bala mma, pamo mu ndeko syābo, abaketulo, kangi isefulia, nukusuka kwābo. Ulwene lwālyāligwe pa Lisyu lya Kyāla, ameni, fiyo, mpaka Kristi āli mu Lisyu, kangi i Lisyu lyāpeligwe ukuya mbili. Kangi polelo akabalilo kāko uswe tubagile ukufikapo ukuya ndasigwe-sindano na Maka Gāke, ukuti uswe tukufwa ku bwino gone bwitu bwene, kangi u lwitiko lwitu lukuya lwitiko lwanaloliloli, aleluya, polelo u Būmi bwa Kristi bulāsīgwe mwa uswe. Uswe tukwisa ukuya fipeligwa fyābūmi fya Kyāla, u buyo bwakwitugasyamo kūko Mbepo Mwikemo abagile ukutuma isaya Syāke imulielike pāsī ukukinda mula, kangi uswe twe bukusi bwa Kristi.

³⁴⁹ Yeso āyobile, “Ngimba ikylene kikasīmbigwa? Umwe mukungemela Une, ukuyoba, ‘Une ne Mwanundumiana gwa

Kyala.’ Ngimba ikyene kikasĩmbígwa, ukuti, ‘Umwe mwe bakyala.’ Ngimba u lulagilo lwĩnu lwene lutikuyoba ikyo?’ Bo yu Mōse, bo yu Eliya, bo ba basololi bala aba bītugasyága kifuki fiyo kwa Kyāla, mpaka Kyāla itolo ĩsamisyága Mwene mulamula mu bēne. Kangi abene bāyobága, komma pabēne, lōli Kyāla. “Ega ni linogono nalimo iki ugwe ubagile ukuyoba, ’nongwa yakuti ikyene kikaya ugwe gwe kuyoba mma. Umwene yo Tāta uyu ikwitugasya mwa ugwe; Umwene yo ikubomba ubuyobi.” Amasyu Gake gakaya gāmwene mma, panongwa yakuti, ubūmi bwake, umwene yo mfwe.

³⁵⁰ Linga ugwe kufwa, ugwe kwegwa ililopa ukufuma mu mundu, ugwe kubika imikota mwa mwene. Ulutamio lwakuti, bingi ba bēne bakabikígwamo siku imikota. Ugwe kwegwa ililopa ukufuma mu mundu, umwene abukile. Polelo ikindu kyene iki ugwe kubomba kyo kubika ililopa ilingi ukugomokesya mwa umwene; umwene isakuyaga mūmi kangi. Ugwe gwālyegile ililopa panja.

³⁵¹ Kangi lilino uswe tubikile i Lilopa lya Yeso Kristi nkati, muketile, kangi ikyo kikutwala u lwītiko lwa Yeso Kristi, u lwĩfimbilĩsya lwa Yeso Kristi, u bumanyi bwa Yeso Kristi, u bufisalyōyo bwa Yeso Kristi, u bufindang’oma bwa Yeso Kristi, ubunyakyala bwa Yeso Kristi, i kibabilisi kyābukundwe kya Yeso Kristi, kangi u lugāno lwa Kyala, uyu yo Yeso Kristi. Umwene yo Ntu kangi ikulagila ugwe. Kangi amalundi gāko lo lwālo, lwītiko. Amen! Ukulagililígwa nu Ntu, kikwegwa i . . . ? . . . Mwaketa umwe lelo. Apo po alipo u mūndu umpelelesye, akabalilo kāko umwene ikukaba ifimbilĩsyo isi.

³⁵² Polelo, Kyāla, ikwimilĩsya i Kipanga Kyāke ukuya Nsingilígwa, u nkikulu. Kyāla ikwimilĩsya i Kipanga Kyāke ukuya Nsingilígwa. Kangi mūmo Umwene ikutwalĩla aligwesa pamwenepamwene ukuya mwanundumiana Gwāke, ukubuka mu Nsingilígwa yula, Umwene kangi atwéle u Nsingilígwa ukukinda mu ngulilo isi, [Nkundwe Branham ikutika pa bolodi kahano-na-tubili—Nsimbi.] mpaka Umwene ikutwāla i Kipanga iki ikimalĩsye mu *iki*.

³⁵³ Amalundi gāngu gikwenda. Nongwa ya fiki? Panongwa yakuti untu gwāngu gukuyoba lulo. Lilino, iliyene likabagila ukwenda bo kiboko kyāngu, panongwa yakuti ikyene kyo malundi gāngu. Luteri akabagila ukubomba i findu ifi uswe twābombile, komma bōpe abaMethodisti, panongwa yakuti abene bāli kindukimo ikingi. Muketile? Amalundi gikwene panongwa yakuti untu gukuyoba lulo. Kangi untu gutikuyobāmo siku, “Lilino, malundi, umwe yaga kiboko. Imbulukutu ugwe yaga fisige.” Muketile?

³⁵⁴ Lōli, ingulilo yiliyosa, Kyāla abikile i findu ifi mu Kipanga Kyāke, kangi akibātike ikyene ukwisila mu kunāngĩsya ukuti aligwesa pamwenepamwene ali nafyo ifi, akabile imbagililo

isi. Kangi i Kindu *iki*, akabalilo kâko ikyene kimalisígwe, kyo Kipanga kya Kyâli ukubuka ku Bunyakiligwe. Kangi i kindu *iki*, kangi kimalisígwe, yo gwambombo gwa Kyâla, mu Kipanga kya Kyâla, iki kikubuka mu Bunyakiligwe. Lwimiko! Mukukéta iki une ngusanusya? Mwaketa lelo umwe. Ikyo kyo kindu ikisúsye.

³⁵⁵ *Apa* ikwisa u nnyambala, Pauli, ikwâla u lwâlo. Ireño ikwânda ukonamo *iki* pamwanya pa ikyene. Uyungi unkônge âlyonilemo *iki*. Uyungi unkônge âlyonilemo *iki*. Unkônge yumo *kila*, na *kila*, *nankila*, kangi ukukindilila pási mpaka ikyene kikwisa ku ngulilo ya bumalikisya. Loli ikyene kyo fiki? Ikyene yo Mbepo yulayula.

³⁵⁶ U mbepo yulayula uyu ikwitugasya mwa une, ikuyoba, “Maboko, fikila i kikwama kila.” U mbepo yulayula ikuyoba, “Mafiti, tendeka ilikato.” Muketile iki une ngusanusya?

³⁵⁷ Polelo, ubukusi bosa ubwa bundu bwâko bukupakisígwa nu kulagililigwa ni findu ifi, löli ikyene kibagila ukuya kilagililigwe kyosa mma mpaka ikyene môsa kikukaba imbagililo isi.

³⁵⁸ Ngimba umwe mupilikemo siku iki? Lilino unko une mbabûle umwe iki. Kangi yaga naloli. . . Bika iki pa mbulukuti yinu iyakupilikisya kwinu. Muketile? Unyololo gwamaka fiyo pa kifundo ikyonywa ukukinda-fyosa. Uko ko kutalusya. Ugwene gukaya gwamakako ukukinda pa kifundo ikyonywa ukukinda-fyosa.

³⁵⁹ Kali nâmake gaki aga *ifi* fiyêngelígwe, *iki* kiyêngelígwe; linga ikyene kili ni kifundo ikyönywa, pala pa apa umwene ikukonyoka. Kangi ikyene kikaya kyâmake ukukinda pa lufundo ulónywa. [Nkundwe Branham ikulongola pa ikisimbígwe kyâke pa bolodi—Nsimbi.] Lilino linga ugwe kukaba, ugwe kuyoba ugwe uli na *iki*, *iki*, ugwe ukuya na *iki*, apo po apa umwene ikukonyoka. Linga ugwe uli na *iki*, kangi ukuya nakyo *kila*, umwene ikukonyoka palapala pala. Ugwe uli na *iki*, kangi ukaya nakyo *kila*, ikyene kikwisa ukubongotoka. *Iki*, kangi ukaya nakyo *iki*, ikyene kikubongotokaga. *Iki*, kangi ukaya nakyo *iki*, ikyene kikubongotoka. Muketile? Kangi linga ugwe ukaya . . . Ukabagila ukuya na *iki* kisita kuya na *iki*.

³⁶⁰ Polelo akabalilo kâko ugwe kwiypa ubundu bwâko bosa, polelo Mbepo Mwikemo itolo ikwiyonelela ukwisila mwa ugwe, mu fimbilísyo isi, polelp ugwe gwe nyumba yabûmi. Polelo abânda bikukéta panja nukuti, “Uyo yo nnyambala îswile ni ulwífimbilísyo, ubumanyi (umwene ikwitika i Lisyu), ubufisakyôyo, ubufindang’oma, ubunyakyâla, ikibabilisi kyabukundwe, îswile nu lugâno lwa Mbepo Mwikemo. Muketile, pala umwene ali, ikwenda ukusyungutila.” Ngimba kyo fiki ikyene? Ubupime ubu abasitakwitika babagile ukukétapo nukuti, “Pala alipo u Nkristi. Pala alipo u nnyambala, pamo u nkikulu, aba bamenye iki abene bikuyobelapo. Ugwe ukambonamo ugwakisapo, unnyafupo, u mundu

gwabunyakyālapo.” Ugwe ufūngigwe. Ifungo yikuboneka pa mbafu syosya ibili. Kali ugwe kubuka pamo kwisa, ugwe kukéta ifungo itolo mulamula. Mwakete umwen lelo. Muketile? Akabalilo kâko u nnyambala pamo unkikulu ikikuba *iki*, poleo i Libwe-kitili likusuluka pási nukufunga ifyene mu Kitangala kya Kyāla, uyu yo Mbepo Mwikemo.

³⁶¹ Polelo i Lisyu, ukwisa ukufuma *Kuno*, likwibonesya Lyēne ukwisila mu kimo na kilikyosa kya findu ifi, muketile, nukukipela i Kindu kyosa iki ukuya Nyumba ya Kyala gwābumi, ikwenda, ikyākwegelela ikyābūmi kya Kikristi. Iki Kristi āli, abāndu aba bali, panongwa yakuti u Būmi Bwāke buli nkati muno. Abene bali mwa Kristi. Kangi u būmi bwābo bufwile nukufisigwa mwa Kristi, ukwisila mwa Kyāla, nukufūgigwa nkati mula nu Mbepo Mwikemo. Bakorinti Bākwānda 12. Uko ko kutalusya. Muketile? Ugwe kwiya gania gwimwene ufwile, polelo ugwe upāpigwe ndwītiko. Polelo ulwifimbilisyo ni findu fingi ifi fikōngelígwa kwa ugwe mpaka ugwe kuya mpelelesye, kifwani kyābūmi kya Kyāla. Ikyo kyakwikyela?

³⁶² Kangi polelo Kyāla, ukwisila mu kila, atwele kangi i Ngulilo sya Kipanga Ihano-na-sibili, ukunāngisya amakato mahano-na-mabili aga Umwene ātwéle, ukuyenga umwene-namwene Gwāke ukuya nkifwani Kyāke, Umwene yo Kipanga ikifwanamosa mu kifwani Kyāke. Kangi pa busyuko, u Mbili umfwanamosa ugu gwisakusyusigwa ukwakwitugasya nu Mwene bwilanabwila, panongwa yakuti ikyene yo Nsīngiligwa. Muketile? Polelo ikyo kikutumula mu ngulilo yiliyosa, ingulilo yiliyosa iyi yīsile.

³⁶³ Kangi filipo fingipo ifi fikulondigwa, kumbukilaga. Kumbukilaga iki Pauli āyobíle ukukilania apa mu Bahiburi 11? Unko une itolo mbabālíle umwe ikindukimo bo uswe tukāli ukwīgála apa, itolo i miniti. Kangi polelo ugwe. . . Ikyene mu luko kikukupela ugwe ukwipilika mu luko ulwa buhesya akabalilo kâko une. . . bwila, akabalilo kâko une ngubala iki. Une nguyaga pakummwanga Bahiburi 11, kangi une nguyaga pakwānda pa linandi 32.

Filiku ifingipo, *fiki ifi une nisakuyoba ukōngelelāpo? kabuno akabalilo kisakundolaga une ukubabūla umwe isya Gidiyoni, . . . isya Baraki, kangi . . . Samusoni, kangi . . . Yepta; . . . Davidi . . . kangi Samueli, . . . isya basololi:*

Aba ukwisila mu lwītiko bāponjwíle ifitangala, bābombíle ubugolofu, bākabíle ulufingo, bāligalíle akanwa ka ngalamu,

Bābotísye ubugāsi bwa moto, bābopíle ulugenge lwa kibūtílo, kangi ukufuma mu bōnywa bapēlígwe ukuya bakafu, bāli bamaka mu kubopa, bāsanwíke . . . basikali ba bahesye.

Abakikulu balinkwambilila abafwe bābo basyusígwe ku būmi kangī: . . . abangi bākindilemo mbutolwe, bakubílwe, kisita kwitikisya ubutabulígwe; ukuti abene babagíle ukukaba ubusyuko ubununupo:

364 Kubutali kūsī *kuno*. Muketile? [Nkundwe Branham ikulongola pa ikisimbígwe kyāke pa bolodi—Nsimbi.] Umma ndaga.

Kangi abangi bāli ni ngelo . . . ukūgila kwabugāsī . . . ukukomigwa, ena, ukongolelapo . . . iminyololo . . . ingamandanio:

Abene bātunyígwe, abene bā kekígwe pakati, abene bagelígwe, abene babūtígwe ni . . . fibūtilo: abene babēlāga paliposa mfipapa fya ng’osi kangī mfipapa fya mbēne; ukuya bapina, kangī batolwe, kangī batamígwe;

(Bābo aba i kīsu ki kaya kyakufikapo:) . . .

365 Muketile, mu mabraketi pala, umwe muketēsisye mwi Bāngéli lyinu.

. . . abene babēlāga mu lulangalanga, kangī mu fyāmba, kangī mu fīna na mu mbako sya kīsu.

. . . fyōsa ifi, bo bakabíle ubuketi ubununu ukwīsíla mu lwītíko, . . .

366 *Apa!* [Nkundwe Branham ikulongola pa ikisimbígwe kyāke pa bolodi—Nsimbi.]

. . . ubuketi ubununu ukwīsíla mu lwītíko, bakalyāmbilíle mma ulufingo: (Muketile?)

Kyāla bo abikíle ikindu kimo ikininunupo kuli uswe, ukuti abene kisita uswe balingapelígwaga bapelelesye.

367 Mukupilikisya ikyene? Abāndu aba bābo bāfwíle, *munu*, bikusūbíla nukugúlíla pa uswe. Polelo, i Kipanga *iki* kikufimbilisígwa ukwisa ku bupelelesye, panongwa ya kutwala ubusyuke. Kangi abene bali pásí, imyoyo pásí pa kigemo, ukugúlíla i Kipanga *iki* ukwisa ku bupelelesye Bwāke, ukuti bo Kristi naloli ikwisa.

368 Kangi *iki* Kipanga, umwe muketile, kikwisa ukuya kininipo, mu bunandi. [Nkundwe Branham ikulongola pa ikisimbígwe kyāke pa bolodi—Nsimbi.] Ikyene kyo kifinyupo ukukinda na apo, lóli itolo bo kusimba ukukilania pala, muketile. Ikyene kīsíle ku kapegeselo ka sindano. Mpaka, i Kipanga, mbunandi, kikufimbilisígwa ukufika mbuyo, mpaka ikyene kyo luko lula ulwa butumígwe ubu *iki* kyālekíle, panongwa yakuti, akabalílo kāko i Libwe-kitili ili likugomokéla . . .

369 Ilyene lili na kafwane-kanyambi *apa*, pāpo ilyene likuyaga pakwitugasya palapala nkati mula, pa piramidi iyi imbafu syake syosa sifwene. Ikyene kikyata itolo kitili *iki* kikwītugásya ukukilania pa mwanya mma. Ikyene kyo kikupilílo ikinini, kangī

ikyene kibagisenie ukwītugásya pamwanya pala, panongwa yakuti ikyene kikupāgúsya a misi.

Kangi bo ikyene kikwisa, i Kipanga iki kikufimbilisigwa ukuya kipelelesigwe.

³⁷⁰ Gōsa aga, amabwe agangi mu piramidi, galambalele nubupelelesye fiyo mpaka ugwe ukabagíla ukusanula nu lūbo pakati pa gene, masito mmatāni, galambalele nkati mula. Mūmo abene bagafikisye mmwanya, abene bakamanya. Lōli agēne gāyengigwe.

³⁷¹ Kangi pamwanya *apa*, akabalilo kāko i Kitili kya piramidi naloli kikwisa, i piramidi Yēne, u Mbili gwa Kristi gukufimbilisigwa ukuya mpelelesye. Komma twene itolo tumo utumanyisyo pamo ululagilo, pamo ikindukimo ikingi uswe tukindilémo. Ikyene kikufimbilisigwága ukuya nubupelelesye bo yu Kristi, mpaka, bo Umwene ikwisa, Umwene nu butimigwe bula bwisakufwanaga palapala ukumatika palikimo. Muketile? Polelo bwisakwisaga u Bunyakilígwe, ukubuka ku Kāya.

³⁷² Kéta kūko uswe tukwītugásya lilino, mu Laodikiya, kūko i kipanga kyāli ngulilo ya kipanga inyali ukukinda syōsa abene bālimo nayo siku. Mwi Bāngéli, uswe tukusyagania, iyene yo yāli yo yene i ngulilo ya kipanga iyi Kyāla āli panja pa kipanga, ikukung’usya, ukugela ukugomokela mu buyengo Bwāke bwene. Ifimanyisyo ni fipanga-fipāgūke fyālimbikile Umwene napanja pa kipanga Kyāke kyene. “Kéta, Une ngwima pa kifigo nukukung’usya. Linga u mundu aligwesa ikūmílwa nukwīgūla i kifigo, Une nisakwingilaga, nukulya nu mwene.” Muketile? Apa po ikyene kilipo, mu ngulilo ya kipanga *iyi*. Abene panandipanandi bālinsópíle Umwene panja, mpaka *apa* abene balinkuntāga Umwene gwesa. Abene batikulonda nakimo ikyakubomba ni Lyēne.

³⁷³ Lilino umwe mukukéta umwisyugu kūko uswe tukubuka. Napāpo ubumalikisyo bwa Ngulilo ya Kipanga kya Laodikiya bwisile ukuya butalalifu, mpaka ikyene ni Kikatolika, iki kyabongotwile ikyene mulamula nkati *munu*, kikwisa palikimo nukwibungania ukuya kipanga kimokyene ikikulumba. Ni kufulugania kwa fipanga, ikyene kyo kifwene ni Kikatolika.

³⁷⁴ Kulipo ukukindana kumokwene itolo, linga abene babagíle ukukilania ikyo, uko ko kwega umugonesyo. Ikyo kyo kyene ikindu mu diosisi, iki—iki—iki kikwimika i Kikatolika ni Kiprotestanti ukufuma ku lwībungānio, lo lubatiko lwa mugonesyo. I kipanga kya Katolika kikuyoba, “Ikyene go mbili.” Kangi aba kipanga kya Kiprotestanti bikuyo, “Ikyene kikwīmíla u mbili.” Aba Katolika bikutendeka i mīsa pa kyene. I mīsa yo, ukuti, abene bikulya umugonesyo, bikusūbíla abene bahobokelígwe. Aba Protestanti bikulya ikyene nu lwītiko, ukumpalísya Kyāla, mbulilanisi, ukuti abene bahobokelígwe. Aba Protestanti bikuyoba, “Uswe tuhobokelígwe.” Aba Katolika

bikuyoba, “Uswe tukusũbila uswe tuhobokelígwe.” Misa nu mugonesyo. Abene bikukikoléla ikylene misa; uswe tukukikóléla ikylene mugonesyo. I misa ku kusũbila ikylene kili lũlo. U mugonesyo ko kumanya ukuti ikylene kili lũlo, nukumpalisya Umwene panongwa ya kyene. Muketile? Kangi kilipo kyene ikindu kimokyene iki abene bikutoligwa ukwisa palikimo. Abene bisakubomba ikylene.

³⁷⁵ O, ikylene kikuboneka kimogi fiyo. Ikyene kisakubabũngánia, ukubombela. . . Ikyene kisa—ikylene kisakubõmbelága mosa mu. . . Ena, i Bångéli lyãyobíle, “Kangi ikinyamba ifi kyãpele amaka ku gwabulogwe,” muketile, ukwibungania bene palikimo. Muketile? Itolo katikati iki i Bångéli lyãyobíle abene bikubombaga, abene bikubomba ikylene lilino. Ikyene kili mulamula mu njila, undugu gugugu ugu. Komma ukuti une ndinako kalikosa akakulwana na bāndu Bakikatolika, kisita kukunda a bāndu Bakiprotestanti.

³⁷⁶ Umwe ba Methodisti na Baptisti, kangi mwe bingi umwe ba Pentekosti, akabalilo kãko ifipanga fyinu fibũkíle mulamula nkati mbwibunganie bwa fipanga, akabalilo kãko abene bãli nafyo ifikyungila-bafwe fiyengígwe kula ku New York, ikye kula kifulugania kya fipanga, ikylene kifwene itolo na United Nations ni findu. Abene bikugela ukwibungania bosa Bakiprotestanti palikimo.

³⁷⁷ Lilino, a Bakatolika bakomu pa ikyo, kangi bikubukága ukutwala, u Pope John uyu ugwa malongo-mabili-na-batatu, pamo malongo-mabili-na-babili, kilikyosa umwene ali, umwene ikugela, mu njila iyapãsi, inyololo, ukutwala ulwítíko lõsa ulwa Kiprotestanti nu lwítíko lwa Kikatolika ku lwítíko lumolwene, katikati iki i Bångéli lyãyobíle abene bikubombága. Mwaketa umwe lelo. Kangi a Baprotestanti bikugwila ku kyene, ulusambo, undisi, ni litela.

³⁷⁸ Fiki? Fiki? Panongwa yakuti abene bakaya nafyo ifindu *ifi. Ubumanyi*, “I Lisyu lyo litalwísye.” *Ubufindang’oma*, “Abene bãbo bikugũlila pa Ntwa.” Mukukéta iki une ngusanusya?

³⁷⁹ Bo yu bishopu yula ugwe Methodisti ãyobíle ilisiku ilingi, bo abene bãlitikisye kila. Kangi aligwesa amenya ikyo, mũmo, fiki kyapelíle kila, ukugela ukutendeka u lwípúto lumu ukuti luyobígwe nkipanga, pamo mu sukulu. Kangi bãlongaga uku. . . Une ngwinogona ilyene lyáli bũku lyãlwípúto lya Presbeteri, pamo ikindukimo ikingi, kangi abapãpi balinkustaka i—i—i sukulu panongwa yakuti abene bakitikisya ulwípúto ulu ukuyobigwa mu sukulu. Kangi u bishopu gwa kiMethodisti uyu ãli mwinitu ungangale gwamahala, umwene alinkwima nukuyoba, “Ikyo kyo kisobi.” Alinkuti, “Ikyene kikaya kyamundagilo.” Umwene ãkolíle akapepo ka ikylene. Umwene alinkuti, “Bo mu kipanga kyitu kya Methodisti,” umwene alinkuti, “mu kipanga kyitu ikya Methodisti,” alinkuti, “bingi

ba bāndu bitu akabalilo kōsa bikuyoba isya kikosyasoni kya Hollywood, kangi malongo-mahano-na-mana-na-bahano mwa mia yumo gwa bēne bikubuka ukuketelēla ikylene mulimosa.”

³⁸⁰ Ngimba kitamisye fiki? Abene basōkilēpo pa *iki*. Ikyo kyo katikati. Abene bāsōkilepo pa ikyo.

³⁸¹ Une nayobaga papapa apa nkyumba iki, ilisiku limo, kwa u—u—u nkulumba fwa kimo mwa fipanga ifinywamu ukukinda-fyosa ifya Methodisti kula mu Falls City, kimo mwa fipanga ifyamwambepo ukukinda-fyosa ifya Methodisti ifi filipo mu Falls City. Nāngísyā, ingulilo ya Methodisti iyi yikwisa mula kifuki ku ngulilo yītu pala, iya Pentekosti. Kangi umwene alinkuyoba, “Mu St. Louis, Missouri, abene balyēgile ubulinganio, ukufwana i myesi mitatu pamo mina igi gikindilepo, nukusyagania.” Unnyambala yula abagile ukuti itugesye apa ulubunju ulu. Ena, umwene yo njengesi uyu ikuyenga iki, ikutendekesya inyumba kuli uswe. Methodisti ya pa Main Street, kūko umwene yo mbakasya, kūko u Nkundwe Lum na bala yo ntimi. Popapo lelo uswe tukusyagania ukuti, mu kila, ukuti une ngusūbīla ikylene malongo-mahano-na-mabili-nikindukimo mwa mia gwa bandu ba kiMethodisti mbulinganio, aba, ukulōndésyalōndésya kwa St. Louis, kwānāngisye ukuti malongo-mahano-na-mabili-nikindukimo mwa mia gwa bandu ba kiMethodisti bākwesaga, kangi malongo-mahano-na-limo-na-lwele mwa mia gwa bēne bānwāga ifyakunwa fyābwalwa. Ugwa Methodisti! Kangi ikindu ikihesya kyāli, akabalilo kākō ikylene kyāli bulingānio bupīgwe, pamo ukusakikisya pakati pa banyāmbāla na bakīkūlu; abakīkūlu, ikylene kyāli malongo-mahano-na-mabili, malongo-mahano-na-mabili-nikindukimo mwa mia gwa banyāmbāla. Abakīkūlu bingīpo bakwesaga nu kunwa ukukinda aba bālipo abanyambala. Malongo-mahano-na-mabili, malongo-mahano-na-mabili-nikindukimo mwa mia, abakīkūlu bingīpo ukukinda kila kyalipo ku banyāmbāla.

³⁸² Lilino bule linga uswe twafikile pási ku Kimanyisyo kya i Bāngéli ikya kufwala ibūndu, nukusenga inywili, ni findu no ifyo, muketile, kūko ku bunyakyāla, abakīkulu ukwiyoaba ubunyakyāla nu bwíkemo? Isekelo sya makadi na filifyōsa ifingi, abaluhēho, abalotoka, kisita kuya nu bubagile ukwikola ululūmi lwābo bēne. Ulimo lwābo ukuyoba nukuhēha, nukusyungutula. Bule isya banyāmbāla? Isekelo sya makadi, isalo sya gōfu, panja pala bafwele-mwāsīnda, bafwele utwenda utunini utuboneketufitano, na bakīkūlu bala bikwenda nabo panja pala. Sikaya syakuswigisya!

³⁸³ Kéta ubukomu ubufitano bula bukwābīgwe pa ndumbilili yula, undumbilili gwakubamminyololo, ulubunju ulu? Ena, nkulumba. Une ndikwitika unnyambala yula atobesīgwe pa kila. Ngimba kibobile fiki ikylene? Unkundwe yula... Une ngabagila ukwinogona isya iyāke... [Yumo ikuyoba, “Dan Gilbert.”—Nsimbi.] Ena. Dan Gilbert, undumbilili

gwakubamminyololo. Akabalilo káko unnyāmbála yula ābopile mula nukungoga Dan, apa imyesi minandi igi gikindíle, kangi lilino unkasi gwāke ikupapaga u mwana. Ena, Dan afwile lino, abene bakabagíla ukusamisa ililopa ku kāna lilino. Umwene unkikulu ikuyoba ukuti Dan ālimfimbilise umwene, nukutu yula yo gwāke. . . “Uyo yo mwana gwa Dan.” Uluko lwa. . . Une ndikwitika ikyo kangi mma ukukinda mumo une ngwitika ukuti i—ukuti i—ilikungulu lili na mayoya ga ngunda. Umma, nkulumba. Une ngwitika ikyene kyo butungulu. Une ngwitika Dan Gilbert āli nnyāmbála gwa Kyāla. Kangi une ngwitika ikyo kyo bukumu bwa mōhési.

³⁸⁴ Bo i kindu kila ukugela ukubika pamwanya ukufwana ni nyīpúto sila. Unkangale yula ugwa kiMethodisti—bishopu gwa kiMethodisti āli gwamahala gākufwana ukukōla kila. Linga umwene abagíle ukuya, linga kila kyabagíle ukukindilíla, kila kyāpakígwe ni kindukimo ikingi. Uko ko kutalusya.

³⁸⁵ Itolo bo ulutamio lwa bupagulanio ulu kula Kwitongo, ikindu kikifwane. Une ngwitika a bāndu bayege bābúke. Une ngwitika i kīsu iki kikwimila ubwābúke. Une ndikuleyanila u Tāta. Kennedy panongwa ya kutuma kūsi abasikali. Palema nalinga, une ngaya ne—ne “bupilikane ubupya,” kangi une ngaya n’Democrat. Une ngaya m’Republican. Une ne Nkristi. Polelo une ne. . . Loli une ndikwitika mu kila. Une ndikwitika a bāndu bikufimbilísigwa ukūlísya ubwābúke bwākupāpígwa bwāba mma ku findu bo ifyo, bópe. Ikyene kyāli i—ikyene kyāli lubungano lwa Republican. Ililopa lya Abraham Lincoln lyālyābwíle a bāndu bala panongwa yakuti umwene āli nnyāmbála unyakyāla. Une ngwinogona abene bikufimbilísigwa ukwibanilíla ku lubungano lwābo linga abene bikuyaga pakusala na panandi.

³⁸⁶ Lōli une ngubabūla umwe ikindu kimokyene, u ndumiana yula akāli pási nkati mulu itolo panongwa yakuti, i sukulu syābo. Undumiana yula yo mwenekīsu. Umwene yo gwa kiMerika. Ubu bo bwābúke kuli bōsa. Ilangi ya mundu yilingasanusyaga ukukindana kwāke mma. Uswe twesa. . . “Kyāla,” alinkuti, “ukufuma mu mwenda yumotwene, āpelíle ililopa lyōsa, ifikolo fyōsa.” Uswe twesa tuli yumoywene. Lōli, undumiana yula, umwene āli nsikali. Umwene yo nsikali-ntusyāno. Umwene alwil’ubwíte panongwa ya iki kitalusye. Umwene āli nu bwābúke ukubuka ku sukulu. Uko ko kutalusya. Lōli umwene āli ni sukulu sinyinginyingi umwene ābagíle ukubukako.

³⁸⁷ Ikyene kyo iki ikindu kili. Linga ugwe kwisa kunyuma kwa ikyene, ikyene kyo kindu pala kya lisiku-lyamwisyugu ikyafipanga-fipāgúke, ikyo kyo kikwandisa kila. Fiki? Abene bikusyusya isalo sya bāndu batitu bala ukufuma ku Republican ukubuka ku Democrat, kangi abene bikūlísya ubwābúke bwābo ubwābupāpígwe ukwisila mu kyene. Katikati bu bwanaloli. Mbepo Mwikemo akaya apa. . .

388 “Unko umwene ali na mahala.” “Unko umwene uyu ali nu bumanyi.” Katikati. Itolo bo i kipanga iki, i ngulilo ya mwisyugu iyi, yikwigulisya yene. Ngimba ugwe ukabagila ukukéta iki kikubonekaga?

389 Une ndikupasya linga ikyene kikusimbigwa pa tepi. Ap ikyene kikwisa. Uu-huu. Ena. Fitamisye fiki? U māma gwāngu unkangale ālisibīle ukuyoba, “Mpapo u mōhési ifyākumbagilīla fyāke.”

390 Alipo unnyāmbāla yumoywene uyu ikindu kyene ikyamahala, yula āli Castro pāsi pala. Ena, nkulumba. Umwene ābukīle pāsi pala. Kangi aba kapitolisti balinkukomigwa ni mikyapi na filifyosa ifi . . . ikyene kyo kili pa bupime bwa golidi, bo yu United States. Ngimbwa ābombīle fiki? Umwene alinkūla ingopesyo syosa sila. Ukusyaga i hela mu njila yiliyosa umwene abagilīlīle. Ngimba umwene polelo ābombīle fiki? Umwene āsīmīlīle i hela iyīngi, nukusanusya iyene. Ukugomola isyene kulakula. Ikyo kindu kyene iki ikīsu iki kyābagīle ukubomba.

391 Ngimba umwe mwāpilike u *Ndisi gwa Bumi* ulubunju lumo? Fiki, umwe mumenye, ikyene kili itolo bo ugwe kūlisya ingopesyo pa golidi. Ingopesyo sitalīle syēgigwe. Kangi i sikali iyi iyamwisyugu lilino yikulya i hela panongwa ya fiki? Panongwa ya hela ya misongo iyi abene bisakubunganiaga ifyinja malongo mana ukufuma lilino. Umwene amalike. Iyo yo *Ndisi gwa Būmi* ukufuma kulakula ku Washington, DC, ukukilania ikīsu. Isongo, abene bikulya, kangi ukugela ukūla ifyapanja . . . Ena, abene bikupa itolo panja mulimosa. Ngimba umwe mutikukéta? Ikyo kyo katikati iki abene—iki abene bikubombaga. Muketile? Ikyene kyo fiki? Lilino, linga i kīsu iki kikubūkaga mukukamandigwa, ikindu kyene iki ikyene kibagīle ukubomba ko kubuka mbukamandigwe. Ikindu kyene kiki ikyene kibagīle ukubomba ko kwifumusya ukuya kisitahela.

392 Ikyo kyo kyene ikindu kyamahala ukubomba, sanusya i ndalama. Lōli abene batisakubomba ikyene, pāsi pa bulagili ubu. Katolika gwa Roma yo mwene golidi gwa kīsu. Kangi iki abene bisakubomba ki kugulisya panja, “Abanyāmbāla abakabi,” na fyosa bo ifyo, “aba nkīsu,” mūmo i Bāngēli lyāyobīle. Ngimba abēne bisakubombaga fiki, bo abene bakāli bakapondwa, Aba Brown And Williamson Tobacco Company, kifuki kyōsa kya ikyene kyo kyaKatolika, mulimosa, kangi fyosa ifindu ifingi ifi, ifi abene bikubombaga? Abēne bisakwitikisyaga ikyo, kangi abēne bisakwega i hela ukufuma ku Roma, kangi polelo umwene agūlisye ubwābūke bwāke bwene ubwakupāpīgwa. Roma ikuntūla umwene. Ena, nkulumba. Umwene isakukitūla ikyene. Kangi abēne bikukaba indagilo isyakufikapo lilino, ukukaba isyakufwana ukusyungutila abene, ukutwali mula i kabinetī yāke. Kéta iki Tāta. Kennedy ikisuma.

393 Kangi akabalilo kâko umwe mukukéta iki, ilisiku limo, kukayapo ukulondigwa nakumo ukwakusala kangi mma. Ngimba ukusala kuli ni mbombo ya fiki? Napâpo, abêne bikubîka mula ikalatasi, kangi bâsisimikisye ikyene pankyeni pa kilundilo, kangi abêne balinkukâna ukubombapo kalikosa isya ikyene. Napâpo, abêne bâsisimikísye ukuti amakina ukukilania ikîsu gâpingikígwe, ukuti abêne bâsalîle u Tata. Kennedy ukwisila mu lusalo ulwabusyobi. Ngimba i Bângéli likâyobile ukuti umwene ikwisaga ukwisila mu busyobi? Naloliloli, ulusalo lwabusyobi. Lilino, une ndikulwana ni kibunganie kya Democrat ukukinda ikibunganie kya Republican, lôli une itolo nguyoba ifundo ukufuma mwi Bângéli. Ngimba u lusalo lwa mbombo ya fiki? Abene bikumanya uyu ikwingila mula.

394 Balinga ba umwe mukukumbukila isenema mûmo ikyene kyâli na bakikûlu babili bikwîma? Kangi yumo ikuyoba, “Une ngunsalaga Tâta. . .” Pamo, unlikûlu gwa kiProtestanti alinkuti, “Une ngunsalaga u Tata. Kennedy.”

Abene balinkuti, “Fiki?”

395 Alinkuti, “Panongwa yakuti une ngwinogona umwene nnyâmbâla nkomuko ukukinda Tata. Nixon. Umwene isakupela u Presidenti unnunuko.”

396 Polelo umwene alinkuti, “Uyu yo nkîkulu gwa kiKatolika. ‘Yo ywani kunsalaga ugwe?’”

397 Umwene alinkuti, “Une ne Nkatolika, unKatolika gwa Roma, unKatolika unsûbilígwa.” Umwene alinkuti, “Kangi une nguyaga pakunsala Tata. Nixon.”

“Fiki?”

398 Alinkuti, “Panongwa yakuti, une ngwinogona Tâta. Nixon ikupela u Presidenti unnunupo panongwa yakuti umwene isibilepo kingipo pa findu. Umwene isibilepo kanunupo ni kikomyunisti.” Unlikûlu yula âyobile ubutungulu.

399 Une ndinalyo *Ifu*. . . iki abêne bikukôlêla, *Ifundo Sya Lwîitiko Lwîtu*, ilibuku lya Katolika lyapamwanya ukukinda ili libagîle ukûligwa. Kangi ilyene likuyoba nkati mula, “Linga alipo unKatolika pa mbombo, uyu ikulwana bu mProtestanti; linga unKatolika ikusala u mProtestanti, abêne bikusosisgwâpo pa bulilanisi bwa kipanga kya Katolika.” Kutalusya. “Kangi linga balipo a baKatolika babili bikulwana pa mbombo yimo yilayila, abêne bisakusalapo u nKatolika uyu yo nsûbilígwa ku ‘kipanga kya mâma’ ukukindapo nukubasala abêne.”

400 Muketile mûmo, ubusyobi bula, iki abêne bikugela ukubomba? Ukupa i hela kulikosa, ukûla. Fiki? Abêne bikugela ukukonyola ikyene. Kangi abêne bikubomba ikyene, kangi umwene akayanihela. Kangi ngimba ikyene kyo fiki? Ikyene kili pa bupime bwa golidi. Kangi i kipanga kya Katolika, ikilingo, kikabile u golidi gwa kîsu. [Umundu yumo ikuyoba,

“Amabiliyoni mia-yumo-na-malongo-mahano-na-limo-na-lwele.”—Nsimbi.] Amabilioni mia-yumo-na-malongo-mahano-na-limo-na-lwele. Mwaketa umwe lela. Ukunsōpa umwene ukugomokéla itolo ku bupīme bwa golidi, kangi mwe bandu umwe itolo kyungaga utwaya twinu ni findu, lōli umwe mwe mbakasya sya kipanga kya Katolika. Ikīsu iki kyo mbakasya ya kipanga kya Katolika. Ikindu kyosa kikamandīgwe mulamula nkati bo ulu, ukwisila mu ndalama. Ngimba i Bāngéli likāyobīle isya ikyo? Ikyo kyo kibonekesyo iki i Bāngéli likusingulila uswe.

⁴⁰¹ Iki une ngugela ukuyoba, nkundwe, umwisyugu. Abene bisakupobaga, “Ikyo kisakupelaga ikyene kipanga kinunu. Ikyene kisakubūngāna ni kiProtetanti.” Ikyene kikuboneka kinunu ku kisige ikipeligwa, lōli u bumanyi bwa kīsu iki bo butoyofu kwa Kyāla.

⁴⁰² “Kangi ikyene kyālinsangalwīsyé Kyāla, ukwisila mu—mu butoyofu bwa kulumbilila, ukupoka bala bābo bātagīgwe,” ukwisila mu mbombo ya Kyāla, iyi Umwene āpakīle mu Kipanga Kyāke, ukuyēnga i Kipanga pa fyakubagilila fyāmwambepo kangi komma pa kalikosa aka kakufwana ni kīsu.

⁴⁰³ Peteri āyobīle, “Kangi panongwa yakuti umwe mubopīle ububole bwa kīsu ukwisila ku kinyonywo kya hela, ni kinyonywo kya kabalilo akakulumba, nu bwikyēle, nu kulya, nu kunwa, kangi ikinyonywo iki uswe tulinakyo. Umwe mubopīle kila. Kangi lilino umwe muyēngīgwe mbūmi. Une nguyobela iki ku Kipanga,” umwene alinkuyoba. Mwaketa umwe lelo. Ngimba umwe mubalīle ikyo? Ngimba umwe mupilikisye ikyene? Ngimba umwe mupilike ikyene akabalilo kako uswe twābalīle ikyene kunyuma kuno mwa Peteri Gwakibili? Pilika itolo iki umwene ikuyoba apa, mūmo ikyene kisimbilīgwe mbumōgi nkati muno, mūmo umwene—umwene ikuyobela ikyene. Umma ndaga. Pilikisya ku mwene lilino bo umwene ikuyoba. Umma ndaga.

Peteri, *Simoni Peteri, ugwambombo kangi ntumigwa gwa Yeso Kristi, ku bala aba . . . bakabīle u lwītiko ulupala bo lwa uswe ukwisila mbugolofu bwa Kyāla nu Mpoki gwītu Yeso Kristi:*

. . . lutēngāno luyege—luyege lubālisīgwe kwa ume ukwisila mu bumanyi bwa Kyāla, kangi ukwisila Yeso Kristi u Ntwa gwītu,

Ukufwana mūmo—mūmo a maka gāke agabwākyāla abōmbīle atupele kwa uswe ifindu fyōsa . . .

⁴⁰⁴ Ywani ikuyaga pakwingila ikilingo i kīsu ni findu fyōsa? [Umundu yumo ikuyoba, “Abikémo.”—Nsimbi.] Naloli. “Ukufwanako . . .” Ena. Umma ndaga.

. . . iki kufwanako ku būmi nu bunyakyāla, ukwisila mu bumanyi bwa umwene uyu abombīle atukōlīle uswe ku lwīmīko ku lwīmīko:

Ukwisila mũmo tuli uswe tupĩgwe ku i ikyakukinda ikikulumba... ulupala ulufingo: ukuti ukwisila mu ifi umwe mubagĩle ukuya balilansi ba kipelĩgwa kyabwakyāla, ukufuma pa kubopa ububole (Pilikisya ku iki.) ubu buli nkĩsu ukwisila nkinyonywo.

⁴⁰⁵ Ikinonywo ku hela, ikikunyonywo ku fingu ifinywamu, ikinyonywo ku bufumuke, ifindu ifi fifwile ku mwitiki. Uswe tutikupasya. Iisyenga pamo ikitembe, nongwa ya fiki une mbasyege; ukuyamũmi pamo ukufwa, ukumilwa pamo ukwibila? Iki kyo kindu iki une ngwikyelamo, i Kitangala kya Kyāla. Kali une ngāli nguyaga na kāya, kali une ngāli nguyaga ni kikola kyāngu, kali une ngāli nguyaga na kilikyōsa ikylene kili, unko une njege na Kristi, ulusũbilo lwitu lwa Lwĩmĩko.

⁴⁰⁶ Njenga une mmwanya, O Ntwa, mu *Iki*. Unko Kristi ayege Ntu gwāngu, ikyo kikubombela mwa une. Pa lwālo lwāngu, ulwĩtiko lwāngu ulu luli mwa Mwēne, unko ulwĩfimbiliso, ukufisalyōyo, ubufindang’oma, ubunyakyāla, kangĩ ikibabilisi kyabukundwe, fibombēge mwa une, O Ntwa, lo lwĩpũto lwāngu. Une ndikupasya; ukuyamũmi pamo ukufwa, ukwibila pamo ukumilwa; kipanga-kipāgũke, kisita kipanga-kipāgũke; mwĩnāngu pamo kisita mwĩnāngu. Unko Ikyo kibombe mwa une, unko ulwĩfimbiliso lwa Kristi, ubumanyi Bwāke, bonekelega panja, ukuti une mbagĩle ukumanyisya bala.

⁴⁰⁷ “Kabuno Kyāla abĩkĩr mu Kipanga, abatumigwa, abasololi, abamanyisi, abatimi, na balumbilili, bōsa ku kupelelesya nukutwala fyosa ifimbiliso isi mu kyene, ku bupelelesya bula ubwa Kwisa kwa Mwanundumiana gwa Kyāla.” Lililyosa Iya mabwe *aga go* kandu ukufuma ku Kila. *Iki* kyo kindu kya Iki. Yilyosa iya fimbiliso isi sili mwa Mwēne, kangĩ isyene sikonekela ukufuma mwa Mwēne, ukusuluka ukwisila mwa bēne. Ameni.

⁴⁰⁸ Iyene yo sala ya kalongo-na-sibili. Ko kũgu kũko ikylene kyōsa kikubũka? Ameni. Ngimba umwe munganile Umwene? [Ikilundilo kikuyoba, “Ameni.”—Nsimbil.] Ngimba umwe mukwitika ikyo? [“Ameni.”] Pilikisya, gwe nnini.

⁴⁰⁹ Kalumba Kidd āyobĩle, ulubunju ulu, “Nkundwe Bill, une ngamanya kali une ngufikaga ukukubona ugwe kangĩ.” Kila kifwanaga kikungoga une. Muketile? Umwene ikwinogona umwene ikukangala, kangu umwene ali. Une nipũtĩle ukuti Kyāla ampaye umwene nu Nkundwe Kidd, akabalilo katali.

⁴¹⁰ Unko une mbabũle umwe, uswe tukamanya tukayaga na yumo nu nnine akabalilo katali bule. Une ngamanya kabalilo katali bule une nguyaga na umwe. Kyāla abagĩle ukungōlėla ukusōsyāpo une ukufuma nkĩsu. Umwene abagĩle ukungōlėlėla une ku ngunda ugungi gwa bubombelo. Umwene abagĩle ukukukōlėla ugwe kubuyobumo. Uswe tukamanya. Lōli, unko

uswe—unko uswe tukabe. Unko uswe tulingitikisyaga itolo iki ukutukilania uswe. Unko uswe twêge ikyo.

⁴¹¹ Pala ikylene kilipo, mwa Bângéli. Apa ikylene kili, kikubâtika kilikyôsa ikingi. Kangi linga une itolo nâli na kabalilo ukubomba ikylene! Ugwe ukabagila ukubomba ikylene mu lisiku limo. Umwe mumenye ikyo. Lôli, mbagîle ukupinya ikindu kyôsa palikimo!

⁴¹² Kêta kuno, akabalilo kâko uswe tukumalisania ni ndumi yila pala, umwe muketile iki u Mbepo Mwikemo âbombîle pala pa kibũmba, bule umwe? Balinga bâli apa akabalilo kala? [Ikilundilo kikuyoba, “Ameni.”—Nsimbi.] Muketile? Naloli! Ukusuluka palapala pási, ukusimba ikindu kilakila môsa, u Gwândúmi gwa Ntwa yula.

⁴¹³ Muketile, ikylene kyo kyabwanaloli. Komma ukukyitikisya ikylene kikubope ugwe. Kolelaga ku kyene, mwe bāna. Kolelaga ku ikyo. Kumbukilaga, yēnga pa lwítiko lwāko, ulwifimbilísyo, ubumanyi, ubufisalyoyo!

⁴¹⁴ Lilino, apa, une ngwinogona une nâli na kapatu ka kakalatasi apa, linga une ngakagwisya akene pa buyo bumo bo une ngulumbilila. Papapa apa akene kali. Ndaga ugwe, nkundwe. Ndaga ugwe, fiyo fiyo. Linga ugwe kulonda uku—uku kêta pa kyene, nukukêta linga kilipo ikindukimo apa iki umwe mukuya mubagile uku. . . Lumo ikylene kyo kisimbigwe ikinunupo ukukinda iki kili pala, ukuti umwe mubagîle ukwegelela fimo mwa iki ukufumako. Une nisa itolo ukupayika ikylene pamwanya apa, kangi umwe mubagile naloli ukukêta ku kyéne kangi—kangi nukutaipa ikylene mosa.

⁴¹⁵ Kangi une ngulonda umwe ukukyêga ikylene nukufunda ikylene, kangi ukufwanikisya ikylene, kangi poleli ukubombapo pa kyene. Komma itolo ukufunda ikylene, fwanikisya ikylene, lôli bombapo pa kyene bo umwe mukubomba. Ega ikylene nubwanaloli kwa mwĩbene. Komma ukuyoba, “Ena, une nâlikyêlile ukupilikisya ku kyene.” Une nâlikyêlile, nĩne. Lôli ukupilikisya ku kyene, kangi polelo ukwambilila ikylene, ko kukindéne. Muketile? Muketile? Ikyene kyo kikindéne. Muketile?

⁴¹⁶ Silipo i mbagilile sihano-na-sibili ukupela ubupime bwa Kyāla. Silipo i Ngulilo sya Kipanga Ihano-na-sibili, isi Kyāla âtwéle i Kipanga ku lubagililo ulu. Kangi Umwene yo âli na batumigwe bahano-na-babili ukubomba ikylene. Filipino fihana-na-fibili, fihana-na-fibili, fihana-na-fibili. Muketile? Ihano-na-ibili yo—yo mbalilo ya Kyāla ya kumalisya, kangi itatu yo mbalilo ya bupelesye ya Kyāla. Polelo, pala pali itatu, kangi aba ihano-na-ibili batatu. Polelo, mumbalilo, mwambepo, mu Lisyu, mu bũketi bwa Mbepo Mwikemo, kyosa kya ikylene kimalisisye i kindu palikimo. Unko uswe tukifunde ikylene.

417 Unko uswe tōngeleleko ku lwítiko lwítu ifindu ifi, polelo, ukuti uswe tubagíle ukwisa mu bupíme ubufwáne ubwa Kristi; ukuya balungisanie palikimo nu lugáno lwabunyakyála, ukutila kwa Kyála, ulutende mu ndumbula syitu yumo ku nnine, uluyindikio ulusolofu kwa yumo nu mnine, ikibabilísi kya bukundwe nu bulumbu, nasiku ubwámahelu, nakimo, lóli itolo ubwífyúsi bwa Mbepo Mwikemo ukuyamūmi. Muketile? Ukwitugasya palikimo, yaga Nkristi. Endaga nu lwítiko. Unko ulwifimbilísyo lwa Kyála lwendelelege mwa ugwe; unko ubumanyi bwa Kyála, bo ikylene kikwisa ku butalusye pamo ubusobi. Akabalilo káko u mōhesi ikutwala ikindukimo iki kikaya katikati Kyamasimbo, sokága ngapo ukufuma ku kyene. Uko ko kotalusya.

418 Une mbagíle ukwinogonela bala abatumigwe bakabōmbilémo siku bo uswe. Abene bābelaga, lumo abanyāmbála ba masyu manandi, mpaka abene bafike pa kigemo. Abene bālísile mūla kangi abene bābombíle iki abene babagisenie ukubomba, nukusókápo pala. Ena, nkulumba. Abene bāli na maka. Abene bāli nu lwífimbilísisyo. Abene bakāli naga amatāti nu mundu nayumo. Abene bāmenye apa abene bālímíle. Isyo syo syōsa. Abene bālimmenye uyu abene bālítíke. Abene balyūmilísyé ukwenda mwa Mbepo. Ukubomba kyene. . .

419 Itolo mūmo une njobíle nkilo. Ukwitikisya nuntu ukunini, uko ko kōsa Kyála afimbilisigwága ukubomba, polelo nakimo kyayaga pakubímíka abene. Abene bakālalusyága nu kufunda, nukwiyaya nukupasya mūmo uswe tukubōmbéla, kali abene babagíle ukubomba *iki* pamo *kila*. Abene bābukága nkyeni nukubomba ikylene, mulimosa. Itolo ukwitikisya nuntu ukunini ukufuma kya Kyála, kula kwābombága ikylene, itolo mwanakalinga. Fiki? Ngimba abene bamanyaga bulebule ikylene kyáli kwitikisya nuntu ukufuma kwa Kyála? Abene bāli ni fimbilisyo syosa muno, imbagililo syōsa isi. Kangi ukwitikisya nuntu ukwākwanda kwa Kyála kwāfwanikisigwága na kayabo kalikosa ka *iki*, kangi ni Lisyu Lyáke. Abene bāmenye ikylene kyáli Lisyu lya Kyála, kangi ukusókápo abene balinkubuka. Bakālongdigwága ukupasya isya nakimo ikingi. Akabalilo kako Kyála āyobíle, abene bābūkíle. Uswe tukuyoba. . .

420 Kyála ikuyoba kwa uswe, kangi uswe tukuyobaga, “Ena, uswe twisakwandako. Uswe twisakukéta linga uswe tubagíle ukwitugasya u Būmi ubu.” I kindu kyākwanáda ugwe umenye, umunduyumo ikukalalisya ugwe. Ena, naloliloli, uyo yo mōhesi.

421 Umwe mubagíle ukumbona umwene ikugele ukunyumilisyá une ukuya kubutali nu lukomano ulu ulubunju ulu. Umwe mwabagíle ukuti āngali mubōmbíle ikyo akabalilo kamo. O, kisa! Une ngufimbilisigwa ukulwa akabalilo kosa une nguyobapo sya lukomano lumo. Kangi linga une ngubuka ukwiputula ababine, kangi yumo ikufwa kisita kupokigwa,

sikuya ngapo ingōlélo sikwisa mula mmaminiti kalongo, linga isyene sibagile ukufika nakalinga bo lula, ukunyumilisa une ukufuma ku kyene. “O, Nkundwe Branham, ugwe kulondigwa ukubomba *iki*.” Loli gulipo u moyo ugu guli kali-kali. Naloli. Ena.

⁴²² Ikilo kimo, une nābukile ku buyo bumo. U ndumiana untubwa, une nāyobile ku mwene pāsi apa mu iki-mukukikōléla-ikyene, ililūk’ilikulumba, ifyinja finandi ifi fikindile. Umwene ālisile ukuya kinwelwa. Une nālimmenye u ndumiana, u ndumiana unnunu unnyafu, lōli umwene āli monangi. Kangi polelo unna ākolile. Une ngwinogona umwene ākolile Doc kabili kosa. Une . . . Nākōlile, kangi abene bālinkōlile Billy, kangi—kangi kubumalikisyo une ndikuyaga indumi. Kangi akabalilo kāko une nāyagile i ndumi, ubwanaloli ku bununu, une ngālimo siku nu kulwana kwingi mbūmi bwangu, ukwakufika ku ndumiana yula.

⁴²³ Kangi akabalilo kāko une nāfikile kula, umwinitu umpelakisa ākilenie pakummanya une. Pala umwene ālipo, alambalele pala, alēngwike, kangi itolo ikikindilila nubutufu. Ugwisa ukugela ukupapasya umwene, nukuyoba, “Lūki.” Kangi u nnyāmbāla āli malongo-mahano, ukufwana ifyinja malongo-mahano-na-kimokyene mbukusi. Kangi ikuyoba, “Lūki,” *iki*, kangi “alambaléle kimyemye.” Kangi umwene āgelāga ukusumuka. Utuboka twāke utunini ukufwana ubunywamu *ubu* ukusyungutila. Undumiana āli na kansa mwingi fiyo mpaka umwene akāli nakimo lōli yu kansa. Utumbakasyo tōsa utwa mbili gwāke twāli na kansa. Lōpe nu lusōko lwa lilopa lyāke lwāli kansa, kilikyosa. Kangi pala umwene āli, ukugela ukusumuka, kangi ukuya ntufu bo lula.

⁴²⁴ Une ndinkumwega umwene pa kiboko kyāke, une ndinkuti, “Woodrow, Woodrow, uyu yo Nkundwe Branham.”

⁴²⁵ Ugwisa alinkuti, “Ngimba ugwe ukamanya? Uyu yo Nkundwe Bill. Woodrow, uyu yo Nkundwe Bill.”

Umwene alinkuti, “Aa. Haa. Aa-aa-aa.” Bo *ulo*.

⁴²⁶ Kangi ugwise alinkukéta kangi alinkuti, “Billy, ugwe gwisile ukābile panini.”

Une ndinkuti, “Siku ukukābila fiyo. Umwene ali apa.” Une nāli nu bwite bumo.

⁴²⁷ Kangi polelo abalumiana abangi, abalumiana abākongelelāpo, abonangi, bālimile pala, bamo mwa bakamo bāke. Une ndinkuti, “Umwe muketile, balumiana, itendekeyāga, kabuno umwe mwisakwisa ku buyo ubu. Umwe mubagile ukwisa kunokuno pāsi apa. Muketile? Lumo komma na—na kansa uyu. Umwe mubagile ukwisa ni kindukimo ikingi, panja pa nsebwe-unkulumba, mukōn’ililopa kubufwe, pamo

ikindukimo. Umwe mukufimbilisígwa ukwisa ku kyene.” Uswe twāyobile ku bene.

⁴²⁸ Une ngugulila ukukéta iki u Mbepo āyobíle mbōmbe. Ngugúlíla. Ikindu kyākwaná umwe mumenye, une ndinkwipilika kula ukwitikisya nuntu. “Lambalika amaboko gako pa mwene.”

⁴²⁹ Une ndinkwenda ukusyungutila, nadinkuti, “Mwesa ba umwe inamisya imitu gyinu.” Abene bōsa balinkwinamisya i mitu gyābo, babili pamo batatu abīnitu abakeke nkati mula.

⁴³⁰ Une ndinkubika amaboko gangu pa mwene. Une ndinkuti, “Ntwa Kyāla, unko u ndumiana uyu ayege na mabyebye aga kumanya iki umwene ikubombaga, bo umwene akāli ukwagana ni kindu iki. Umwene ikufwa. U mōhési āntwéle umwene kubutabanio, kangi umwene ikubūka. Kangi umwene īnwelíle mwene ku bufwe, kangi apa umwene ali mu bwitugasye ubu. Une ngusuma Ugwe ukuya gwakisa ku mwene.” Kangi akabalilo kāko une nālimmwipūtíle umwene, ulubunju lwa kilabo umwene āsumwike itugesye, ikuyoba ku gwíse.

⁴³¹ Busty Rogers, yūyo. . . Abene bālingōlíle une pási apa ku kipatala, pakaya patali mma. Une nāli panja kula ilisiku lila, ukufuma pāpo une nālumbilíle pási pala ku Milltown kūko unnini Georgie Carter ābumbulusígwe. Mwesa ba umwe mukukumbukila ikyene. Kangi kula bo u Nkundwe Smith, undumbilili gwa Methodist, ātíle, “Linga aligwesa ōsigwémo siku, i Ngamu ya Yeso Kristi, sōkapo apa ukufuma pási pa kitembe kyāngu,” bo ulo. Pamwanya pala ku Totten Ford, ukuya nu lukomano lula pamwanya pala. Kangi, o, ukungemela une panongwa ya filifyosa umwe mubagile ukwinogonela. Une ngayobilémo siku i lisyu; ndinkukindilíla nkyeni. Une nāli nu butumígwe. U Ntwa alimbonisye une imboniboni. Kālipo akang’osi pási pala, kítabénie ku buyo bumo ndulangalanga. Umwe mwesa mukukumbukila i mboniboni, mwesa ba umwe. Une ngusakikisya umwe mukubomba. Ngimba umwe mukukumbukila iyene? [Ikilundilo kikuyoba, “Ameni.”—Nsimbi.] Naloli. Umma ndaga. Polelo une nābukága pási pala ukukinda ululangalanga kula, ukufwimila akene.

⁴³² Une ndinkubuka ku Totten Ford. Nkundwe Wright pala ikumanya. Uswe twābukíle kula, tukāmenye ikyakubomba. Une nālyūlíle aka bokosi ka sopo kanini, ukuhomba i sumuni. Une nayaga pakubuka panja pala, nīmíle pala kangi ndulumbilili pa likato. Umwene alinkuyoba umwene ayaga pakubuka mmwanya, pamwanya pa kām̄ba, ukwakubomba ukūlisya kumo. Une ndinkubuka nu mwene. Kyālíko i kipanga kya Baptisti ikinywamu ikyaiyolo kitugesye mmwanya kula, kikaya na bandu. U Ntwa āyobíle kwa une, “Ima pala.”

433 Une ndinkuti, “Ndwalila une panja kulakula kula, Nkundwe Wright.” Une ndinkwima. Umwene alinkukindilila mmwanya nukugomokela.

434 Une ndinkubuka kula, ndinkutoligwa ukwigula ikifigo. Une ndinkuti, “Ntwa, linga Ugwe guli mu iki, Ugwe kulonda une ningile nkipanga iki, igula ikifigo kuli une.” Une ndinkwitugasya pasi kangi ninogonaga.

435 Ndinkupilika umunduyumo ikwisa; ukusegeléla, kangi umwene alinkuti, “Mubombile ndaga? Une ngukubulaga ugwe,” alinkuti, “ugwe kulonda ukwingila nkipanga?”

Une ndinkuti, “Ena, nkulumba.”

Umwene alinkuti, “Une ndinakyo ikifungilo apa.”

436 Tulinkwanda ulukomano. Undungu gwākwānda, kifuki nakimo. Ikilo kyākwānda, une nāli ni kilundilo, Nkundwe Wright ni kikolo kyāke. Ikindu kyākwānda umwe mumenye, ku bumalikişyo bwa ndungu, abene balinkutoligwa ukubimika abene ndubingilo, kifuki. Pópe akang’osi kala kakālisile mma. Nkundwe Hall alinkupokigwa nkabalilo kala, u ntimi kula lilino, bosa ba abene. Une ndinkutoligwa ukukaga kūko akang’osi kāli. Bo kakāndilēpo akabalilo, ukufuma ku Church of Christi, pasi kūsi kwa kāmba, u ndindwana unnini yula ifyinja fihano-nafina ni myesi lwele akālyendilēmo mma, alambalele pala. Pala umwene ālipo. Umwe mumenye akapango kosa. Ena, nkulumba.

437 Kangi pamūsi pala bo Busty Rogers, unkulumba unywamu untupe ugwaiyolo imile pala . . . Une ndinkwenda panja pala. Kangi pala palinkwima ikilundilo kya Nkundwe Smith ukunseka kwa une, ukunyūgila une, panongwa ya kōşya mu Ngamu ya Yeso. Une ndinkusōka ukufuma mmisi ga ndipa aga Totten Ford, kūko abene bāli ni . . . [Ubuyo busitakandu pa tepi—Nsimbi.] . . . pamwanya pa kasōko pala, kangi itolo kakubuna nubukafu mūme akene kābagile. Abadiakoni babili bendaga panja na une.

438 Une ndinkuti, “Une ngwima apa pamūsi ugu ukwimilila kwa Lisimbo Likemo Iya Kyāla.” Une ndinkuti, “Une nābalile mu li Bāngēli apa pāpo Peteri āyobīle, ‘Pinduka, aligwesa gwa umwe, yaga bōşigwa mu Ngamu ya Yeso Kristi ku bōmoligwe bwa butulwanongwa bwinu.” Une ndinkusyumbutuka, ukubika i Būku kwa yumo mwa badiakoni.

439 Ukwenda pankā pala, kangi une ndinkuti, “Aligwesa ikwisaga, uyu ikipinduka ku butulwanongwa bwāke, umwene ikufimbilisigwaga ukwisa.” Ndinkwingile mula mmisi. Une ndinkuti, “Kukuboneka ngati a Bāndūmi bitugesye pa lusamba lulilosa lilino, bikukētesya.” O, mwe! Ukufwana kabalilo kala une ndinkōşya kifuki babili pamo batatu, ikipanga kyāke kyōsa, abakikūlu bala bāfwéle imyenda gyābo iminunu igwa siliki, bikutika a misi gala, ukukūta pamwanya pa masyu gābo. Une

nālyosisye ikilundilo kyāke kyōsa mu Ngamu ya Yeso Kristi. Umwe mumenye ikylene. Une ndinakyo ikipīcha kya ikyēne. Pala ikylene kyāli.

⁴⁴⁰ Ngimba ikylene kyāli fiki? Ukōngelēla ku lwīfimbilīsyo lwāko. Muketile? Kileke kyene ikylene. Kyāla amenye akabōmbēlo ka ikylene. Kyāla amenye akatwālīlo findu ukuti fibonekege. Baleke abēne bayobege iki abēne bikulonda ukuyoba. Kitikupela ubukindane nabumo. Itolo kindililāga ukubuka nkyeni.

⁴⁴¹ Busty Rogers īmīle pala, akabalilo kāko umwene ākibwene ikyo, umwene alinkuti, “Polelo une ngwitika ikylene ni ndumbula yangu yosa.” Kangi panja ukwisa mmisi umwene alinkwisa, ni myenda gyāke iminunu afwele, kangi ālyōsīgwe mu Ngamu ya Yeso Kristi.

⁴⁴² Kifuki ifyinja fitatu pamo fina ifi fikindilēpo, abene bālingōlīle une pāsi kula ku kīpatāla mu New Albany. Pala umwene ālipo, ikufwa, na kansa, itolo āndīle umwene mosa. Abaganga bālīmpele umwene mpaka ulubunju lwa kilabo kyāke, ukuya mūmi. Alinkuti, “Umwene ikufwa lilino.” Alinkuti, “Isaga lululu.”

⁴⁴³ Une ndinkusuluka ku kyūmba, akabalilo kāko une nābombīle ukwīma pala nukwīpūta. Umwene alinkuti, “Billy, kilipo i kipingafula kikusyungutula i nguto yila ukukilania.”

⁴⁴⁴ Kangi une ndinkusyumbutuka, ukukéta. Une ndinkuti, “Busty, ulwene lo lwitikano. Ugwe utisakufwa mma. U lwitikano lwa Lilopa likukupoka ugwe.”

⁴⁴⁵ Une ndinkubīka amaboko gāngu pa mwene, ndinkuti, “Ntwa Kyāla, mūmo imboniboni yila kwisilia yikisisimikisya ukuti Ugwe uli apa. U lwitikano lo lwakuti, iki, ‘Ni ndabalabe sya fikoti Syāke uswe tubumbulusīgwe.’” Ndinkwāla amaboko gāngu pa mwene, kangi pala umwene alinkuya kanunu. Balinkuntuma umwene ku kāya.

⁴⁴⁶ Kangi kifuki fyinja fina pamo fihano, kifuki fyinja fina, ukulob’iswi ukubuka-nu-kwisa ku kisōko na filifyōsa, ukukindilīla. Kangi napāpo u kansa āli pakusyungutula ku mmilo gwa lwānda, alyūmīsyē ugwene, kilipo ikifūndo ikinywamu ikikafu. Abaganga, abīsibīle ba kipatāla, bālīmūle umwene ukuti abēne bāli nu nkota gwa kolboti ugu gwābagīle ukugolosya kila, ukwitikisya ifyakulya fingi ukusuluka pa kabalilo. Umwene āli na kabalilo akakafu ukulya ifyakulya fingi, umwene afimbilīsīgwa ukulya polepole. Umwene alinkubūka kwisilia ukuti kikabombīgwe ikylene. Une ngāmenye umwene āli kula.

⁴⁴⁷ Polelo akabalilo kāko abēne balimpanjile umwene, balinkusyagania ikylene kyālīnsōpīle umwene mfigiligili, kangi umwene āli ni kisilisi. Alalatīle ulubafu lwāke ukusuluka bo ulo.

Kangi ikindu kyene kimokyene umwene ābagīle ukubomba ko itolo kukúta munjila-yāsinda. Kangi umwene āli ni kisimbilo, bo *ulo*, nukubūka, “uu, uu, uu.” Kangi umwene āgelīle ukusimba, ukuyuganika bo *ulo*, ni kiboko kyāke ikinunu. Ulubafu lwāke ulwakukīmāma, lulalatīle pāsi. Kangi umwene alinkusimba pala, ikiboko kyāke: “Yeso ikupoka, 1900 na kindukimo.” Abene balinkutoligwa ukukupilikisya ikyene.

⁴⁴⁸ Polelo lilino akabalilo kāko unkasi āyobīle, “Nkundwe Branham, une ngamanya iki umwene ikusanusya na ikyo.”

⁴⁴⁹ Une ndinkuti, “Nka. Rogers, iki umwene ikusanusya, ikyene kyāli 1900 na kindukimo, kūko umwene āpokīgwe nu kōsigwe mu Ngamu ya Yeso kūsi kula. Kila kyo iki kikuhomba mosa lilino. Umwene akaya nulutende ukufwa mma.”

⁴⁵⁰ Une ndinkuti, “Ntwa Kyāla, payaga u būmi bwāke. Une ngwīpūta ikyene mu Ngamu ya Yeso, ukuti Ugwe kupayaga u būmi bwāke.” Ukwāla amaboko pa mwene. Ukulalata kulinkundeka umwene. Ukigiligili kilinkuleka. Kangi umwene alinkusumuka ukufuma pa kitala. Kangi umwene ali pōsa lilino, ukupa ubuketi.

⁴⁵¹ Ongelēla ku lwītiko lwāko, ulwīfimbilīsyo; ongelēla ku lwīfimbilīsyo lwāko, ubumanyi; ku bumanyi bwāko, ubufisalyōyo; ku bufisalyōyo bwāko, ubufindang’oma; ku bufindang’oma bwāko, ubunyakyala; ku bunyakyāla bwāko, ulugāno lwabukundwe; ku lugāno lwabukundwe, u Mbepo Mwikemo, kangi Kristi isakwisaga. ’Nongwa yakuti, itolo pāsi pa Mwene. . . Mbepo Mwikemo yo Mbepo gwa Yeso Kristi ukwisa mu Kipanga, ukwināngīsya ifimbilīsyo sila. O, mwe!

Apa ikyene kili, sinda-gwa-sinda ukufuma ku sala kalongona-ibili.

Une nunganile . . . Une nunganile Umwene
Kabuno Umwene ātalīle anganīle une

Kubutali pāsi *apa*, bo ugwe ukāli ukuya kalikosa.

Kangi ālyulīle . . . (Ābombīle fiki?) . . . ubupoki
bwāngu
Pa mpiki gwa Kalvari.

Une ndi *iki* bulebule? Panongwa yakuti Umwene ālinganīle une, ikyākwānda.

Une nunganile Umwene, une mbaganile
Umwene
Kabuno Umwene ātalīle anganīle une (Apo po
yilipo i nongwa.)
Kangi ālyulīle ubupoki bwāngu
Pa mpiki gwa Kalvari.

⁴⁵² Une ngufinga, ulubunju ulu, ku Mwene, ni ndumbula yāngu yōsa, ukuti, nu butulo Bwāke ni lipyāna Lyāke, une ngwīpūta ukuti une ngulondesyaga ilisiku lyōsa, kisita

kulekelesya, mpaka une ngwipilika silisyosa sya i ndalusyo isi sikwendelela mu kabupime aka akanini akaiyolo akāngu, mpaka une mbagile ukuya yo bubonesyapabwelu bwa Kristi gwabumi. Kabuno, Umwene alinkuya bōnangi bo une, ukuti une mbagile ukuya . . . ukuya bugolofu bwa Kyala, bo Umwene. “Umwene ālyegile u buyo bwāngu; Ntwa, unko une nege u Bwāke lilino.” Panongwa yakuti, iyo yo nongwa Umwene āfwilile une. Balinga bikufungāga ikyo ikindu kilakila, ni lipyāna kya Kyāla? [Ikilundilo kikuyoba, “Ameni.”—Nsimbi.] Ni mitu gyitu ginamisisigwe lilino, kangi amaboko gitu mmwanya.

Une . . .

⁴⁵³ Une ngufinga ikyene, Ntwa, ikipanga iki kikufinga ikyene, “Ubupime ubwisusye ubwa Yeso Kristi!”

Kabuno Umwene ātalile alinganile une
Kangi ālyulile ubupoki bwāngu
Pa mpiki gwa Kalvari.



UBUPÍME BWA MÛNDU UMPELELÉSYE KYA62-1014M

(The Stature Of A Perfect Man)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Okutobala 14, 1962, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org